

A S T R O M I A E D A N I C A E
A P P E N D I X
D E A S S C I T I T I I S
C O E L I P H A E N O M E N I S,
Nempe
S T E L L I S N O V I S E T
C O M E T I S.
A V C T O R E

Christiano Severini F. Longomontano.



A M S T E R D A M I,
Apud IOANNEM & CORNELIVM BLAEV.
Anno M DC XL.

A P P E N D I X

Ad virum Cl. & Excellentissimum,

Dn. Christianum S. Longomontanum,

Mathematum in Academia Hafniensi Professorem

Regium, Opus novum de Cometis

publicantem.

INfra animum, vir magne, tuum, curare jacentes
Terras, aut quicquid lubricus orbis habet.

Vnica cura tibi mortales linquere curas,
Atque animo excelsi scandere tecta poli.

Ingrederis cœli veneranda palatia : causas
Abstrusas rerum mente sagace notas.

Promis, quid portendat fax infesta Cometæ,
Quidque Deus sacris ignibus ipse velit.

Non etenim frustra cœlo nova monstra videntur :
Sunt impendentis symbola certa mali.

Experti credunt, quos duro verbere Iovæ
Hucusque affixit vis inimica manus.

Sed necdum poenæ finis, scelerum quia necdum
Finis. Tolle scelus, sidera nulla nocent.

C A S P. E R A S M. B R O C H M A N D ,

Sacrarum litterarum in Acad. Hafniensi
Professor.

AD SERENISSIMVM ET CELSISSIMVM PRINCIPEM,

Dn. CHRISTIANVM IV,
DANIAE ET NORVEGIÆ REGEM
ELECTVM, DOMINVM SVVM
CLEMENTISS.



Væ causa fuerat, Celsiss. Princeps, Astronomiam Dani-
cam, quoad vires ingenii mei & corporis hactenus per-
miserant, elaboratam, Sereniss. & Potentiss. Regi Daniæ
parenti Celsit. Tuæ, imo patri patriæ inclyto, qua par est
animi subjectione nuper dedicandi : eadem fere mihi
nunc est appendicem ejus de novis coeli phænomenis
Sereniss. Celsitud. Tuæ submisse inscribendi ac fistendi.
Quum enim Deus Opt. Max. tanta his temporibus erga
nos clementia usus sit, ut non solum regna hæc avita, se
quotidie magis humo extollere, & sub tanto rege florere incipient, sed etiam,
quod maximi momenti loco reputandum est, sana confessio de Deo triuno &
salutis nostræ mysterio in CHRISTO IESV unanimiter custodiatur ; nec inter-
im ullæ honestæ artes ac disciplinæ negligantur : equidem pro exiguis meis
viribus, postquam Academiæ huic Regiæ admotus essem, nefas duxi, si vel ea
quæ antea maximis sumptibus pro Astronomiæ redintegratione coelitus in patria
nostra exantata fuerant, vel quæ Deus interim mortalibus in admonitionem
coelo suffulgere voluit, supprimerentur, ac penitus interirent ; præfertim ex quo
cognoveram, qualemcunque industriam meam ad hæc in lucem promovenda
gratiosæ superiorum voluntati acceptam fore ; inter alia etiam studiose eo diri-
gendum, ut fatalem illum cometam, qui ultimum triennium abhinc minaciter fa-
tis in coelo effulgit, diligenter consignarem : nec frustra ; siquidem cum hujus ex-
ortu, ac deinceps, adeo Romanum imperium quassatum ac perturbatum est, ut
vel in præsens salus ipsius periclitetur, & solida restauratio in dubium vertatur,
nisi ipse misericors Deus se quasi immediate interposuerit, ac rebus fessis opem
maturam tulerit. Verum enimvero quamvis ad hujus quoque caudati sideris mo-
tus fitusque apprehensionem, nec occasionem nec industriam ullam, dum dura-
vit, heic prætermisimus ; id quod observationes nostræ, cum aliorum collatæ, fa-
tis ut spero probabunt : tamen procrastinationis causæ perplures se ingesserunt,
quæ debitum obsequium meum circa ejus denotationem mature exhibendam
diu nimis suspenderunt ; inter quas etiam pestis illa funesta fuit, quæ divinitus
simul in poenam delictorum nostrorum immissa, cum exortu hujus cometæ gra-
fari coepit, & ad sesquiannum duravit ; ob quam Academia hæc circa dodran-
tem anni suspensa ac dissipata fuit. Ne vero foetum de hoc solo cometa nimis
sero inter alios aliorum recenter in lucem deproperatos parturirem, operæ pre-
mium me facturum existimavi, si materiam, adeo de unico cometa speciale, lo-
cupletiorem redderem, & generalem de novis phænomenis cœlestibus tractatum
per causas suas, velut principia, quoad potui, deductum in publicum molirer ; &
eidem, pro exemplis, phænomena ac qualiacunque judicia Astrologica duorum
ultimorum cometarum subjicerem ; ut vel sic tandem ad votum debito obsequio
submisse persolvendum redirem. Hunc vero tractatum, et si longe minorem esse
fateor, quam ut tantum Principem deceat, qui, ut Sol novus, radiis & stricturis a-
vitæ paternæ, & plane heroicæ virtutis ac Clementiæ ad omnes se diffundit ; adeo

EPISTOLA DEDICATORIA.

ut spes horum regnorum penes Celsitud. Tuam unice, cum bono Deo, in futurum firmetur: tamen dum inter linguas, artes ac scientias, quas Celsit. Tua eximie callet, etiam rerum Mathematicarum gymnas mата singulare solertia versat, dubium esse non potest, quin quoque coelestibus ac sublimioribus, quae Astronomia Regina disciplinarum complectitur, & compluribus aliis rebus impertit, tum quoque naturae novorum phænomenon, & imprimis Cometarum rite per vestigandæ unice accommodat, mens illa Celsit. T. sublimis multum per occasionem delectabitur. Quandoquidem studium hoc, quod mentem generosam à terrenis fæcibus avocat, & in admirationem, imo cognitionem tam concinni ordinis ac motus corporum coelestium, velut in entheum suum locum reponit, à Regibus & principibus in Republ. viris, semper fuerit expetitum, ut exempla in Serenissimis & Laudatis. Danorum Regibus in præsens usque maneant. Macte igitur virtute Princeps celsissime, & atavum atque avum paternum non solum pietate & clementia, sed etiam hujus sublimis scientiæ solertia & delectatione, parentem præterea efficaci desiderio rempub. hanc evehendi, deinceps æmulare. Quorum quidem virtutes ac bene merita erga hæc regna nulla unquam memoria delebit. Etenim (ut Saxo noster non minus Poeta, quam Historicus suo tempore elegansissimus, cecinit:)

*Gloria defunctos sequitur, putrique favilla
Fama superstes erit: nec in ullum desideret ævum,
Quod perfecta suo patravit tempore virtus.*

Sed ne gloria hæc vana esset futura, ita pietati in Deum, & clementiæ in subditos Heroes illi operam dabant, ut illum imprimis propitium, hos sibi devincentes habent; illum inquam, rerum omnium δημιουργον, à quo omnia ad remp. tutandum & ampliandum præsidia ac consilia salutaria dependent. Verum enim est, quod Plato alicubi dicit: Vbi non Deus, sed mortalis aliquis homo regnat, ibi calamitatum & malorum nullum est effugium. Quod imposterum religiose observandum puto, ne si vel alia mala, vel quæ cometæ hi ultimi orbi, non frustra, minantur, ad nos quoque divina voluntate, nostrisque (proh dolor) meritis pertingant, Deum rursus à nostra parte habeamus, qui solus fata flectere, & in locum portentosi omnis benedictionem ex alto refundere novit intime, & vult clementissime. Cui Sereniss. Celsitudinem Tuam, cum fratribus Illustriss. devote commendamus, ut pietas, & reliquæ virtutes avitæ, quarum vestigiis tam pulchre, gratiâ divinâ, incedis, ad certissima horum Regnorum fulcimina se extendant, continentur, & in seram posteritatem, si quæ futura est, feliciter propagentur. Hafniæ, pridie omnium Sanctorum, Anni Christi redemptoris nostri C I O I C X X I.

Sereniss. Celsitud. Tuæ.

Subjectiss.

Christianus Severini F.
Longomontanus.

P R O-

P R O . O E M I V M .

Si cuncta corpora lucida, que in cœlesti theatro oculis exponuntur, Astronomicæ considerationi sunt subjecta, sive, instar affixarum stellarum, immobilia hærent, sive motibus qualibuscum ab ipsis se exsolvant; merito quoque aliquid de affectitiis cœli phænomenis, absolute modo Astronomicæ nostræ erit subjiciendum. Etenim, licet hæc aeternis motuum legibus, non ut cætera mundi coæva corpora, obnoxia fuerint, utputa minus durabilitas; tamen & horum scrutinium, quantum tam ab externis, quippe observationum debite institutarum, adminiculis, quam solerte hinc inde ratiocinatione veritati proximum haberi potest, minime intermittendum est. Id quod etiam contemplationis hujus tam illustris, & homine ingenuo dignissimæ, finis ac veluti fructus suadet; quo simul ingens animorum cupiditas, & tantum non extrema securitatæ traditorum, in timore ac reverentia Numinis, merito per novorum in cœlo ostendorum apparentiam trahitur. Nam ut sidera perpetua gubernationi mundi generali, secundum Deum, qui illa initio creavit, adesse cernuntur, non solum dum tempora disponunt, sed etiam dum que in hisce fiunt, quædam secundum naturæ cursum operantur; alia eventura significant: sic nova ista phænomena, quoties in cœlo effulgent, non-nihil preter consuetam naturæ legem, procul dubio, portendunt, & singulari Numinis providentia ac dispensatione in hac mundana æconomia, antequam evenerit, insinuant, & homines pios pariter, ac impios ad penitentiam adhortantur; quod plerumq; hujusmodi signa, imprimis autem cometæ, infusa stœte esse solent, cui rei omnium temporum historie fidem faciunt, adeo ut inde apotelesma constructum sit,

εδεις κομητης ὄσις & κακὰ Φέρδ

Impune nunquam visus fulgere cometes.

Posteros quoque exemplum Hipparchi Rhodii antiqui ac præclari Astronomi, sed vel maxime Atlantis Danici Tychonis nostri movebit, ut talia nova cœli phænomena silentio minime involvant, sed horum occasione, artem Astronomicæ impensis colant. Nam ambo ad bina nova sidera, suis seculis in cœlo effulgentia, reliqua in universum fere affixa observarunt, & in Canoniam dispositionem, eclipticæ respectu, digesserunt. Quinetiam cometis præterea observandis, & inter cœlestia rite asserendis, non minorem, quam planetis & reliquis sideribus, cœlo coævis, si non majorem, curam primis temporibus noster adjectit. Proinde quum novæ hujusmodi τερρωδεις stellæ, nostris quoque temporibus, cœlo videri non desinant, sed sub effecti cæteroquin mundi finem, qui proculdubio brevi instat, frequentius appareant; quibus scilicet piæ mentes de antecessuro orbis statu perturbatisimo, qui passim in scriptura indicatur, divina providentia admonitas esse velit; me quoque in hac Academia Regia artes Mathematicas, & imprimis Astronomicas profitement, harum cura aliqua merito exsuscitavit, & ut antea ad observandum, sic nunc adscribendum impulit. Et quanquam opinione serius id, ob varias caussas, contingat, postquam cometarum ultimus, qui satis terribilis fuit, à multis etiam præstantibus virus vel statim sub ipsum sui exordium exceptus esset, descriptus, & dire atq; ominose fame à plerisque traditus, prout præsens rerum status efflagitare visus erat: tamen quia nec observationes tam ratae ac præcisæ ad eundem ab aliis deprehenderim; nec plane de ejus causis vel effectis, ab ipsisdem, etiam in tanta judiciorum varietate, ita disceptatum, quin laborem meum (licet postlimum) locum apud intelligentes inventurum considerem. Quocirca ut juventutis Mathematicæ, cui operam meam præcipuam destinaveram, utilitati rectius deservirem, visum mihi fuit; primum generalem tractatum de hujusmodi novis phænomenis per caussas & effecta eorundem contexere, veterum ac recentium opinionibus prius collectis, ad rationis incudem revocatis ac dijudicatis; deinde binorum, que specie cometica se præbebant, motu contrario, quasi invicem luctata, nempe quæ anno à nato Christo 1607 & 1608 cœlitus fulgebant, apparentias, motus, ac situs ex propriis observationibus expedire, eorumque qualiacunque significata attexere, idque tum ob periculosa hæc tempora, quorum signa sine dubio cometæ isti fuerunt: quorumve Ὀντιθεοῖς (quod metuendum est) nondum plene advenerat: tum ne juventutem exempla circa cometarum observationem, parallaxium enucleationem, denique effectorum qualemque prædictionem rite & Astrologice, hoc est secundum modum maxime rationalem, imposterum desti-

Ezech. : 8
item 2.
Apoc. 21.

P R O I O E M I V M.

tuant. Quæ dum pro exiguis, quas agnosco, ingenii viribus conor, & à divino Numine adiutus, ita heic verso, ut suscepta materia ad ea principia, quæ ego quoque in natura maxime verosimilia esse censeo, dirigatur ac decidatur, veniam mihi ab ipsis impetrandum video, qui aliæ de novis phænomenis cœlestibus longe etiam à se invicem dissidentes opiniones sovent: quas tamen, veris ac competentibus Astronomicis observationibus, quæ in sensum cadunt, ac postea, beneficio Geometriæ & Arithmetice, ratiocinationi altiori subjiciuntur, maxime probare oportet: hæ siquidem gradus ad tam altæ Philosophie limen subintrandum unice, & quidem rectissime præ omnibus aliis multorum veterum pariter & retentium commentis substernunt.

Contenta capitum hujus tractatus.

Cap. I.

De novorum phænomenon speciebus.

Cap. II.

De variis opinionibus tam veterum quam recentiorum circa ortum ac definitionem novorum phænomenon, in primis autem Cometarum, & quæquadmodum horum cause breviter ab illis traduntur, & sub certa genera rediguntur.

Cap. III.

De censura in præmissis veterum ac recentium opiniones de cometis, & quid in illis rejiciendum, quidque retainendum arbitramur.

Cap. IV.

De causa efficiente ortus ac generationis novorum phænomenon cœlestium.

Cap. V.

De causa materiali novorum phænomenon cœlestium.

Cap. VI.

De causa formalis novorum phænomenon cœlestium.

Cap. VII.

De causa finali novorum phænomenon, & ipsorum descriptione.

Cap. VIII.

De novorum phænomenon cœlestium, ac imprimis cometarum effectis disjadicandis.

Cap. IX.

De designata cursu Cometæ anni 1607 ex propriis observationibus, Deque parallaxibus ejusdem exhibitis, unde hunc intra cœlestem regionem, longe supra Lunam fuisse concludimus.

Cap. X.

De phænomenis, parallaxibus, distantia à tellure, & magnitudine cometæ anni 1618, e propriis observationibus conquistatis, adjuncta relatione cometæ hujus alia in Persia observata.

Cap. XI.

De effectis seu significatis horum duorum cometarum, seorsim ac breviter juxta communia Astrologorum decreta disjadicandis.

Cap. XII.

De communi affectione significatorum, duorum premissorum cometarum, ex iisdem causis efficientibus; mutua contrarietate: item, signorum seu Asterismorum natura, quos transmissi sunt: porro de aliis duobus, qui cum ultimo fere cooriebantur, ex quibus omnibus detectanda hominum securitas extremis hisce temporibus ante omnia arguitur.

CH. S. LONGOMONTANI
DE NOVIS COELI PHÆNOMENIS,
APPENDIX.

CAP. I.

De novorum phænomenon speciebus.

Methodus suscepit tractationem con-texendi, non nihil à naturali, quæ à defini-tione rei vulgo inchoari solet, deflecit, dum id quod præcipue hic querimus, nempe cuiusdem naturæ talia nova cœli phæno-menon fuerint, prius per externa criteria trans-mittetur, & per varias circumstantias, ab iis accurate dijudicabitur, sensu præcipue oculari atque historia, quam de natura ejus per cauſas dignoscenda, ratione subsequutura, doceri seu edifferi mediocriter poterit. Nam licet novum phænomenon id dici generaliter potest, quod instar stellæ fixæ vel cometarum desuper, sive in aere, sive potius coelesti thea-tro, de novo oritur, quippe haud prius con-spectum; tamen, quam hæc descriptio imper-fecta fuerit, veterum ac recentium opiniones, quæ capite sequente recitatuntur, liquido fa-tis ostendent.

Proinde à criterio oculari auspicando, spe-cies eorum phænomenon, quæ sic, præter cœlo adsueta, interdum in eo apparere videntur, hic omnium primo percensibimus, ubi vel solus Plinius nobis sufficeret, modo non ni-mium in talium specierum diductionem ma-teriam cometicam, ad Græcorum imitatio-nem, à quibus doctrina de cometis ad Latini-nos translata, ut alii volunt, primum ortum dicit, ipse extendisset. Has enim duodecim species cometarum lib. 2, c. 25, N.H. recen-set, quas Græcis characteribus satius est ad-scribere, ut earum ἀπειλογία rectius percipi-atur, & quibus rebus fuerint conformes.

Κομήτης, Stella crinita vel circinnata. **Πλωγωρίας**, Barbata, cuius inferiore ex par-te, in speciem barbae longæ, promittitur juba. **Ακορτίας**, à forma jaculi. **Σιρίας**, à forma gladii: **Δισκίας**, vel potius **Δισκοε-δής**, fere sine radiis, nisi raris è margine, colore electrio. **Πιθίτης**, Dolio similis, in concavo fumidae lucis. **Κερατοειδής**, Cornu speciem habet. **λαμπάδης**, Stellæ quæ facies ardentes referunt. **Ιππίας**, equinas jubes referens, celerrimi motus, atque in orbem circa se euntes.

Αργυρόπομπος argenteo crine ita refulgens, ut vix intueri licet, specieque humana Dei effigiem in se ostendens. **λογχίτης**, forma hastæ. Fiunt & hirci villo-rum specie & juba aliqua circumdati, si-mul juba effigies mutata in hastam est O-lymp. 108, hactenus Plinius. Cæterum, quanquam hasce cometarum differentias Plinius constituat, Græcos, ut dixi, imitatus;

tamen sententiæ Senecæ lib. 7, c. 11, ubi de cometis ita differit, *Sive sint aliquæ differentiæ illorum, sive non sint, eadem fiant ratione necesse est cometæ*, lubens subscribo, & ideo illud de Plinianis differentiis adjicio, ipsarum nimirum magnam partem, vel sola visus nostri dispo-sitione inter solem & cometas exprimi, ut in-ferius id rectius ostendatur, materia cometis convenienter data. Verum de Plinianis cometarum formis, ututest, certe qui nostro se-culo visi sunt, aut comati fuerunt, ut ille an. 1585, aut caudati, ut reliqui omnes, præter illum, quæ Cl. Ioh. Keplerus anno 1618, pri-mo inter tres, quos eodem anno in cœlo vi-sos fuisse refert, in Septentrione deprehen-disset: cuius cauda, ut reliquorum à sole dia-metraliter averfa, instar scoparum vestiaria-rum apparuisset, ut ob id hic ad secundam speciem πλωγωρίας supra appellatam referri posse videatur; ut nihil disputem de ea for-ma, quam idem Keplerus meminit, primum ab aliis, deinde à seipso prope ortum ultimi cometæ, & paucis ante ipsum diebus fuisse ob-servatam, Ceratiæ vel potius trabis spe-ciem (de qua Seneca lib. 7 cap. 5 natural.) re-ferentem, & in longum à sole protensam. Nos autem de novis phænomenis generatim agentes eam ipsorum differentiam recte dari posse videmus, quam Epigenes solis come-tis, & quidem alio sensu, tribuit, qui c. 6, lib. 7 Senecæ de rebus natur. his verbis legitur.

Duo, inquit Epigenes, cometarum genera sunt; alii ardorem undique fundant, nec locum mutant, alii in unam partem ignem vagum in modum comæ porri-gunt, & stellas permeant. Harum inquam spe-cierum, quanquam Epigenes priorem è ter-retri materia natam contendit, & postea vi-spiritus in sublime elevatam; quam ejus op-inionem Seneca pluribus commemoratam infra refutat; tamen dum eandem, stellarum fixarum, sine dubio, respectu, non quidem primi motus, immotam esse; alteram vero stellas permeare fateatur; non obscure insi-nuat, quod cæteroquin popularis observatio, tam in novis stellis, quam cometis assequi po-test, atque testari; quæ absque discretis ob-servationibus, & parallaxibus hinc inde didu-citis, quarum notitia destituitur, nihil certi in-ter phænomenon desuper noctu apparentium sublimationes, à facie telluris discriminare sustinet. Quod igitur Epigenes ibidem im-motum, sed humile vocat, nos quoque inter stellas, immotum esse fatemur, sed omnium quæ de novo in cœlo conspicuntur maxime sublime. Quocirca ex hoc primum genus sta-tuimus, stellam novam appellatum. Ex alte-ro vero, quod inter stellas mobile appetet, &

ignem

ignem vagum in modum comæ porrigit, genitus cometarum facimus, quippe in cœlo inferiore, seu planetario divagantium, & variis formis quandoq; apparentium, cuius sententiæ caufæ in sequentibus reddentur. Atque tantum de novorum phænomenon speciebus, quippe in sensum nostrum primo omnium in currentibus, & ideo quoque in hoc tractatu loco primo attributis.

C A P. I I.

De variis opinionibus tam veterum, quam neotericorum, circa ortum ac definitionem novorum phænomenon, imprimis autem cometarum; & quemadmodum horum cause breviter ab illis traduntur, & sub certa genera rediguntur.

Si nova, de quibus agimus, sidera, ad causas in natura referri debent, & non potius, ut quidam volunt, miraculis plane accenseri, nulla certe res in tota Physiologia mihi videtur, sive in elementis inferioribus reperitur, sive desuper in cœlo ipso, ubi præstantissima natura viget, quæ magis ad invicem discrepantes Philosophorum opiniones peperit, quam generatio & ortus cometarum per suas caussas ostendendus; ut novas stellas taceam, quarum apparitiones, à veteribus aut nunquam, rudibus illis saeculis, sunt deprehensæ, aut literis ad posteritatem nunquam propagatae. Etenim quam Plinius cap. 26, lib. 2, ab Hipparcho Rhodio observatam prodit, quia absque peculiari motu non fuerat, (modo Plinio alias fides habebitur) inter cometas potius accensenda est, in oppositio ne solis & terræ apparens. Cæterum dum ad cometas redeam, ad propositum pertinebit, ut præcipuas de horum natura ac caussis, tam veterum, quam recentium opiniones hoc capite breviter primum proponam: deinde in certa genera distinguam. At de his veterum opinione, Plutarchus lib. 3 de placitis Philosophorum cap. 2, mira brevitate collectas, in hunc modum proponit: *Nonnulli Pythagoræ alumni cometam esse ex illorum numero, quæ non perpetuo visuntur, sed statim tempore in orbem recurrente aperiuntur: alii visus nostri ad solem repersum simulaci modo specularis; Anaxagoras, Democritus, stellarum binarum vel plurium inter se mutuo collustrantium coitum. Aristoteles concretionem aridæ respirationis ignitam. Strabo sideris lumen densa circumiectum nube, quemadmodum in facibus sit. Pontius Heraclides nubem sublimem, à sublimi illustratam lumine. Similem caussam adfert Pogonie, id est, barbare. Alii trabem, calamum, & quæ his affinæ sunt, ut sane tota Peripateticorum natio in nubis eodem modo configurationibus (cui certe Ptolemaeus in quadripartito opere suffragatur:)*

Epigenes spiritum terrenum, qui supera petit, ignescens. Barthus aeris laxi speciem. Diogenes comatas esse stellæ. Anaxagoras micantes, quæ dicuntur, ab æthere scintillarum modo delabi, ideoque confeſsim extingui. Metrodorus violentam in nubem solis impressionem scintillare. Xenophanes, ejusmodi omnia nubium ignitarum coagmenta, vel motiones esse. Hancenus Plutarchus plerasque veterum opinione, de cauſis & generatione cometarum recensuit, quas eum ex aliis, imprimis vero Seneca defumſisse verosimile est; qui lib. 7 De Nat. uberius de iisdem disputat, & has easdem refutat, verum ita quidem, ut & seipsum incertum de cometarum generatione inibi reddat, niſi quod eos in cœlo fieri recte opinetur. Ab hisce priscis neotericis dum nos convertimus, non quidem omnia, sed præcipiutorum Mathematicorum ac Physiologorum censuras de cometarum cauſis in medium protrahemus, & Plutarchum æmulando brevi enucleationi adstringemus. Siquidem multitudinem illarum opinionum, quæ vel de ultimo illucescente cometa à tot scribentibus in medium productæ sunt, vix quisque facile comprehendit. Cardanus, & Tycho noster, cometam, cœlestem materiam, de novo generatam, in globum coagamentatam, & subito ræs òls à sole illuminatam volunt. Iulius Scaliger contra, eundem terrestri exhalatione in supremam aeream regionem, videturum elevatam, fieri contendit, nec accendi, sed à radiis duntaxat solis illuminari. Cujus sententiæ particulae, sub ea conditione Rothmannus suffragatur, ut postquam intellexisset cœlum satis esse pervium, non dubitaverit terrestrem exhalationem, ætheream regionem scandere, & inibi primum cometam generari, ac solis duntaxat radiis (ut Cardanus, Tycho, & Scaliger) illuminari.

Kepplerus cometas in vastissimo æthere generari, ut pisces in Oceano; & ut hi in aquis, aut aves in aere, sic cometas ductu rectilineo orbem universum pertranare. Vnde contingere autem, ut in tellurem forte aliquando incidentes, ab eadem tanquam solidiore perforentur. Neque aliud per Keppeli hypothesis, cometica illa trajectione rectilineari, inter alia, evenire potest. Ambrosius Rhodius cometas, corpora cœlestia, lucida quidem, sed extra naturæ ordinem esse. Wilibrordus Snellius cometas, κατακαιματα seu exultationes, à sole emissas esse differit, qui ideo ut sol, anthracea incensione vigebunt. D. Habrechtus deniq; cometam, novam stellam esse definit, materia cœlesti generatam, & quandoque in supremo aere, plurimum vero in ipso æthere existentem: ut I. Regionem montanum. P. Apianum, Andr. Craigum, Scotum, & alios ceteroquin excellentes viros, tum quoque Physiologos non attingam, qui nullam

nullam præter Aristotelis opinionem, de generatione cometarum admittendam cœfuerunt, ne forte cœlestia novis impressionibus adsperrere, atque conspurcare velle vide rentur; verum potius unius Philosophi Stagyrite hypothesin de hisce, ut & aliis, sequen dam.

Hæc autem veterum ac recentium de cometarum causis sylloge quantumvis varia fuerat; tamen sub tria genera cadit: nempe, materiae, apparitionis, & loci diversitate considerata. Primo namque materiae respectu, cometa aut cœlesti, aut terrestri, oriundus producitur. Forma autem apparitionis, quæ à vera non discrepabit, cometa aut ignis instar accensi ardet, aut saltim ab astris, imprimis vero sole illuminatus appetet. Loci denique ratione, aut in cœlo supra Lunam, aut infra hanc, nempe in elementari, seu sublunari regione, aut quandoque in aethere, aliquando etiam in sublunari regione cometæ versabuntur; nam huc quoque censoria Keppleri & Habrethi se extendunt.

C A P . I I I .

De censoria in præmissas veterum ac recentium opiniones de cometis, & quid in illis rejiciendum, quidque retinendum arbitramur.

AD præmissas veterum & recentiorum opinione, de novis illis phænomenis, & imprimis cometis, dijudicandas, duo quasi certitudine nobis quodammodo famulantur. Vnum, quod in præviis observationibus, ad talia phænomena habitus, consistit; non tamen quibusvis, sed organis competentibus; nec minus prudenter revolutionis cœlestis respectu acquisitis. Vnde de distantia talium phænomenon, à facie telluris, item magnitudine, & tandem naturali quodam incessu, ac duratio ne judicium Astronomo firmetur; etiam ex apparitione caudæ cometæ, perpetuo in contrariam solis partem vergentis.

Alterum cum majore adhuc ratiocinatio nis solertia conjunctum est, dum scilicet de materia, unde phænomena illa nova potissimum oriuntur: item de forma interiore, quæ quidem lucida est, ut nonnisi lucis progeniem dicas, sed anxi tandem queras, num insita & quasi anthracia illa fuerit, ut ignis in carbone, an vero aliunde, ut lumen Solis ad Lunam collustrandum, pervenerit.

Ad primum autem, quod ex observationibus infallibilibus efformatum est, certe phænomena omnia hujusmodi cœlestia esse dijudicari possunt, & debent, ut hinc unius D. Tychonis industriæ, in libris suis Progym. tota doctrina Peripatetica de sublunari cometarum generatione facile ruat, & à fundamen-

to convellatur; item reliquorum quotcunque opinione, quæ Aristotelicæ quavis ex parte affines sunt, loci scilicet sublunaris respectu; quum nemo haec tenus unquam prodidit, qui ex observationibus suis, æqualis certitudinis, cum Tychonianis, aut aliorum exquisitis, vel nostris postea habitis, tantas aut in stellis novis, aut cometis parallaxes fuisse convincere potuisset, ut lunares uspiam haec excederent. Evidem contra invictam parallaxum rationem nugas Keckermannii non attingam, ut nec Iul. Scaligeri, minime vero omnium Ioh. Craigii Scotti pervicaciam, & perplexas in Aristotelis defensionem parallaxum excusationes, vel potius rejections, pluribus, quam olim factum est, heic refutabo. Quandoquidem tam sublunaria meteora, quam ipsa luna, & omnia quæ sublime spectantur, quippe ad quæ diameter telluris globi satis sensibili lem comparationem fortitur, parallaxum rite observatarum legibus, atque harum analogiæ ordine suo se sistunt, & obnoxia repe riuntur; cujus rei exempla per Astronomiam nostram reliqueram, imprimis lib. 2 Sphær. cap. 10 & 11. Illud igitur Ioh. Kepplerus, in sua hypothesi cometica, non satis attendisse mihi visus est, quod cometas sublunares aliquando fieri, imo in ipsum terrestrem globum illidere, per eandem concedat, præviis ad descepsum eorum inter sublunaria observationibus destitutus. Proinde cœlestia (ut diximus) nova illa phænomena cuncta esse revera statuimus, quæ aut instar fixarum stellarum loco non moventur, & tamen per plures menses & integros annos durant; aut quæ cometarum naturam induunt, & ad justam durationem motum suum, sub maximo cœli circulo, continuant, ac demum caudas suas in contrarias à sole partes, tam exquisite, in quavis revolutione deflectunt; quandoquidem etiam ex talibus signis, analogia horum cum coelestibus egregie stabilitur; ut postea in exemplis, una cum iis, quæ ad eorundem parallaxum enucleationem ac certitudinem spectant, uberior declarabitur.

Obtento autem ex doctrina parallactica, item constanti incessu cometæ sub circulo maximo: demum caudæ porrectione in oppositas solis partes: quod scilicet phænomena hujusmodi nova loca ac motus intra ipsum cœli systema possideant: consequens est, ut aut stellas perpetuas (quæ tamen non nisi certis temporibus apparent) cum Pythagoræis pronunciemus; aut novam esse ipsorum generationem, quippe ex materia ac forma provenientem, agnoscamus. Verum, unde hæc generationis principia sumantur, disquiramus.

Sed Pythagoræis primum respondebimus, quibus alii nostro seculo, & imprimis Nolanus

nus Brunius Italus suffragatur. Contra hos autem novas stellas, vel etiam cometas, ideo ex numero perpetuo existentium esse cum Seneca negamus; quandoquidem (ut plurimum) maximum incrementum suum, ac mollem sub initium apparitionis ostentent. Quod fieri non posset, modo ex intimo cœli recessu pedetentim versus tellurem migrarent; donec ob evidentem magnitudinem, qua corpora propinquiora, anguli visionis respectu, augmentur, in conspectum nostrum venirent. Neque ob certam cum sole dispositionem (ut Nolanus voluit) id contingit, quod hujusmodi stellæ, cæteroquin per se obscuræ, eam à sole illustrationem acciperent, & sic nobis conspicuæ fierent. Siquidem hujusmodi cum sole dispositio, in illis, ut in luna, uniformis minime est. Addo, quod tempus durationis eorum, tum propter motum solis interea, tum proprium in cometis, minime continuari sic posset, quando illud motuum hujusmodi disparitas, citius dissolveret. Et quæ quæfio ratio Geometrica est, quod cometa nunc in alto septentrione, nunc in meridie, nunc ante, nunc post solem exortus, talem apparitionis angulum cum sole & oculis intuentium configurabit, qui neque in rationem, neque mensuram certam cadit? ut taceam, quod hujusmodi obscura sidera, unde stellas novas ac cometas fieri autemant, dum inter reliqua cœli lucida corpora obambulent, hæc non minus, quam Luna Solem interdum, occultare: quod tamen ab Astronomis nondum animadversum est. Facebat igitur Pythagoræ opinio, & insuper omnium eorum, qui vel cometas stellas perpetuas esse volunt, vel à stellarum fixarum seu planetarum ad invicem collustratione fieri, ut Anaxagoras. Quandoquidem hæc collustratio similiter per motus efficientium planetarum interea aut inordinata fieret, aut immature nimis dissolveretur. Restat igitur, ut nova illa phænomena de novo generari credamus. Ergo ex materia aliqua & forma, quæ principia supponit generatio. Sed de materia primum, hanc terrestremne cum Epigene & Rothmanno statuemus, quæ nullo aut obstaculo, aut repagulo cohibita cœlum scandit, & ibidem sensim collecta, in globum coacta, & tandem à radiis solaribus collustrata cernitur? An vero cometas κατακλύσμα, seu ustulaciones à sole, vel potius ejus materia peristatica exfilientes, ut Willebrordo Snellio placet. Vel ex aliis planetis fieri, præcipue Marte & Mercurio, ut alii, & imprimis Ptolemaeus censuit; sub ea tamen conditione, ut planetæ isti, non tam materiæ, quam efficientis rationem habeant, quando illa his, cum Aristotele, terrestris esse credebatur.

Contra has opiniones communis nostra

ratiocinatio atque dissertatio est, quod cum credibile admodum fuerit, peristales aliquas circa sidera esse, quæ illic aeris terræ nostræ circumfusi vicem gerunt, ut in Luna, Sole, Iove ac Saturno, prope nunc intimioribus observationibus per dioptricum instrumentum Gallilæi, didicimus. Cæterum hasce tam ipsis corporibus & globis, quibus circumstant, ita esse appropriatas, ac devinctas video, ut nullo pacto ad alia transeant, seu se vasto, ac vacuo cæteroquin cœlo admisceant. Etenim quæ corporum cœlestium inter se & cum telure communicatio fuerit, ea ad solum lumen astrorum, & ejus vehiculum expansum nimur referri debet; ne scilicet corpora illa mundana intereant, congenitis sic ab his exclusis, ac in locum eorum heterogeneis intromissis, quod ipsum ab homogeneorum natura plane abhorret; quemadmodum id in parte altera Prognosticatum Astronomiæ dilucidius intelligetur, quippe fusius ibidem expositum. Denique Keppleri si quid ulterius erit respondendum, dicendum certe, etiam trajectiones hujusmodi cometarum rectilineares, quales ille constituit, hypothesi Coperniceæ, cui cæteroquin Kepplerus unice devinctus est, manifesto contrariari. Quum enim Copernicus motum circularem, solum naturalem esse agnoscat: unde ergo rectus ille à Keppleri introducitur, qui cometis tribuitur? certe non à natura. Nisi igitur cometas sensu præditos esse Kepplerus evicerit, & finem talis sui motus agnosceret, vix quicquam aliud reperiet, quod eundem tam ordinarium constituet; ut missum faciam planetas, quos cometarum forma & motus apprensus quodammodo imitatur, circulari motu revera ciri. Sed qui planetis scientiam affinxit, hanc forte cometis non denegat. Vt ut est, nos super hac re miramur, ut dum cometa saltim naturalis esse credatur, nec eidem gubernando Spiritum aliquem præesse adhuc constet, animali confestim similis habeatur; præsertim quando non longe durat, verum cito, aut in ipso cœlo disparet, aut in terra illidens (ex Keppleriana hypothesi) dissipatur & evanescit. Has rationes, dum cum superiore complicatas, rite quis æstimare velit, dicat Kepplerum ingeniose magis, imo operose magis, quam vere cometarum generationem ac motus trajectionum hypothesi excusare.

Atque hi præcipui authores fuerunt, quasi per classes à nobis distributi, circa quorum opiniones de ortu novorum phænomenon σιάστεψις καὶ διάνεσις, hæc nostra erat extendenda. nam cæteri, quos Plutarchus percenset, refutationem non merentur. In his autem quibusdam, ut & illis, item Cardano ac Typhone nostro, colligimus, quod materia novorum phænomenon cœlestis certo fit, sed ex

ex qua cœli parte illa proveniat, quia parum aut nihil definite pronunciarunt. Igitur capitibus sequentibus, quantum Deus ingenio largiri dignatus fuerit, de hac, ut & reliquis caussis, censuram meam proferam, ut quid novas stellas, quid cometas esse existimem, postea rationibus hinc inde deducendis constet & in promptu habeatur; sed ita quidem, ut semper meliora afferenti locus relinquatur.

C A P . I V .

De causa efficiente ortus ac generationis novorum phænomenon cœlestium.

T. B.
Lib. Pro-
gymn. p. 513. **Q**uandoquidem doctissimorum hominum (etiam præter quos recensuimus) de ortu ac generatione novorum in cœlo phænomenon varia sint judicia; nam licet intra cœli claustra ea fieri, pene apud omnes recentiores ac intelligentes Astronomos hodie, post Tychonem, conveniat; adeo tamen prodigiosa, & à reliquorum elementalium generatione anomala esse plerique putant, ut caussæ eorum, in natura modo contineantur, vix, ac ne vix quidem à quoquam mortalium perscrutabiles esse queant: proinde apud ingenuum lectorem, heic excusatione mihi opus esse video, ne existimet me præsumptuoso & temerario judicio, id de horum caussis plene ac indubitanter differere, aut etiam asserere velle, quod talium virorum, imprimis autem ipsius Tychonis nostri ingenuam de se confessionem transcendent, ubi Thaddæi Hagecii dubitationi, dum eum explicat, his verbis subscrabit: In fine ejusdem capititis (4 dia-
λέξεως suæ) nonnulla attingit (Hagecius) de genera-
tione cometarum cœlesti; licet se hanc ignorare inge-
nue fateatur, tamen ob id fieri posse non negat, sed ad-
mirandis Dei operibus, quomodo id eveniat, pie adscri-
bit, & à nostra plenaria cognitione remotum esse asse-
rit, quod & ego non inficio. Quæ tamen probabili-
ter de horum procreatione extra communem philos-
phantum opinionem & stimari poterunt, circa finem
totius operis, ad calcem videlicet Tomi tertii, meam
(favente cœlestium auctore) significabo sententiam;
interim cum iis haud invito sentio, qui cometas inter
naturæ secreta nondum explanata reponunt, eosque
ex occultis caussis (ceu ex Messala probat Regiomon-
tanus) provenire asseverant. Hæc Tycho. Vnde
quoque quisquis cognoscet, nos saltim maxime probabilia de horum generatione sectari, præsertim quando observationibus Astronomicis haud altius in hanc cognitionem ascen-
dere datur, quam quod primum per exilitatem parallaxum cœlestia certo deprehendantur; deinde quod hic aut sedem fixam ha-
beant, quippe quæ immotæ inter fixas appa-
rent, stellæ novæ; aut quæ formam cometa-
rum induerunt, motu infra fixas, nempe in
cœlo planetario, sub circulo sphæræ maximo
seruntur: & denique defluvii, quo conspici-

untur, quodque caudam seu crinem nomi-
nant, constantem à sole porrectionem in o-
mni revolutione ostendunt. Ex quibus quasi
signis manifestioribus, aliquid in iis naturale
esse conjectamus; quum tamen nonnulla,
nempe primam ipsorum apparentiam con-
cernentia, dum hæc maxima plerumque &
validissima, tum quoad quantitatem, tum
quoad motum esse solent, generationi infe-
riorum elementali vix possint accommodari.
Siquidem sublunaria sensim crescere & ad
ānū ante interitum contendere cernimus,
nec ita ut nova cœlestia phænomena, sensim
diminui; sed potius in eadem quantitate ut
plurimum durare, donec prædestinatum tem-
pus, & etas singulorum, resolutionem & inter-
itum eorundem ita moliatur, ut tandem mu-
tationi subjiciantur, & novam formam fusciant,
ad quam generationis continuationem
atque vicissitudinem, semina specierum in na-
tura asservantur; velut in stirpibus, harum
fructibus, item animalibus & univeris sub lu-
na crescentibus advertere licet; præter me-
teora, quorum quia imperfecta generatio, seu
mixtio est, nec adeo ad certum tempus dura-
tio, etiam ab illa cœlestium generatione me-
rito excluditur. Alia igitur in hisce subluna-
ribus & elementatis; alia superioribus seu
cœlestibus illis vis inest, quæ ea gignendo sub-
ito in maximam massam expandit, & tan-
dem paulatim absunit; non secus ac bullam
super aqua subito à vento formari cernimus,
incrustari nempe, seu tenuissimis panniculis
expandi: deinde (quæ non statim aboletur)
interdum sensim in se subsidere, quippe aqua
subitus materiam ad se resugente; vel etiam
si talis superiorum generatio subitaneo fun-
gorum terrestrium exortui, ut vel maxime in-
tra spatium 7 dierum ad suam perfectionem
pervenientium, quodammodo adsimulari pos-
set. Quæ tamen similia, ita heic ponuntur, ut
multum dissimilitudinis cum generatione ac
conditione novæ stellæ aut cometæ in se con-
tineant, ut nihil heic de aviculis Plinii Ephemeris,
aut etiam homunculis ejusdem appellationis ob dissimilitudinem aliquam refe-
ram. In hac igitur anticipi dijudicatione ac
censura, de novorum cœlestium phænomenon
generatione dum versamur; nec tamen quic-
quam absque caussis fieri fatemur: proinde
quando de hisce nunc ordine differemus, A-
ristotelis consilium ac consensum lib. I Met.
c. 7 imitabimur, ubi inquit, *Ea quæ occulta sunt
sensu, ratione satis demonstrata esse dicimus, si ea ad
id, quod fieri potest, revocaverimus.*

Principio autem in efficiente novorum phæ-
nomenon cœlestium, quæ ordine caussarum
prima occurrit, nihil certe aberrabimus,
quando ipsam primario ad ipsum Deum o-
mnium rerum creatorem ac Dominum devol-
vimus:

vimus: præcipue cum naturæ leges hæc nova & subitanæ cœlestium generatio excedere videatur, quippe quæ nullum certum naturæ cursum, aut temporis in ea periodum & restitutionem observat atque metitur, adeo ut heic & ubique habeat locum illud Psalm. 115, v. 3, Deus noster in cœlis est, quodcumque voluit fecit. Item Psal. 136, v. 6, Quicquid placet sibi Iehova facit in cœlis ac in terra, per maria & omnes abyssos. Sed quia Deus ob sapientissimam naturæ ab initio ordinationem, per caussas secundas deinceps, ut plurimum agit, ad generationem novorum phænomenon, quoties fiunt, pro efficiente, cum ipsa voluntate divina, assumi mihi posse videtur, mutuus stellarum quarundam inter se & cum Sole adspectus, pro cometa vero in primis (ut Ptolemæus voluit) Martis & Mercurii conjunctio, oppositio & quadratura, aut aliis ipsorum sinistra intuitus: maxime ob effecta illa, quæ infastam horum ad invicem, & cum aliis dispositionem sequi solent: item aliorum etiam planetarum potentes cum Sole irradiationes, ut postea dicetur.

Atqui hic quæstiones seu dubitationes quædam incident, quæ in animis hominum quorundam stimulos relinquere solent, & ideo prius pro engeniolo nostro explicandæ, quam ad alia festinemus. Primo autem quæri potest, cur cum Deus Opt. max. hujusmodi cœlestia nova ostenta atque signa, ideo maxime sine dubio, ante oculos mortalium constituit, ut à sceleribus resipiscant, & tempore oportuno ad salutarē pœnitentiam redant, antequam ad justas pœnas trahantur, quas hujusmodi cœli nova phænomena annunciare videntur; & tamen eadem ostenta nihilominus à caussis secundis fieri affirmantur: quid igitur impedimenti esse possit, quo minus juxta Stoicos caussis secundis Deus aligabitur?

Item si novæ stellæ ac cometæ, quæ inter alia signa, de resipiscencia à peccatis, mortalium oculis fistuntur, caussas simul ulla effætrices à sceleribus trahent. Vel ut generalius quæstionem hanc extendam: Si ex mundo coævis sceleribus futura prædicti affirmabuntur, sive generalia illa fuerint, sive specialia, ut quæ ex Genethliacis constitutionibus Astrologi vaticinantur, quæ simul quoque ex divina ordinatione contingunt, & hæc ejusmodi esse, ut ad mala saltim inclinent, si non eadem, ut alii volunt, efficaciter operentur: quæri certe potest, quo modo ex eadem divina ordinatione, sceleræ ac peccata excludi possunt, quandoquidem hæc velut effecta seu signata in certis illis vel caussis vel signis comprehensa esse videantur?

Atque heic rectissime respondendum arbitror, Deum minime ideo ordinasse peccata,

quæ certe ex voluntate diaboli & hominum citra aut præter omnem ordinationem divinam eveniunt: etiam quod hæc signa quodammodo à caussis secundis, hoc est cœlestibus sceleribus, quæ Deus ab initio cum cœlo creavit, emanant: quod id juxta scripturam, imo Philosophos ipsos, & imprimis Platonem, divinæ naturæ, quæ tota bona est, plane repugnet. Quin potius, heic statuendum est, quod quum Deus absque tempore & loco sit, & quidem ita, ut quæ in tempore atque loco fiunt, exquisitissima harmonia gubernet, adeo ut in illa œconomia divina omnia à primo mundi incepti tempore ad exitum ipsius, seu orbis totius consummationem, perpetuo in conspectu Creatoris locentur, nempe tam sceleræ ac peccata hominum, quam omnia alia, quæ certis suis temporibus fient. Non igitur apud Deum impossibile erat sidera in primæva creatione ita ordinare, ut perpetuo postea inter alia sua ministeria, aut ipsa in signa essent futura, aut signa de se ederent, divinæ suæ in homines benevolentia, cuius quoque pars, ut & justitiæ ipsius, non minima est, scelerum vindicta, quæ hujusmodi ostenta cœlestia aut sequitur, aut eorum apparentiis est conjuncta; ut bellum, pestis, annonæ, obitus magnorum in republ. virorum: regnum transmutationes, & alia media, quippe quæ sæpe malos corrigunt, & ad pœnitentiam retrahunt; bonis vero minime incommodeant; his siquidem, qui Deum diligunt, omnia in bonum operantur.

Secundo, quum paulo antea affirmatum sit, adspectus siderum, cum primis Martis & Mercurii, ad generationem cometarum conferre (licet certe & alii aliorum planetarum non excluduntur, ut infra patebit) quæri potest, cur igitur, quando hujusmodi adspectus quotannis fiunt, non etiam inde cometæ producuntur, ut certo tempore ortus eorum prædicti queat? Quod tamen vix à quoquam hæc tenus factum est; et si quidam, qui Astrologi audire volunt, se inde inepta præsumptione jaſtitent.

Sed hic quoque non incommode respondebitur, per id quod ab initio admonui: actionem icilicet Dei liberrimam esse: & addendum præterea, qua etiam occulta naturæ parte, Creator ad id, velut cauſa secunda, utitur, plane à nobis nesciri. Vnde scite Hippocrates, de iis, quæ nobis ignorantibus fiunt: οὐδὲν μὲν ἀυτόματα. τῷ δὲ Θεῷ μηδὲν ἀυτόματον. Interim quoque dicendum, naturæ cursum non ideo plane in reliquis impediri, quod variæ remoræ sint, ex causis potentioribus incognitis: item materiae defectu supervenientes, quæ generationem novorum phænomenon aut differunt, aut variant, & prædictiones ex illis, ut & reliquis astris, incertas, sæpe

Cap. 5. DE NOVIS COELI PHÆNOMENIS.

ſepe etiam irritas reddunt: præter professo-
rum imbecillitatem & ignaviam; velut haec
omnia Ptolemæus initio quadripartiti sui o-
peris de astrorum effectibus ſatis copioſe
exponit. Tantum de novorum phæno-
menon cauſa efficiente. Nam quod Paracel-
ſus quodam in loco dicat, à perversis homi-
num cogitationibus, & quali ad mala per-
petranda præmeditationibus coeleſtia fidera
(ob συμπαθειαν cum inferioribus) imprimis
autem Venerem concipere, & cometas vel
invito parturire; quum naturæ cæteroquin
coeleſtia caſtae atque illibatae fuerint; porro
hos novos foetus ſeu cometas poſtea in effe-
cta resolvi, quæ conceptus hujusmodi amplius
per bella, furta, latrocinia, adulteria & fi-
milia referunt atque exerunt; id certe potius
fictæ alicuius cauſæ rationem habere vi-
detur, quam aut in natura, aut scriptura eſſe
fundatum. In confesso enim eſt, superiora in
inferiora agere, & non ē converso: ſic aſtra
divinitus ordinata eſſe, ut malorum iſtorum,
quæ à libera actione humana, ſeu potius fer-
va, id eſt, diabolo mancipata proficiscuntur,
vel prænuncia vel internuncia ſimul eſſe poſ-
ſint; quemadmodum id modo ſupra expo-
ſitum eſt, & uberioris infra per cauſam ſimi-
lem exponetur.

C A P. V.

*De cauſa materiali novorum phæno-
menon coeleſtium.*

A bſſiente ad materiam novorum phæno-
menon transitus eſt, ſed talis quidem
transitus, qualem vix natura circa reliquas
generations agnoscit. Etenim postquam
generatio eorundem ex Aristotelicis prin-
cipiis ac hypotheti jure fuerit denegata, &
ideo materia in cœlo quæſita; haec profecto
varias opiniones apud recentiores Astrono-
mos peperit, quæ pene omnes præcedenti-
bus capitibus ita ſunt diſcuffæ, ut non atti-
neat eisdem denuo ſub incudem revocare,
aut iis pluribus, quam ibi factum eſt, ratio-
nibus refiſtere. Nos autem licet ſatis quoque
ex superioribus probavimus, materiam hanc
novorum phænomenon, non aliunde quam
ē cæleſti eſſe; tamen ne fortuitum ejus con-
curſum ad nova illa phænomena generanda
fore concludamus, rem heic paullo altius in-
tuebimur, & primo pro viribus diſpiciemus,
an cœlum ita affectum, aut (ut loquuntur)
qualificatum fuerit, ut ulla hujusmodi nova
de ſe producat; quum id veteres philosophi,
& imprimis Peripatetici pernegent. Hoc au-
tem ubi convidetur fuerit, queremus amplius
pro talis materiæ inventione, nempe ē qua
cœli parte educitur, fidereane, an ea quam fi-

deribus vacuam eſſe cernimus, & proprie-
cœlum appellamus; an denique ex utraque.

Quamvis enim heic materiam talem a-
gnoscimus, quæ formæ ſeu ſeminis cuiuſdam
ad modum formæ operantis receptaculum
eſt, non tamen famofam illam primam, quæ
pene ſecundum Platonicos, nullibi & nihil
eſt, intellectam volumus, ſed revera in cœlo
existentem. Primam namque illam, quam
alii chaos, ſcriptura indigefam molem no-
minat, in primævam rerum creationem ab-
ſorptam fuiffe, cum nonnullis noſtra ſen-
tientia eſt. Ob quam cauſam, etiſi inferiora à
superioribus toto genere non diſſunt, ma-
gna tamē materiæ varietas eſt in cœlo &
terra, unde species diversæ in orbe produ-
cuntur. (vide Antonium Flaminium in 11 lib.
Phyſ. Aristotelis) ſed ad quæſitum primum
revertamur.

Contraria illa quæ Aristoteles ad genera-
tionem requirit, duorum potiſſimum gene-
rum ſunt, & circa materiam cadunt.

Aut enim haec in qualitatibus contrariis
confiſtunt, quæ elementis inter ſe tranſmu-
tandis in eſſe ſentiuntur: aut deſtructione, ſeu
privatione formæ in materia, dum ſimilis aut
alia in eam introducitur: nam de tertia con-
trarietate, quæ ex motu ſurſum & deorſum,
pro elementorum natura, levitate ſcilicet &
gravitate contingit, parum aut nihil ad ge-
nerationem facit, & hanc non tam elemen-
tis ſublunaribus, quam ſingulis aſtris, vel-
uti corporibus magnis mundanis accidere
in prognorismatis Astronomiæ de cœli ma-
teria oſtendi. Illa inquam contraria, quæ Ar-
iſtoteles à cœlo excludit, nos eidem in eſſe
aſſerimus. Nam quod qualitates primas at-
tinget, imprimis agentes illas, ſcilicet frigi-
dam & calidam, eas antea in prognorismate
Astronomiæ, cœlo quoque includi, haud du-
biis argumentis evicimus, nempe expaſsum
iſtud cœleſte eximie frigidum eſſe: aſtra ve-
ro, & imprimis ſolem, calore excellere. Qua-
propter primum hoc ex contrarietate prin-
cipium, pro nova cœleſtium generatione no-
bis adſtat.

Porro pro altero obtinendo haud multum
laborabimus, quando oculis, quæ uſurpamus
ſeu videmus, his fides tuto applicari ſolet.
Talia ſunt illa phænomena, quæ recenter in
cœlo oriuntur, nempe ſtellaæ novæ & come-
tæ, quæ revera in cœlo generari, non pluri-
bus argumentis, adverſus Peripateticos pro-
bare neceſſarium duco, quam quæ olim No-
biliss. Tycho noſter in ſuis progymnaſmatis
Aſtronomicis adverſus eosdem produxit; ut
id nunc rurſus, quod ſupra inculcavimus, &
infra in exemplis quoque oſtentur ſumus,
preſſius & quaſi uno verbo attingamus. Et
quāquam nec novarum ſtellarum, nec co-
metarum

metarum individua in cœlo, sicut apud nos stirpium aut animalium, generationis vicissitudine perpetuantur; ut vel hinc à generatione inferiorum cœlestia differant; tamen necesse est materiam aliam formam exuisse, aut quodammodo mutasse, ex qua forma novæ stellæ aut cometæ ostentatur; ut id infra exemplo commodius sumus explicatur; siquidem materia nullibi ab aliqua forma nulla plane reperitur. Restat nunc, ut, ex qua parte cœli materiam novorum phænomenon provenire censeamus, explicetur. An igitur ex ipsis astris? quandoquidem hæc nova phænomena ita referunt, imprimis autem stellæ novæ, ut illorum soboles, vel ut ab ipsis genitæ esse videantur. Sic namque stella nova anni 1572 in Cassiopæa, & sic altera anni 1604 in Sagittario, Venerem quidem magnitudine, sed & alias fixas stellas claritate visibili adæquarunt; idque in eadem, qua sidera perpetua, forma nimirum rotunda, quæ quoque, præter caudarum aut crinum vestigia, cometarum est, qui & ipsi haud multum ab aliis astris claritate distant. Cæterum quia hæc claritas, aut insita luce velut forma, aut adventicia esse videtur, nempe ex sole, & astris emissâ, igitur illam potius ad formam, de qua capite seq. rejicimus; verum ita quidem, ut materiam heic tali formæ suscipiendo idoneam relinquamus. An igitur talis in reliquo cœlo, quod scriptura expansum nominat, reperitur, unde stellæ novæ, & imprimis cometæ, ut pisces in mari, ad D. Iohan. Keppleri præmissam opinionem, generantur? At id neque plane affirmare possum, siquidem Rhachia seu expansum illud esse in prognorismatis ostensum est, quod sibi οὐοιομέτερος fit, & æquali ac subtilissima rariitate, ubique per totum universum finitum, exquisite extensem. Hoc vero expansum, quia luminis vehiculum est, seu subjectum, per quod scilicet lumina seu radii astrorum oculis iœtu oculi; vel ad extrema mundi se explicant, (unde forte alii cœlum in fluore consistere volunt, qui tamen nihil aliud esse videuntur, quam expansi, seu Rhachiæ natura omnia permeant) expansum igitur per se vix materiam novis phænomenis largitur, nisi quatenus haec eidem quasi intertexta fuerit, & vel potentia ita determinata, ut novum illud phænomenon luminosum tanquam formam, seu formatum in se irretiat atque contineat. Materiam igitur novorum phænomenon cœlestium, quasi naturæ tertiae esse oportet, quippe ab astris & expanso resultantis, idque tam ob qualitates horum, quos contrarios esse supra innuimus, quam primævæ cœli ac siderum creationis considerationem. Quum enim loca atque locata, ex aliqua naturæ sui parte convenire necesse fuerit, veluti elemen-

ta, terra nempe, aqua & aer, cum iis quæ in hisce singulis generantur; proinde sidera quæ à primæva luce per optimum & sapientissimum creatorum, sine dubio, creata atq; producta sunt, ab expanso illo, in quo potentiā manu, seu verbo Iehovæ posita atque locata leguntur, contrariæ plane naturæ non sunt; velut hæc in prognorismate Astronomiæ posteriorē, dilucidius atque fusius exponuntur, & quasi ostenduntur. Neque enim ob contrarias qualitates, quas iis inesse afferuimus, contrariæ naturæ hæc sunt; siquidem illam contrarietatem qualitatum omnis natura corruptibilis includit.

Quum igitur talis materia, tam astrorum, quam expansi naturam quodammodo (ut modo dixi) referat; proinde ob luminis si ve primævæ lucis, quæ in astris refulget, communicationem aliquam, oculis exponi debet; nec tamen quicquam in cœlo, astris exceptis, reperitur præter cingulum seu circulum, quem Græci τὸν γαλαξίαν, Latini viam lacteam nuncupant. Quocirca inter omnes convenienter mihi ratiocinari videntur, qui hunc circulum noctu in cœlo apparentem, materiam novis phænomenis largiri arbitrantur, qui quidem circulus instar maximi (licet non perfecte ubique) totum siderum cœlum cingere videtur, ab utroque polo Septentrionali, eclipticæ nimirum & æquatoris, per unum quasi signum æqualiter distans, cuius quoque margo orientalis hodie eclipticam duobus in locis transeundo, paulo ultra initium Ω & Ζ serpsit; dispari quidem latitudine: nam juxta Septentrionem & initium sideris Cassiopææ, ubi ejus initium in hac descriptione facimus, crassior est, quam locis, quibus eclipticam & æquatorem transit: omnium autem latissime juxta Oloris seu Cygni sidus se expandit, ubi etiam in duas partes, seu vias finditur, quarum altera per arcum Sagittarii descendit: altera per collum ac rostrum Cygni exquisite se porrigit, item dextrum humerum Serpentarii, ibique se in sinum juxta æquatorem quasi recolligit; prior autem in suo tramite perficit, nec multo propius ad polum Antarcticum accedit, antequam in Septentrionem resurgat, nimilrum per Argo navem & dorsum canis majoris, illac viam capescens, pedesque II, item Eridhonum ac Perseum perfringens, in Cassiopæam denuo, unde nobis initium ceperat, revertitur, velut in ipso cœlo, & hujus æmulo globo, scilicet cœlesti, materiali, cognoscere licet.

Ex hac qualicunque Galaxiæ seu viæ lacteæ descriptione, & cum veteribus collatione, intelligimus ejus motum in signoru consequentia eundem cum apparente fixarum stellarum esse. Nam etiam Aristotelis designatione,

(qua)

(quæ exstat lib. 1 Meteorol. cap. 8) uno quasi signo eo seculo anterior erat, & iisdem stellis, quibus nunc, utrinque & circumquaque determinabatur: id quod, inter alia, magnum argumentum ad stellarum fixarum immobilitatem statuendum affert.

Post hanc viæ lacteæ descriptionem ultius nobis disquirendum est; an eadem primo (contra Aristotelem) in cœlo totaliter sit locata? Deinde postquam sufficiente argumen- to id convictum fuerit; an sit in cœlo nu- dum phasma, à collustratione stellarum plu- rimarum, quæ in ea reperiuntur? an vero re- ale aliquod & materiatum, ex quo nova phæ- nomena, & imprimis novas stellas generari verosimile esse possit.

Primum quod Aristotelis opinionem at- tinet loco paullo antea citato, ea facile vel ipsius Philolophi testimonio ibidem prolati, & ad doctrinam parallacticam penitus, ca- dit. Etenim modo in lacteæ conterminis iisdem eadem stellæ fixæ quavis revolutione conspiciantur (ut certe conspiciuntur) nec marginem viæ istius, seu circuli occiden- talem in ortu, aut orientalem juxta occa- sum unquam illæ desituant; sed eundem in ea plane locum conservare cernantur; necessum certe est, quod quicquid Galaxiam supra descriptam refert, id vel in cœlo, & quidem longe supra Lunam, consistat; si- quidem & hæc parallaxes extra verticem lo- ci ubique relinquit, maximas Horizonti vici- nissima, ut in doctrina sphærica, & adhuc e- videntius in Theoretica de eclipsibus solari- bus patet.

Nunc autem, ut quod de via lactea in cœlo afferenda, ex præmissa ratione diximus, demonstrationi accommodetur, atque in con- spectu locetur, agemus.


A centro describatur semicirculus sphæ- ræ fixarum, & simul verticalis D C R, tel- luris vero P F O. denique ex eodem cen- tro circulares termini viæ lacteæ, quasi in- fra lunam intra semicirculos I B K & H G, sitque terminus ejus I B, circa occasum,

xa simul verticalis in C exquisite determi- net; deinde revoluto eodem puncto B in L occasum versus supra axem mundi A Q; & stella fixa ex C in E pari revolutionis motu cum B L, id quod linea A E à cen- tro terræ per L transiens arguit. Igitur ex F superficie terræ, quando linea peraga- tur, & similiter in sphæram fixarum exten- datur; illa certe inibi non in E sed N ca- dit.

Cæterum si aliam ex F in E emiseris, hæc minime per L punctum (ubi tamen casuram experientia probat, dum unum punctum in B scilicet & L ab eadem stella in C & E, salvis observationibus occuparetur) sed ali- unde per M transit, unde per arcum L M seu N E, differentia ostenditur, inter pun- ctum quod stella in L via lactea posside- ret, dum observationibus standum foret, & aliud in M, in quod tamen stella nun- quam transit, aut locum (ut supra dictum est) mutat. Illud igitur si Aristoteles con- siderasset, nunquam Galaxiam collectitum vaporem, seu ejus concretionem subluna- rem fuisse pronunciaasset, quem scilicet va- porem stellas in firmamento, & præcipue minutias illas, quæ in via lactea conspici- untur, & ἐποπαδεῖ ipsi vocantur, collige- re & sub se in quavis revolutione suspen- sum tenere arbitratus est. Legatur Ari- stoteles lib. 1 Meteor. cap. 8, ubi simili- liorum opinione de lactea via recensem- tur, & pro suo modo ab Aristotele refu- tantur.

Secunda opinio inter veteres Democri- tum autorem habet. Hic enim, ut Plutar- chus refert, circulum lacteum nihil aliud esse putabat, quam multarum minutarum stel- larum contiguarum (has proculdubio, quæ in eo apparent, intelligit) colluentiam, Legatur
Plutar.
de come-
tis. quæ propter astrictionem inter se collu- strant.

Hanc certe Democriti opinionem hoc tempore Galilæus de Galilæa, Mathemati- cus Patavinus vehementer confirmare vide- tur, qui perspicillo nuper à se invento, at- que exhibito, pro lacteæ vestigiis nonnisi in- finitarum quasi stellarum juxta se confitarum congeriem deprehendit. Quod quoque Clari- fissimus noster Doct. Casparus Bartholinus affirmat. Nam quum ante aliquot annos Patavii præfato Galilæo præsens ac familia- ris esset, eodem spectaculo admonebatur, ut priorem opinionem suam tractatui de stellis insertam, mutaret, ubi viam lacteam substantiam cælestem, & velut reliquias lu- cis primogeniæ ex sententia Tychonis Brahe antea differuerat. Quin & ad majorem hu- jus rei fidem argumentum assumit ab aliis si- milibus areolis coloris candidi, velut albican-



cui contrarium est B K circa ortum. in eodem autem galaxiæ exteriore margine datur punctum verticale B, quod stella fi-

tis nubis, quæ alibi per æthera suffulgent; ubi beneficio dicti specilli stellarum constipatum congeries visitur, nempe ubi stellæ nebulosæ dictæ consitæ sunt.

At certe, quæ ex oculari demonstratione procedunt, & ob id in physica fidem mereri videntur, cur non plane acquiescere possim, & viam lacteam solam collocentiam stellarum minutarum, quæ in ea conspicuntur, absque alia substrata materia firmiter credam, rationes quæ sequuntur, efficiunt.

1. Quod expansi cœlestis natura, (quod quidem expansum luminis astrorum vehiculum esse, in prognorisnatis Astronomiæ ostendimus:) talis sit, ut idem lumen liberæ per expansum meet & transmittatur; nec ullibi nisi penes objecta materiata, qualia astra atque terra sunt, determinentur. At lumen illud *στοράδων*, seu minutarum stellarum, quæ in lactea conspicuntur, per eandem determinatur: proinde via lactea, non plane & καθ' ὅλης de natura reliqui expansi est; sed præterea aliquam in se materiam continet.

2 Ratio à sensu simul oculari atque auctoritate præcellentiss. omnium ætatum Astronomi D. Tychonis Brahe nostri datur, qui hiatum in via lactea ac sidere Cassiopeæ in eodem loco cœlesti notavit, ubi nova stella anno 1572 hæserat, veluti in conclusione tom i progymn. disertis verbis testatus est, & simul experientia nostra ocularis olim ultero comprobavit. Qui quidem hiatus an hodie reperiatur, non tam exquisite oculis e quidem discernere possum. Hinc ita colligere licet.

Si via lactea solum lumen erit stellarum in ea confitarum, nihil certe inde absumi aut perire potuerat, dum scilicet stellæ istæ suis singulis locis, quod faciunt, manent. Etenim durantibus in natura cauſis, durant effecta: hoc est, manentibus stellis istis, manet lumen. At stella illa nova anni 1572 ingens & fulgentissima, post sui disparitionem anno sequente hiatum tenebrosum, seu reliqui cœli colori extra lacteam haud dissimilem, in eo loco reliquit, ubi ad marginem Galaxiæ fulsisse deprehensa est, quippe luminis confusi fluore non confessim, (ut alias luminis natura est) repletum aut obdutum. Ergo consentaneum est subfuisse, præter illud stellarum lumen, materiam quādam, ex qua nova illa stella constabat, qua quidem stella resoluta ac dissipata materia una absorpta, & alio, è loco ubi extiterat, transportata est.

3 Ratio nobis sumitur à subjecto loco

usitatæ generationis novorum phænomenon, ac imprimis novarum stellarum, qui quidem locus, ut plurimum in via lactea est, quippe in qua tam dicta stella anni 1572 in Cassiopea, quam illa anni 1600 in Cygno, quæ etiamnum ibidem visitur. Denique nova stella anni 1604 in genu Serpentari &c. ortum duxit; ut cometas taceam, qui subinde quoque initia sua ad lacteam referebant, & quum eandem transierint, colore illustriore splendebant. Unde verosimile admodum est, materiam viæ lactæ hisce quoque esse cognatam: quemadmodum Tychoni in conclusione Progymnasii. Astronomiæ visum est. Ex allata igitur ratione concludimus, quod sicut herbæ, aut alia terræ crescentia, materiam non è longinquo, sed iis locis, ubi oriuntur, acquirunt: sic novas stellas præcipuum materiam è via lactea haurire, in qua oriri plerumque videntur, & hanc quidem materiam, ut dixi, quoquo modo variam esse ab ea quæ cæteroquin reliquo cœlo cedit, expansum seu Rhachea à nobis declarata.

Hisce rationibus positis, videndum est, quibus mediis observationes Galilæi ad easdem reductæ salvari possint. Inter quæ primum ac præcipuum in potentia admirabilis perspicilli Galilæi quærimus, ad objecta scilicet, quæ visui incurunt, miris modis amplianda & delatanda. Quæ ob id mihi tanta esse videtur, ut dum observator stellas in via lactea confitas, etiam minutissimas, rimatur, apprehendit, & visui per tubum illum exhibet, easdem rara illa substrata materia exutas ac denudatas in conspicuum locet.

Hæc mea conjectura inde procedit, quod maculas in Luna interpolatas, & non plane eo modo, quo alias apparent, Galilæus nobis, per idem suum specillum, in nuncio suo fidereo exhibuerat: ubi tamen minima particula Luna etiam in parte sitiente atque obscura illuminatam assequutus est. Alterum est, quod licet lacteus ille color non alias quam in multiplici stellarum congerie passim per zonam lacteam, beneficio optici Galilæi appareat; tamen non inde sequi statuo, quod hujusmodi color nihil aliud sit, quam stellarum istarum inter se collucenia, absque alia substrata materia, in quam illud stellarum confusum lumen determinatur; nam hæc necessario ab opticis requiritur, ut Iohannes Kepplerus demonstrat: cui quoque medio prima ratio nostra inititur; & hæc etiam communis sententia D. Isaaci Habrethi est, in descriptione cometæ ultimi, (seu qui anno 1618 illuxit)

xit) pag. 14, hisce pene verbis latine redditis : *Quamvis via lactea per specillum nihil aliud esse percipitur, quam mera constipatio seu congeries stellarum minutarum juxta se constitutum, quemadmodum Albertus Magnus, Scaliger, Cardanus, Goclenius & alii putarunt : ego tamen existimo, posse hanc semitam passim minoribus & majoribus stellis constitam esse, etiam quæ ceteroquin communem visum nostrum latent, & nihilominus residuum quod est, talem materiam esse, qualem Brahæus opinabatur.*

Hæ rationes viæ lacteæ materiam suam quandam vindicant, præter confusum illud in ea stellarum lumen. Nam quod areolas (seu gyros nebulosos) attinet, locis quibusdam per æthera conspicuas; hæ diffimilitudinem quandam, à candore lacteo, sua obscuritate ingerunt, ut juxta præsepe ω , crinem Berenices, femur anterioris ursæ majoris &c. Nec alias ubi stellæ arctæ juxta se constitæ sunt, æque tales areolæ conspicuntur. Exempla in Tauri sunt Plejades, & aliae per alios asterismosstellulæ coarctatores atque collectiores. Quinetiam si quis hyberno tempore, luna latente, cœlum serenissimum diligenter contempletur, numerosum, & quasi confertum stellarum chorum atque exercitum ubique per æthera disseminatum, etiam extra viam lacteam videbit: unde mirum si non totus æther, ut cætera, splendore resulgeret, nisi in hac peculiaris materia, prævisu Dei, parata esset, aut scilicet è luce primogenia, (ut Tychoni placuit:) relictæ; quæ lumini stellarum in lactea determinando, & simul novis stellis ac cometis successive in tempore (prout Deo placet) generandis appropriata est.

Nec exigua crassitudine, aut veluti albedine, qua paries obducitur, hæc eadem lacteæ materia aestimanda est: ut recte D. Habrechtus dicit; sed profunda satis dimensione prædicta, non tamen tanta, ut ad confinia lunæ se demittat, nedum, ut Aristoteles putabat, infra eandem substet. Nam id parallaxium evanescentia, quam supra ostendi, evincit.

Atqui hanc materiam novorum phænomenon celestium potissimum esse, hisce præmissis rationibus, nunc colligimus, cuius quoque sententia Tychonianam aliquot in locis per sua progymnasmatæ præviam habemus, adeo ut si ille, judicio omnium, Astronomorum maximus, diutius nobis superstes fuisset, & mihi, ut destinaverat, novorum phænomenon provinciam pro ingeniolo deinceps administrandam demandasset; non dubito quin hanc eandem eorum materiam ad manus una tradidisset, circa

quam non obscure, tum alibi, tum in epilogo progymnasmatum innuebat, se tertium suum tomum novorum phænomenon (qui tamen post obitum ejus non prodiit) directe pro hac alicubi insinuata sua opinione conclusurum.

Quod igitur vir ille tantus inter Astronomos de materia novorum phænomenon olim censuit, idem quoque ego nunc, rationibus adductis, censeo, nempe cœlestem illam esse, & præcipue in lactea via præparatam. Et quidni censem? Etenim si mundum hunc animalis conditioni conformem esse, juxta Pythagoræ & Platonis dogmata statuerimus, nusquam profecto similem magis atque convenientem materiam in illo vasto corpore locabimus, quam illa lactea est: quippe quæ spinali medulla, per dorsum hominis, aut alterius animalis respondeat. Nam sicut nervis passim per corpus animalis sparsis materiam medulla cerebri & spinalis subministrat, ubi spiritus illi lucidi, qui animales vocantur, è vitalibus, qui primo à sanguine in corde generantur, elaborati, sua vel domicilia vel alimenta sortiuntur: nec minimum ad generationem materia hæc consert; sic fortean non absurdum erit, statuere materiam illam lacteam, ideo in cœlo esse præparatam, ut per ejus meatus radiorum striaturæ, seu potius spiritus stellarum fixarum invisibilis, prius præparentur, quam soli, planetis, atque adeo ipsi telluri communicentur. Ex qua quidem elaboratione, si quando semina occultæ præsto fuerint, & divina voluntas, sine qua nihil fit, simul adfuerit, aut novæ stellæ generantur, nec profundius se illæ immergunt; aut comeṭæ, quorum materia per attractionem ac vim planetarum à lactea divulsa ideo rarer est, & motibus, qui in planetarum regionibus per universum vigent, perpetuo obnoxia. Sed de materia novorum phænomenon sat.

C A P . V I .

De causa formalis novorum phænomenon non celestium.

DE materia novorum phænomenon, præcedente capite fusius eo tractavimus, quod hæc in maxima controversia apud Philosophos & Astronomos erat posita. Et quam prolatam de ea sententiam nostram, ut & aliorum, haec tenus *avævodentor* esse ingenue fateamur; eandem tamen, tot rationibus atq; authoritatibus stabilitam, vix aliis pluribus aliunde, quam è lactea deducet. Nunc au-

tem ordo requirit, ut ad formam ac finem novorum phænomenon ulterius progrediamur; ad formam inquam, quæ præcipue rei esse dat, & eadem ab omnibus aliis rebus, naturæ quadam, quam adipiscitur, peculiari proprietate separat. Talem autem formam hic diligenter inquirentes, invenimus in novis phænomenis aut generalem esse, nempe quæ omnibus ex æquo competit: aut specialem, quippe differentias primum novarum stellarum & cometarum, hinc vero cometarum inter se, ostendentem. De utraque, præcipue autem posteriore, eo contractius capite præsente agendum est, quod præcedentibus, non pauca de iis, ut intellectio[n]is necessitas efflagitabat, dicta sunt.

Primum vero quod formam generalem novorum phænomenon attinet, eadem scilicet ita informantem, ut ex materia, quam diximus, corpora celestia esse incipient: & licet non diu durant: stellas tamen alias lucis suæ splendore, forma rotunda, ac motu, æmulantur, adeo quidem ut alia in aere phasmatæ hæc esse nequeant, velut quorundam opinio est, haud altius, aut majore cum ratione, quam vulgus, imo animalia cætera oculos attollentium. Hanc autem formam non vulgarem, ex sole & astris lucem esse oportet, sed potius seminalem (ut ita dicam) seu ad generandum, ut in reliqua natura fit, potentem, quippe quam Deus, quando ipsius providentia id visum fuerit, materiæ infundit, ob finem quem supra quodammodo in caussa efficiente attigi, sed infra in finali fusius exponam. quandoquidem hujusmodi generationis periodus à nemine mortalium certo definiri poterit. Interim autem credibile est, Deum, qui in natura per media plerunque agit, etiam quando illa producuntur, per quæ homines de ejus misericordia, ira, sua resipiscientia &c. admonitos esse velit (ut in iride exemplum habemus) heic quoque mediis uti, nempe peculiarium astrorum constitutio[n]e inter se quasi rationali, per quam influentia horum tempore præstituto efficaciter operantur, centrum materiæ primum, dehinc totam ejus destinatam & quasi avulsam molem subito occupantes, atque, inter alia, lucis vigore ita opplentes, ut nova illa astra, mundo coævis haud multum dissimiles in ortu suo appareant, licet postea successive ob minorem exaltationem, seu formæ perfectionem paullatim hæc rursus, vel attritu radiorum solarium defiant, sicut recte forsan Keplerus existimat. Ut enim metallis terrestri-

bus præstantia & durabilitas, è majore minoreque ipsorum exaltatione, irrogatur: unde aurum inter ea pretiosissimum ita durabile est, ut vix ulla arte solvatur, aut in aliud præter aurum transeat: ferrum vero rubigo facile absument; sic in cœlestibus fieri verosimile est, quod scilicet nova phænomena eo citius rursus absumentur & evanescant, propterea quod haud in pari exaltatione, cum iis quæ primitus à Deo sunt creata, constant, formalis potentia in novis languidiore existente.

Porro quum lucis velut primaria instrumenta hujus formæ mentio hic incidat, non equidem absurdum esse judico, internam illam quoque in novis phænomenis primogenia lucis, quam tantopere inter omnia creata scriptura primo extollit, solem esse. Nec enim credibile est, hanc totam Solis atque astrorum creationi ita materiæ loco cessisse, ut ipsius vestigia nullibi amplius reperiantur: quando nihil eorum quæ Deus fecerat, ante ultimam mundi consummationem abolitum iri, aut plane peritum, divina jugiter admiranda & potentissima rerum creatarum sustentatio nobis insinuet. Evidem quod judicium meum attinet, ejus sum five sententiæ, five opinionis, quod licet lux primogenia illa post solis creationem, qui in ipsius ministerium, divina ordinatione succedit, minus nobis appearat; tamen per viam lacteam, & infuper cuncta corpora mundana majora, occulta ejus vestigia relinqui, eaque corpora non secus, ac calorem internum seu innatum corpora nostra fovere, cui dum adventitia lux & calor è sole & astris se adsociat, animal hoc, quod μυρόσμος dicitur, vigorem suum conservat. Nec enim de eo quod sensus satis deprehendit, multis disquirendum esse censeo, an scilicet in luce insit calor: sed num ille anthracetus fuerit, hoc est, in astris & novis phænomenis ita vigeat, ut in carbone ignis accensus. Hanc certe quæstionem, illud quod modo de luce primogenia attuli, fine dubio solvit; ita ut nec meri radii solares sint, quæ astra tam perpetua, quam nova, (ut quidam volunt) illuminant atque obsident, nec hac aut illa anthracæ facultate, lucem & calorem in se possident, ut neque ipsum solem, licet copiosa materia hoc divinum astrum sit compactum, quippe quæ adeo densum lumen effundit, ut reliqua luminosa astra obtundat atque obscuret, dum unam cum eo supra finitorem reperiantur. Denique inter alias caussas, ob quas corpora magna mundana

mundana rotunda esse in posterioribus Prognorism. Astronomiæ probavimus, lux illa seu internus calor non minima esse videtur: talis enim calor id una efficit, cur etiam nova phænomena intra sphæricam figuram naturali quadam vi se contineant. Quum enim externum frigus, quod in expanso præcipue vigere, in prognorism. ostendimus, calor ille internus, qui materiam seu corpus sideris ob-sidet, ob qualitatum contrarietatem refugiat, contingit, quod dum centro ille incumbendo, molemque quam occupat undiquaque æqua-liter comprimento & coarctando, ita conti-neat, ut superficies ejus ubique pari intervallo ab eodem distet centro; id quod sphæra definienda recte convenit. Cæterum id ex eo adhuc magis confirmatur, quod hæc figura sphærica, circa quodvis sideris decremen-tum, usque ad extremam ejus disparitionem seruetur, interno scilicet calore illis, ut in aliis corporibus, quæ vivunt, sensim deficiente. Vnde caput cometæ reliquo defluvio, crine scilicet seu cauda, compactius atque lucidius quoque appareat. Sed ut ad lucem primo-geniam revertar, si illa erit ex qua lucida cor-pora cœlestia, juxta plerosque, à Deo condita sunt, longe fortasse minus absurdum erit, ean-dem per cuncta majora corpora mundana ignis interni loco, (quem cæteroquin Aristoteles elementum sublunare falso constituit) sparsam esse, quam hanc aut empyreo cœlo, cum Zuinglianis & aliis quibusdam adscribere; aut cum fratribus Roseis, eam, quæ crea-ta est, pro ipso Dei filio reputare. Atque huc usque de forma informante generali novo-rum phænomenon. sequitur specialis.

Hanc formam ideo speciale vocamus, quod inter novas stellas & cometas discerni-culum faciat, idque inter eos, tum formæ ex-terioris, tum motus; inter cometas vero ipsos formæ exterioris ratione.

Primo autem quod stellæ novæ forma illa externa ac motu, (vel potius quiete) à cometis differant, id loco in quo insunt adscriben-dum videtur. Quum enim cœlum supremum stellatum ab inferiore, scilicet planetario, in eo potissimum differat, quod illic omnia sidea fixa aut uno & uniformi motu ab ortu in occasum feraantur; aut illis quiescentibus, globulus, in quo nos quiescere existimamur, motu contrario; hoc est, ab occasu ortum versus, cum planetis nempe conformi, con-vertatur, id quod semper magis credideram, ob rationes, quas in Astronomia Danica re-peries. Nec enim seorsim stellas fixas, ut Physici, sic Astronomi, per æthera, quamquam liquidissimum, moveri admittunt, ob caussas quas quoque passim per Astronomiam reliqueram. Proinde, quando novæ stellæ in su-premo illo cœlo reperiantur, quod liquidissi-

me in phænomenis stellæ anni 72 Tycho ostendit, & præterea in via lactea, quod reli-quæ quoque novæ pleræque suis litibus argu-unt, ideo novis quoque stellis convenient, non aliis quam primæ conversioni cum fixis ob-noxiis esse, & simul materiae copia in supre-mo illo cœlo, ita dotatis, ut & majorem claritatem, quam cometæ, præ se ferant, & deflu-vio materiae sensibili careant; quamvis & alia ratio superesse potest, cur materiae talis ex-halationem minus quam in cometis persentisci-mus, præsertim dum hypotyposi Copernicæ affensus præbetur. Etenim si stellæ fixæ in tanta exaltatione à Sole atque tellure erunt, ut radii solares eo transmissi, à radiis intuitus nostri non differant, octavæ scilicet sphærae, quam fixæ ob-sident, semidiametro ad orbis telluris semidiametrum, (quæ Ptolemæo & Tychoni Solis est) omnem sensibilem com-parationem excludente. Sed prior ratio, quæ materiae densitati id tribuit, ut solares radii stellas novas, non ita sensibiliter ut cometas transmittant, nobis potior est; quamvis cer-te ex illa quoque ratione, quæ demonstratio-nem adjunctam habet, cometæ superioris planetariæ regionis, ab iis qui inferiorem & Lunæ proximam ob-sident, non nihil caudæ dispositione ad Solis ac nostri intuitus respec-tum varient, ut infra ostendetur. De cometis porro hæc inquirenda sentio: Primum num interna forma fuerit, à qua immediate mo-ventur; an vero ab aliqua externa vi, intra cœlestia diastemata, varios illos motus effici-ant? Deinde circa quodnam centrum, ter-ramne an Solem circuitus sui portionem ab-solverint? Nam circularem eorum motum esse potius, cum aliis Astronomis, quam recti-lineum cum Keplero, ob rationes superius datae, statuo. Tertio quidnam illud defluvium fuerit, quod loco caudæ, aut crinis, cometæ de se ejaculari cernuntur? & cur illud ipsum in oppositas Solis partes perpetuo vergat? Denique unde caudarum & crinum juxta cometas differentia oriatur? Hæc quatuor quæ loco huic, præter ea, quæ expedita sunt, conveniunt, de cometis ulterius querenda, quoniam ad rationis trutinam solum exiguntur; quatenus scilicet ortus atque generatio horum in natura rerum fundatur. Proinde nemini invidendum puto, qui circa hæc pro-babilius differuerit, sed potius rationes me-liores omni applausu excipiendas.

Quod primum attinet, nos hic idem certe de natura motuum in cometis existimamus contingere, quod cæteroquin in prognoris-matis, & alibi quoque, de motu planetarum discussum reliquimus, nempe non plane in-terna vi cometas loco moveri, quandoquidem Aristoteles, vel animæ nostræ hanc vim inef-se, ut seipsum moveat, multis rationibus

lib. I de anima, cap. 3, contra Platonem negat. Si igitur anima se non moveat, quomodo fidus inanimatum plane absque externo aliquo impulsu movebitur? Etiam si non nego ita natura astra, ut & cometas, comparata esse; eaque forma dotata, ut motui locali per æthera sint aptissima. Recte igitur à primo motore, motus cometarum esse agnoscimus. Divina namque providentia ab initio factum esse autum, ut cœlum istud planetarium, quod supremo stellato substat, totum in motu sit, per species, hoc est planetas & cometas secundum directoria, quæ ab ordinatione divina procedunt, distributū, ita ut singuli horum sub maximo circulo incedant, planetæ quidem per tramitem zodiacalem, cuius medium cursus Solis obtinet, ob finem qui in natura optimus est, ut scilicet Sol & cæteri planetæ, motus sui vici fitudine in Septentrionem ac meridiem per eundem tramitem obliquum, rebus inferioribus vivificandis jugiter, ac fovendis, inserviant; veluti in Astrologia amplius dicetur. Cometæ autem ideo varios ductus motusque per æthera sortiuntur, ut etiam finem suum adimpleant, ob quem, veluti divini internunciī, diversis temporibus emittuntur, quemadmodum in caussa efficiente id attigimus, & uberioris in finali infra exposituri sumus. Hi vero quanquam ob ductum circuli maximi, quem suis motibus pene ad extremum usque constanter exprimunt, biduo aut triduo post primam eorum apparentiam indicent, in quam mundi plagam, & sub quibus potissimum afteris mis postea cursus suos tandem directuri sint: tamen id in ipso ortu ipsorum, vel antea, à nemine mortalium prædicti posse putabo, eo quod nullos (ut planetæ) definitos circulos habeant, penes quos motus suos absolvunt.

Porro quum duo in orbe centra rectissime, ut videtur, Tychoniana hypothesis adstruat, circa quæ sidera se versant: juxta hanc enim luminaria, & totum systema stellarum fixarum, tellurem, reliqui vero quinque solem ipsum, pro meditulliis suis pene respiciunt, nos cometas quidem terram verius, quam Solem pro centro habere, ut credamus, hæ rationes cogunt.

Prima, quod cometæ ductum circuli maxi in motu suo sequantur: qui quidem incessus illis jure denegari posset, modo ad aliquam hypotheseos constantiam ita Solem circumirent, ut diversitatem distantiarum à tellure parem, aut etiam majorem admitterent, quam anniversariis motibus suis planetæ circa Solem manifeste ostendunt. Orbitam enim planetæ (quæ eclipticam duobus in locis contrariis fecat, ut circulis maximis convenit:) angulum intersectionis ad

inæquabilitatem toties convertit atque mutat, quoties planeta à tellure distantiam. Si quidem major angulus iste fit in distantia à terra minore, & contra. Quæ caussa est, cur vel ipsius planetæ via, à tramite circuli maximi quandoque deficiat, veluti lib. 2, part. 2 Astronom. nostræ de latitudinibus planetarum colligitur. At in cometæ motu id non animadvertis, quin potius ejus per æthera is est ductus, ut quem circulus maximus secuerit, sive æquator, sive ecliptica ille fuerit, anguli æqualitatem cum eodem perpetuo retineat.

Altera autem ratio à fine & effecto cometarum duci videtur, immediate enim, ut Sol & Luna, telluri, atque ejus incolis, nova phænomena procul dubio, destinantur, & circa hanc effecta sua prius exercent, quam istorum influentiae in hæc inferiora ad earum decreta, quæ simul à planetis istis infunduntur, plenam suam dispositionem fortiantur. Quamvis non negavero effecta cometarum ad rationales aspectus planetarum cum his, & inter se, imprimis autem Solis atque Lunæ, quibuscum idem centrum novæ stellæ & cometæ occupant, plurimum intendi atque remitti, ut infra de effectis novorum siderum dicetur.

His bene consideratis, equidem quod Tycho pariter, & Maestlinus cometam anni 77 hypothesibus hujusmodi allegarunt, quarum Sol ut in planetis centrum sit, magis ingeniosum & affectatum in illis vides, ut scilicet cometis suas quoque hypotheses esse, quales planetis sunt, quodammodo ostenderent, quam veritati velificatum; quemadmodum hanc opinionem Tycho quodammodo retractare videtur libr. 2 Progymn. pag. 268, & seqq. Et certe nec scio quomodo, ut planetæ, sic quoque cometæ Solis, velut directoris sui, obsequio subjicerentur, qui minime ductum zodiaci, ut planetæ, sequuntur, sed plerumque procul ab ecliptica oriuntur ac transversum admodum per cœlum, zodiaci respectu, rapiuntur? Qui ideo nec ulla alia hypothesis nisi videntur, quam ea in qua motus analogia magnitudini eorundem sensim, dum durant, diminutæ respondeat, velut utriusque magnitudinis & motus analogiæ in cometis decrescentiæ supra meminimus, infra quoque etiam ab exemplis declarandæ.

Tertia quæstio crinis seu caudæ natram in cometis discernit. Hoc autem quicquid est defluvii, quia in oppositas Solis partes continuo vergat, Tycho non inconcinnus olim, cum Petro Apiano & Gemma Frisio ratiocinatus est, id projectione radiorum solarium

larium potius fieri atque formari, quam flam-mam esse, quam cometa instar lychni ardantis sursum de se emittrit, seu ejaculatur. Quæ qui-dem Aristotelis ratio de natura caudæ come-tæ fuerat. vide lib. Progymnas. Tych. pag. 714 & 651.

Cæterum & necessitas quæ ex optica ra-tione proficiscitur, illud addit, quod scilicet absque aliqua materia, dicti Solis radii per corpus cometæ transmissi sic apparere ne-queant; quemadmodum id superius de via lactea exputatum est, & à Cl. Ioh. Kepplerio solide satis in opticis demonstratum. Nec officit, quod Tycho alias libr. 2 Progymn. de norma caudæ cometæ anni 77 dispu-tet, tanquam à Venere potius quam Sole in partes contrarias projectæ; id quod etiam demonstationibus ex observationibus suis deducunt ostendit. Etenim quamvis insigne Veneris jubar, quod tam splendidum atque illustre est, ut etiam noctu umbram de se projiciat, ad caudæ istius cometæ naturam atque inflectionem luminis illius aliquid fe-cerit; tamen tantum id non erat, quin So-lem caudæ cometæ istius effectorem atque directorem primario exstisso verosimilius fuerit. Quod in aliis cometis postmodum visis atque observatis Tycho affirmare, & præmissam de cauda cometarum sententiam confirmare non dubitaverit, ut eandem pa-sim per 1 Progymnas. sparsam invenies, quod longe post secundum, nempe nostro tempore in Huæna elaboratum ac conscriptum est, ut ob id in eo, quod proverbio dicitur, reperiatur,

Φροντίδες δευτέρας σοφώτερας.


Nec nobis in sequentibus ratio defutura est, ostendendi scilicet quod oportebat, caudam ejusdem cometæ non nihil respe-ctu nostri sursum tetendisse, ab ea linea recta, quam Tycho in hypothesi cometæ de-monstrat, idque ob majorem ejus à tellure exaltationem. Ad crinem igitur, seu caudam cometæ, efficiendum atque formandum, duo concurrunt, radii nempe solares (for-te etiam reliquorum astrorum, qui se sola-ribus immiscent) & materia circa cor-pus cometæ, seu ex qua illa constat. In quam dum potenter, imo quasi violenter radii isti solares agunt, & eam superficie tenus lambunt atque atterunt, contingit quod par-ticulæ illius leviores, maximeque sequaces à radiis istis rapiantur, & in quantum fieri potest, spacium extra reliquum cometæ cor-pus in partes Solis contrarias continuatim projiciantur; ita tamen, ut caput cometæ, unde ortum ducunt, prorsus non deserant, aut in æthere evanescant, nisi sensim à radiis solaribus attritæ atque absuntæ. Atque hæc causa esse videtur, cur cometæ paulatim de-

crescant, nec in ea magnitudine, in qua ori-ri incipiunt, extinguantur, sed sensim centra-lis ille vigor, cuius mentionem supra feci-mus, una cum materia tandem exhauriatur & evanescit. Etenim languet quasi sub ex-tremum lux interna in cunctis novis phæ-nomenis, tum quoque in cometis caudæ ve-stigia, ac motus vix sentiuntur, ut materia nunc in his rarer minusque compacta & statuminata motui minus idonea reperi-a-tur. Vigor quoque formalis, ut dixi, sen-sim effluit. Verum si quis contra nos ar-gumentum ex hoc sumserit, urgendo, quod cometa interna vi se moveat, absque omni extero impulsu, quod sic vis interna cau-sa motus efficiatur, sciat id non satis ad ta-lem opinionem convincendum sufficere. Magnam siquidem occasionem motui in-tensiōri atque remissiori corpus, quod etiam ab externa cauſa movetur, præbet, vel sen-sim deficiens, vel iter longius violenter ac præter naturam mensurans, ut in pyroboolis, qui extero impulsu plurimum moventur, & interim sensim deficiunt, animadvertere li-cet, item in sagittis quoque ac tormentorum sphærulis, quas vis externa motiva paullatim deserit. Neque nos hujusmodi externum im-pulsum à motore cometæ effundi imagina-mur, qui eum tantum loco trudit, & non po-tius totam molem occupat, viresque ejus in-ternas simul in motum projectat. Quod au-tem ad materiam cometæ evelendam, & fo-ras deducendam prius affirmatum est, ulterius confirmabitur. Si quis enim candelam vel facem Soli dilucide splendenti opposuerit, animadvertet subtilem quendam fumum seu fomitem, quem radii Solis in aversam hujus partem propellunt. Aut si similitudo hæc non satis quadrat, quandoquidem come-tam non ignem incensum esse, sed potius universam materiam cometamicam ita illumi-natam, ut tota moles ignea quasi appareat, velut prius affirmatum est; consideret quis quo pacto iidem radii solares circalapidem, quem crystallinum vulgus vocat, dum iisdem apponitur, collecti, vestigium lumino-sum per aerem in partem à Sole aversam re-linquent, tanto etiam calore, ut vel pulvis py-rius in mediocri inde spatio incendi pos-fit; unde ob luminis præsentiam, defluvi-um istud calidum quodammodo esse oportet, quod etiam cometarum effecta osten-dunt, de quibus infra differetur.

Restat heic quartum seu ultimum quæsi-tum de cauſa, vel ratione, unde scilicet illa defluvii differentia, quæ circa cometas con-spicitur, ortum dicit. Quum enim censuræ Senecæ de cometis, quam supra quoque reci-tavi, & ita habet, *Sive sint aliquæ differentiae co-metarum, sive non sint, eadem fiunt ratione necesse est.*

est, admodum fuerit plausibilis. Ideo non frustra hic quærimus, quæ tandem caussa erit, cur cometæ vel diversis temporibus conspecti, vel iidem in alias formas aliquando transeuntes, in multiplici illa differentia, defluvi potissimum respectu appareant. quam Cap. 1 ex Plinio recensueram. Nam quæ capita ipsa, seu ipsa corpora rotunda cernunt, illa tam à caussis efficientibus, nempe planetis, quæ maximam vim generationi cometarum diversis temporibus conferunt, quam materiæ densitate ac raritate quodammodo cognosci poterunt. Hinc siquidem & consistentiae & coloris differentia in cometis recte desumitur. Verum ad ejus rei dignotionem, quam in præsentia quærimus, dispositio cometæ cum Sole & terra potissimum requiritur, quanquam etiam qualitas formæ interioris, item materia, ut & finis quoque huic considerationi se immisceant. Cæterum nobis de hac quæstione agentibus Plinianæ duodecim cometarum species ad eam paucitatem restringuntur, quam supra Cap. 1, nostro sæculo conspectam fuisse, indicavimus, quod scilicet cometarum defluvia aut in caudæ, ut frequentissime, aut crinis, ut cometæ anni 1585, aut denum barbæ, seu potius scoparum vestiariarum formam vel figuram definant, qualem Kepplerus anno 1618 in Septentrione se oblervasse scribit. Talis namque defluvii observatione, & simul dispositione cometæ cum Sole hæ species quodammodo sensu oculari dijudicantur, & ab invicem discernuntur. Quod enim caudatus cometa visitur, id lateralis dispositio ejusdem cum Sole ac terra plurimum efficit, maxime dum intra quadratæ cometæ cum Sole versetur, nec nimium eidem fuerit vicinus. Crinitus vero, barbatus, vel si mavis, cauda magis detruncatus, ac defluvi vestigiis undique circumfusus, aut oppositum magis Solem requirunt, ut bini illi quos modo commemorabam, aut sublimem supra Solem exaltationem. Nam & locus cometæ à terra nonnihil speciem ejus variat, quæ enim ab hac exaltatione fuerit, eo magis defluvium sursum à conspectu nostro abducit, ut ille magnus anni 77, cuius supra memini. Præterquam quod nimia distantia cometæ à terra caudæ magnitudinem multum ex sententia Tychonis diminuat, nisi materia copiosior extiterit, ut in eodem cometa, & illis, quos postea vidi mus, nempe anno 1607, & 1618. Sed hæ varietates sic ostenduntur.

Sit in adjecto schemate A terra, centrum scilicet tam Solis quam cometarum, ut supra ostensum est: à quo centro describantur tres circuli. sitque A B semidiameter orbis Solis: A D vero semidiameter circuli cuiusdam infra Solem, sed A H alterius supra



eundem, quos posteriores cometæ in varia dispositione ad solem occupant. divisæ namque super centro A semicirculis hisce in partes seu angulos quatuor æquales, ac Sole in B locato, si per utrumque circulum, horumque quadrantes & semi-quadrantes citro ultroque ad aspectum solis cometæ collectentur, & eorum caudæ æqualiter ac præcise in aversem solis partem producentur. de tellure autem A aliæ rectæ lineæ extendantur, tam ad capita cometarum, quam caudas æqualiter protensas. Variatio certe circa defluviorum seu caudarum projectionem, quæ in adspectum nostrum cadit, ex sola figuræ hujus inspectione patet. Quando enim omnes cometas caudatos esse generaliter conculserimus, ex angulis visionis, qui caudas æquales mensurant, differentiæ se produnt, eorum scilicet cometarum, qui ad easdem vel diversas circulorum sectiones, seu adspectus cum Sole infra supraque hunc locantur. Caudæ enim in iis qui supra sunt, averse seu sursum magis erectæ, per adspectum nostrum deprehenduntur: donec plane in oppositum Solis utrinque perventum fuerit, ubi capitum cometæ objectu, quamvis caudæ prolongatio plane absconditur & occultatur; tamen circa ejusdem corpus, radii solares in comæ seu crinis modum resiliunt, atque sparguntur circa materiam illam superficialem occupati, quam sensim atteri, atque abradi superius dictum est, nec non ut luminis in glabrum ac politum corporale objectum insilientis natura est, dum ad punctum centrale ante radiorum dispersionem rccolligitur. Quum autem causa directionis caudarum cometarum à radiis solaribus promaneat, ut præter proprias observations, etiam Cardanum, Appianum, Gemmam, & Cornelium Frisium, Braheum nostrum, aliosque per plures hujus rei testes habeamus, porro eam in hisce hypothese in retineamus, quam superius stabilivimus, tellurem quippe pro centro circularium motionum

tionum cometarum habentem, aliter fieri nequit, quam ut visus noster à terra se ad cometam extollens caudæ longitudinem eo angulo metiatur, cuius binorum laterum, eorum scilicet, quæ eundem visionis angulum inclidunt, alterum à terra in caput cometæ, alterum in extremitatem caudæ se extendat, tertium denique sit ipsa vera longitudine caudæ à Sole projectæ. Exempli gratia: constituatur cometa (ut plurimum) infra solem, atque in ejus aspectu sextili, nempe C, cuius caudæ vera longitudine sit C O, erit igitur visa ejusdem, quam mensurat angulus C A O. Idem autem contingit, cometa in G supra solem ac pariter in hujus sextili locato. quum enim vera longitudine hujus caudæ sit G L, visa per angulum G A L deprehenditur, qui quidem angulus ab angulo C A O quantum superatur (cæteris paribus) tantum caudam cometæ in G à cauda cometæ in C longitudine superari necesse est, dum hæc sursum magis tendat; ut cometæ anni 1577, quem in sextili soles prope versantem, ita caudam terræ respectu, sursum porrexisse Tycho deprehendit, quasi à Venere projecta fuisse videretur, quum hæc in matutina digressione ac paullum infra solem tunc in suo orbe esset constituta. At modo cometam supra solem Tycho in vera sua hypothesi locasset, velut quoque observatæ ejus parallaxes efflagitabant, quæ revera vix tria minuta in horizonte excederunt, modo observationes rite examinatae fuerint; eandem certe, quam scribit, caudæ directionem ab ipso sole deprehendisset. Plurimum enim hic intererat, centrumne cometæ terram an solem constitueris. si vero solem, ut Tycho existimavit, cur igitur cometa in infinito orbis sui situ eundem sub circulo maximo trahit, quem elevatior in eodem factus? quandoquidem planetæ similes circa solem gyros ducentes, hunc magnopere per latitudinum accessum & abscessum varient, adeo ut sub circulo in sphera-maximo minime ob eandem causam incedere queant. Cometis itaq; terra pro centro sit, & sol caudarum director, eo modo quo in cæteris q. oque usu venit, quorum typos, & caudarum figuræ, figura præfens satis exprimit. Hinc etiam apparet, quod cometæ in visibili coniunctione cum sole ac terra videri nequeant, sive infra sive supra solem fuerint, quod hi, ut & reliqua sidera, sub radiis soles abscondantur. Quo vero ad oppositum soles cometæ magis vergunt, eo breviores horum caudæ reddituntur, ut cometis in E & I, juxta trigonum soles continent, ubi in hoc I N caudam visam pereculis angulus I A N metitur: in illo autem qui infra solem est, caudæ mensura est angulus E A Q, qui quidem quanto superiore angulo I A N laxior deprehenditur, tanto in eo

cauda productior. Denique caudæ cometarum, qui plane in opposito solis apparent, post capita ipsorum absconsæ jacent, & solum id, quod circa molem ipsam cometam radii solis deducunt, & in quod se reflectunt, apparet, unde crinitus cometa exsurgit, ut barbatus, quum non longe ab opposito solis distet. Hujusmodi namque ex hac hypothesi caudam brevem ac densam ad latus & infra se deflexit. Apparet præterea in hac figura, id quod superius innuebam, nullam scilicet caudam in illis cometis vel novis phænomenis deprehendi posse, quorū orbitæ semidiameter, ut A H omnem proportionem semidiametri orbis solis, nempe A B, pro sui magnitudine exhaustit. Quum enim angulus A H B ita plane evanescat, ut B H & A H pro una linea recta, quo ad visum habeantur, non aliter directe sursum cauda tendit, ac si in solis oppositu phænomenon esset constitutum. Proinde etiam tali hypothesi stellæ novæ, maxime secundum Copernicum, applicari possent, si non hoc obstat, quod scilicet nullum defluvii vestigium uspiam circum se novæ stellæ ostentent, sed clara admodum & prælustria lumina sua, instar reliquarum fixarum, per totam sui molem æqualiter distribuant. Ideo ut motibus, sic quoque caudis, seu omni visibili defluvio has destitui rectius forte opinamur. Cæterum circa talem hypothesin, qua differentiæ cometarum quodammodo ostenduntur, quoniā causæ superius judicatae se recolligunt, adeo ut cometæ ab invicem per omnia causarum genera secundum magis & minus plerunq; differant, & quo altiores sunt, plus virium in se contineant; quin & hi insuper (quod Tycho existimabat) veriore defluvii partem visui nostro, ob nimiam illorum à teliurę distantiam, subtrahant. Proinde, quum hinc veræ caudæ productio in diversis cometis multum variare queat, adeo, ut non eadem vera longitudine caudæ in plerisque fuerit: igitur ex sola caudæ formali prominentia de altitudine & magnitudine cometæ difficile erit judicium, ut ob id rectius de hisce ab observationibus exquisitis, earumq; ab invicem comparatione, & subtili hinc parallaxium enucleatione, censura feratur.

Postremo in hoc capite ad eorum opinionem, qui cometas angelos bonos aut malos esse dicunt, hasce formas portentosas adsumentes, ut scilicet defluvia illa circa cometas, quorum mentionem fecimus, in varios pœnarum significatus extendant, unde crinis ac barba figura virgæ, caudæ vero effigieensem aut hastæ, representari volunt, quæ quasi instrumenta pœnarū, & afflictionum, bellorum, & aliorum malorū, quæ præ foribus sunt, per metonymiam causæ coelitus ostenduntur, ita respondendum arbitror, quod non necesse sit ea, quæ rebus naturalibus (in quarum numero cometas esse superius

superius ostendimus) ad aliquid singulare denotandum, à Deo infigliari solent, à superis & plane latentibus causis illico deducere. Exemplum in iride cœlesti habemus, quæ licet res naturalis sit, videlicet emphasis in aere è radiis solaribus in roridam nubem reflexis: tamen pactum illud, quod Deus post diluvium cum hominibus fecit, nempe mundum hunc haud amplius aqua interiturum, iris circulo suo cœruleo in nubibus apparente admodum significanter exprimit. Sed & altero nubeo circulo, qui juxta conspicitur, id absque du-

^{2 Pet. 3:} bio significari videtur, quod alias Divus Petrus Apostolus vaticinatur, nempe mundum aliquando igne conflagraturum. Interim autem diffidendum non est, valde confinia ea esse, quæ cometæ significant, iis scilicet potissimum, quæ alibi in scriptura, tum maxime Apocalypsi Iohannis in visionibus per angelorum ministeria eventura pronunciantur. Si non plane eadem fuerint. De quorum comparatione nonnulla infra dicturi sumus, quando effecta cometarum, imprimis vero ultimi, in specie, pro nostro intellectu ac judicio recensuerimus. Nunc autem quæ inter causas restant, finis interpretatione complebimus.

C A P. VII.

De causa finali novorum phænomenon, ac ipsorum descriptione.

Si Deus & natura, secundum axioma philosophi, nihil frustra faciant, certe finis aliquis, & quidem satis ponderosus erit, ob quem tam novæ stellæ, quam cometæ diversis temporibus cœlo conspiciuntur. Qui quidem modo Thomam Eraustum & alios Astrorum eorumque effectuum graves contemtores pro sua dignitate movisset, certe nec reliquis astris exigua admodum, nec nullam cometis seu novis in universum phænomenis vim tribuissent. De Sole, Luna, & stellis mundo cœvis scriptura breviter, sed nervosissime ac verissime, ut omnia, definit, ea scilicet omnipotentem Deum creasse, ut inter alia officia quæ singulis adsignantur, in signa essent, tellurem illustrarent, & quod sensu percipimus, sua luce soverent, quando & hæc astrorum *ὑποχέλα* fuerit, ob quam etiam, ut cætera, valde bona à Creatore sunt pronunciata. Cæterum *vox signorum*, qua scriptura utitur, non prorsus in eo significatu accipienda est, quo Sol diei, Luna autem cum stellis nocti præfutura ibidem enunciatur, siquidem hæc particulae, quæ officia sua seu ministeria astris impnnunt, satis ab invicem in textu distinguuntur; sed potius hujusmodi signa astra quoque esse, quæ voluntatem Dei quandoque destinatis temporibus indicabunt, & ante omnia glo-

riam ipsius, propter quam velut summum finem cuncta creatura sunt, inter homines enarrarent, & sapientiam ejus jugiter deprædicarent. Nam omnia in hominum gratiam & emolumentum à Deo facta esse: hominem vero propter Deum, ut sola hæc nobilissima in terris creatura p̄æ cæteris creatorem suum inde agnosceret, ac rite coleret, Christiani physici recte considerant, quando ab hac opinione scriptura minime ab ludit. Ideo ut & hominum utilitati optimus Creator & *θημερός* optime consuleret, & singulos homines, etiam Ethnicos de omnipotentia & voluntate sua clarius & manifestius, quam per obscura illa terrestria, informaret, hæc splendidissima signa, astra nimurum in cœlesti theatro ponere, oculisque mortalium operare sapientissimo Deo placuit, id quod Ovidius scite hisce versiculis notavit,

*Cunctaq; quum spectant animalia cætera terram: Ovid. in Os homini sublimè dedit, cœlumque tueri
Iussit, & cœlestes ad sidera tollere vultus.*

Ex hisce modo allatis quivis intelligit finem creationis astrorum etiam novorum, in universum duplē esse: naturalem & supernaturalem. Naturalem, ut res terrestres, quippe elementatas ac caducas luminis conversione atque influentia astra mundo cœva fovent ac moderentur, semina in his excitent, & individuorum generationi plurimum conducant, ut species in natura ad seculi usque consummationem conserventur, ac perdurent. Et quoniam communis materia, unde tam astra, quam hæc inferiora constant, plurimum illa his astringit, maxime vero, quod semifinalē conditionem ac materiam contingit, quam Aristoteles ideo non inepte cœlo stellato comparari ait, idcirco nemini mirum esse debet, cur astra non modo evidenter sat, ut Sol & Luna, in hæc inferiora agant; sed etiam occulta quadam ratione, ut hæc eadem luminaria, item reliqui planetæ atque stellæ fixæ: idque maxime ac diversissime juxta aspectus suos, & angulos diversos intuituum, velut in Astrologia docetur. Cæterum hæc de fine naturali astrorum, quæ mundo cœva sunt, si solum intelligentur: quid igitur de novis phænomenis, stellis scilicet novis ac cometis heic dicendum? certe aliud nihil, quam neque hæc suo fine in natura prorsus carere, quandoquidem supernaturalia plane non fuerint. Primo namque quum ad generationem ipsorum peculiares aspectus planetarum concurrent, ut supra dictum est, non ideo dubium esse potest, quin nova illa phænomena simul prorsus ad reliqua sidera aspectibus ita in hæc inferiora operentur, ut una se influentiis illorum immisceant, imprimis autem Solis atque Lunæ, quibus homocentrica sunt, unde fit, ut effecta cometarum, quibus temporibus

*Gen. 1.
v. 14. &
seqq.*

*Arist. de genere
2. c. 3.
de genere
ras. and. mal.*

poribus evenient, potissimum per cursum Lunæ metiamur. Novarum autem stellarum, quarum effecta & durabiliora sunt, & *invisibiles* longius in futurum remotæ, etiam se ad conjunctiones superiorum ita accommodant, ut vel per zodiacalem directionem tempora illorum ingruentia dignoscantur, velut hæc infra rectius, & commodius proprio effectorum loco, & postea per exempla fusius & specialius declarabuntur.

Cæterum quum novorum phænomenon, imprimis autem cometarum vel effecta, vel saltim cum aliis signa, ceu significata mala, & portentosa vulgo habeantur, adeo quidem, ut crebro de hisce verum esse comperiamus, quod Claudianus velut vates cecinit :

Et nunquam cælo spectatum impune cometen.

Contra vero tota natura ad optimum finem à Deo facta esse videtur, quando cuncta in ea creata ab ipso opt. creatore valde bona visa sunt. Proinde haud immerito quæri potest, quomodo mala & funesta illa effecta, quæ plurimum à cometis emanant, vel duntaxat ad horum apparitionem orbi supereminent, locum in natura habeant? Ad id scriptura, & philosophorum autoritate, denique exemplis nonnullis breviter sic respondeo : Natura post inductam super ipsam, è priorum hominum prævaricatione, maledictionem, nunquam à malo fuit immunis ; sed illud sibi adeo connexum semper habuit, ut priusquam malum vel deterius ab ipsa natura, aut eo, quod melius in natura est, sustuleris, ipsam naturam, imo ipsam providentiam (ut Plotinus loquitur) tollas necesse sit. Interim tamen omnipotens Deus admirabili hac providentia sua, qua omnia in natura gubernat, ita cuncta in ea mala moderatur, ac in tempore disponit, ut ad bonum, imo optimum finem ferantur ; quemadmodum inter alios Boethius scite ac nervose admodum disputat. Quum enim diaboli natura sit, ex bono semper malum ut reddat, conari, divinae certe five naturæ, five omnipotentia hoc artificium unice tribuendum est, ut per ipsam malum in bonum finem dirigatur, & transeat. Porro parum aut nihil naturæ cursum, prot ut nunc est, ea temorari, quæ deteriora nobis in ipsa videntur, exempla ostendunt experientæ conjuncta. Annonæ caritas, cuius quoque cometen prænuncium esse experimur, id ne efficit, ut dum terra feriatur, nec fructum quotannis copiosum producit, iterum præparetur, & sequentibus annis habilis magis ad fructus suos edendos fiat? Idem de tempestatibus dicendum, quæ cometarum apparitionem plurimum sequuntur. Dum enim aerem & aquas hæ exagitant, defocatiora illa longe, quam antea fuerunt, redundunt. Nec alia ratio in iis interdum est, quæ

hominibus morborum & bellorum, vel etiam aliorum malorum afflictione contingunt, quorum quoque cometæ prænuncii esse solent. Bellorum inter cætera Palingenius fe-
Paling. in
Capricor-
num.

*Sed quamquam bellum turpe, exitiale, nefandum
est :*

*Non tamen utilitas habet nihil. omnia vasiri,
Fallacesque homines, usuræ & fraudibus apti,
Agglomerant, cumulantque sibi, quo tempore pax
est.*

*At quum bella fremunt, miles male parta rapit
Tunc merito vulpes, ulciscitur ira luporum: (vi.
Præmia tunc fortis astutis digna rependunt,
Parque pari referunt. variat sic omnia tempus.
Præterea Reges mille artibus atque rapinis,
Quum pax est, spoliant populos, atque undique
nemos.*

*Corradunt, unde omne aurum argentumq; vorare-
Fiscus, ni bellum erueret, quod pace latebat; (ret
Distribuit multis, quantum congesserat unus.*

*Postremo est hominum turba hand mediocris,
habet que (rem;
Nec rem, nec doctrinam, arte invicem fugitque labo-
Dedita nequitia, prona in scelus, impia & audax.
Tales ergo homines, smo umbras, tempore certo
Mittit in arma Deus crudeli morte necandos.
Sic genus humanum purgat, multosque per an-*

nos

*Qui remanent, vivunt hilares, hac peste remota;
Donec succrescant iterum mala grama, rursum
Evellenda acri bello, gladioque secanda;
Tunc iterum immundas dispumat Iupiter ollas.
Tunc iterum immisis furios purgamina verrit.*

At dicis, innocentes quoque poenas saepe immeritas luunt, quando clades Reipubl. ingruat, camque peste, bello, inundatione, aut alia communi calamitate sternat ; vel etiam quando insontes perversa, & erronea judicum sententia poenis adjudicentur, imo quando varias & inexpectatas adversitates, & pressuras experiantur, velut è solo Deo immislas. Sed ego cum divo Chrysostomo respondeo ; hæc non esse mala, neque quemquam nisi à seipso laedi : & certum quidem est, bonis ac justis mala, quæ culpa caruerunt, nunquam obfuisse. Sunt enim ista non nisi apparenter mala ; & solis sensibus, qui heic falluntur, aduersa ; contra quæ justum in Reipubl. virum Horatius masculine animat, scilicet quod hunc

*Si totus illabatur orbis,
impavidum ferient ruine.*

Sed longius heic opinione digressus sum, ut quæstionis propositæ solutioni quodammodo fieret satis. Alias de hac divina œconomia & providentia in natura, tam sacri codices, quam Philosophi, Plato, Plotinus, Boethius, & alii perplures luculenter testantur, ac differunt.

*Chrysost.
in orat.
Quod
nemo la-
datur nisi
à seipso.*

Atqui sic appetet vel ex novorum phænomenon effectis (quæ ex parte novimus, & naturæ heic accommodavimus, uberioris in sequentibus exponenda) quod intentio nostra habet, ea scilicet finem aliquem in natura respicere, quem quoque multiplicem esse nihil impedit. Quid si enim præter ea effecta, quæ cognationem in his cum cæteris astris habere admonui, etiam elemento cœlesti defæcando, & ab impuritatibus, quibus similes sublunaris regio sœpe admixtas habet, liberandis, nova phænomena, & imprimis cometæ destinentur? Nam ut aeris summa ac media regio φλογωριδ seu inflammatiōne stellæ cadentis, capræ saltantis, fulminis, quod tonitrua comitantur, & aliorum hujusmodi ignitorum meteororum crebro purgari solet; sic vero simile est cœlum quoque suo modo per nova phænomena purgari, quæ dum à radiis solaribus, quasi incensa atteruntur, superfluentem materiam in quam impingunt, ac cursu suo attingunt, una involvunt, & iisdem radiis solaribus absundam exponunt, unde forte caudarum inæqualitates diversis diebus in iisdem cometis causam suam trahit, quum circumflua materia cometica adventitia illa passim sub cœlo sublecta, fuerit adaucta, quod in flamma lychni quisquis experiri potest, si eidem materiam ustibilem superne admoverit, interim autem talis materia in cœlesti æquore innatans, inter alias tanta tenuitate & subtilitate prædicta est, ut per se se nullam sui illustrationem à sole ac sideribus admittat. Atqui haec causa esse potest, cur dum aerea regio crebra fere ignitorum meteororum incensione defæcat; ætherea singulis quasi denis annis ab inquinamentis suis cometarum exortu, & suffusione liberatur, idque suo peculiari modo, prout cœlum à sublunari regione differat. Sed de fine novorum phænomenon in natura satis. restat supernaturalis, de quo ultimo loco dicturos, ejus quod ab initio prolatum est, meminisse nos oportet; nova scilicet phænomena, quamvis intra naturæ claustra quodammodo reperiantur; tamen quoties generantur atque apparent, ad supernaturalia potissimum significanda divino prævisu destinata esse, imprimis autem ea, quæ malæ pœnæ in natura esse videntur. Etenim si ex Sole, & Luna, quæ cum reliquis astris, mundo coegvis, naturæ elementali jugiter inserviant, etiam de rebus supernaturalibus signa captentur, quoties à destinatis suis ministeriis appartenentes deficientes in deliquia incurvant, quæ quidem luminaria cursibus suis plane naturalibus admittunt, orbique inducunt, adeo ut quis haec cernens mortalitati suę facile ignorat, ut fere cum Plinio loquar. Et certe ab eclipsibus naturalibus luminarium signa omni

tempore extiterunt, de mundo aliquando, contra Aristotelis opinionem, interituro, præter alia, quæ portentosas istas obscurationes plerumque sequi solent, ut bella, pestis, famæ, morbi, tempestates & alia similia mala, item obitus principum in republ. Quid igitur mirandum est, quoties divina providentia, præter creatab ab initio astra, quæ natum inferiorem continuo luce sua ac motu fovent, etiam nova ac insolita generari velit, in eum proculdubio finem, ut inter alia, de rerum publ. eversionibus, imprimis ob securitatem detestandam, qua omni quidem tempore, sed potissimum sub mundi effeti hoc potremus seculum, maxima pars generis humani sepulta jacet, liquido testentur, & mortales ad pœnitentiam (quantum vel sic fieri potest) ante mala quæ promiscuit, clementer invitent. Sunt enim hæc nova phænomena ac imprimis cometæ, prophete, non minus quam Ionas olim apud Ninivitas, muti, sed satutis ut psalmus habet, vocales, quod quoq; Hie-
rosolymitani ante ultimam urbis suæ fatalem eversionem fero, & infeliciter nimium senserunt, quippe quibus cometam instar stricti ensis integro anno in cœlesti theatro immicuisse, & templo eorum eminuisse, Iosephus scribit. Ut alias cometarum effusiones taceam, quas historiæ passim habent, quasque fatales calamitates plerumque sequuntæ sunt, quemadmodum ultimus à nobis visus hodierno die testatur.

Quum igitur Deus ac natura frustra nihil faciant, ut ante dictum est; natura autem sepe monstra præter intentionem suam, nunquam tamen absque divina voluntate producit, ut scilicet haec etiam de humana nequitia, socordia, aliisque enormibus vitiis, pœnisque merito subsequuntur luculenter ac velut οὐδὲ ὑποτύποις testentur, sive in aere, sive aquis, sive terra, inter animalia aut homines (ut nunc passim) oriuntur. quid igitur de vastis illis, pellucidis, & stupendæ magnitudinis corporibus, quæ Deus de novo generari vult, colo affigi, mentibus velut rationalibus cieri, & tandem cum reliquis astris fatalibus quasi aspectibus configurari, aliud iudicandum erit, quam ut haec veri vates, seu concionatores, & velut testes coram hominibus esse debent, tam de immensa Dei φιλανθρωπia, & erga resipiscentes misericordia, quam de justissima ejus ira adversus impoenitentes, cuius incenso ardore hi non solum in hoc seculo juste punientur, atq; ut nova phænomena è cœlo, sic hi è facie terræ tādem absumentur; sed etiam pœna infernali suo tempore afficiuntur? ut taceam, quod nova phænomena ac cumprimis cometæ mundi interituri signa non minora sint, quam eclipses luminarium; modo sua disparitione ac visibili
qualsi

quasi incendio hisce illustriora non fuerint. Cæterum quoniam plura mens pia, & signorum divinorum minime contemptrix, secum meditari ac conjectare solet; de iis quoque sparsum etiam supra dictum est, & infra fuis, specialiusque magis in exemplis dicitur: proinde vela circa has novorum phænomenon finales indicationes heic contrahimus, ac tandem, quod restat, è causis perverstigatis ac præmissis, horum descriptiones ac velut definitiones primo in genere, deinde in specie extruemus. Igitur novum phænomenon in genere (sub quibus & stellas novas, & cometas pariter hactenus complexi sumus) Est fidus de novo in cœlo, quippe è materia cœlesti de via lactea, & astrorum concursu, aut horum aspectibus aliis, generatum; quod licet splendore suo ac motu regulari circa centrum telluris, mundo coeva sidera quodammodo æmulatur, tamen quia formæ interioris excellentia longe his inferius ac viilius est, ideo illis quoque minus durable reperitur; unde fit, ut paullatim ad ultimam disparitionem decrescat. Interim singulari divina providentia & φιλαθρωπία ad eum finem ordinatum est, ut pro forma sua exteriore, situ, motu, atque aspectu cum cæteris astris, & terræ respectu ominoso, homines plerumque de ingentibus calamitatibus publicis ac justis poenis, ob delicta sua varia, in poenitentiæ expectationem serio admoneat, nec non signum cōsummationis seculi, quod nunc sine dubio brevi instat, sua crebriore effusione, & disparitione quodammodo exhibet.

Ex præmissis autem intelligitur novum phænomenon in duplii esse differentia, adeo ut tam de nova stella, quam cometa prædicetur, quæ duo, præcipue forma, loco, ac motu, ut etiam speciali significatu, ejusque, ut & temporis, eventuum duratione inter se differunt. Etenim stella nova, astrum, seu phænomenon novum est, in summo cœlo inter fixas stellas, & semper fere in via lactea, unde materiam trahit, locatum: quod magno plerumque candido ac splendido jubare ab initio se exhibit, adeo ut hoc ipso interdum stellam Iovis aut etiam Veneris adæquet; motui quoque non alii, quam fixa sidera, hoc est, primæ conversioni obnoxium. Præterea tempus durationis plerumque ultra integrum annum, anteque paullatim decrescendo prorsus disparet, continuat, & significationum durationem in tempora longiora protendit, que licet ab initio melioris ac illustrioris omnis esse solent; tamen plerumque eas insigni calamitate definit, ut etiam de fixis aliis stellis Genethliaci fatentur.

Cometa vero novum quoque cœleste phænomenon est, quippe è communis cœlesti ma-

teria, quam lacteam esse existimamus, ac insuper aspectibus planetarum in cœlo diffisiore, seu planetario genitum, vario colore lucens, variaque ac terribili forma sœpe conspicuum, quippe, cui plerumque defluium aliquod annexum esse conspicitur, quod radii solis in aversam sui partem, seu mundi plagam, perpetuo agunt, quodque plurimum figuram, vel caudæ, vel crinum, vel barbæ, seu scoparum refert. & quamvis in varias mundi plagas cometa præter motum primum tendat; tamen cursum suum sub circulo cœli maximo constanter usq; sub extremum exercet: ea etiam proportionis norma, ut scilicet cum motu indies ab initio plerumque remissiore facto, corpus cometum simul decrescat: tandem diras calamitates pro qualitate apparentis formæ, sideribus & aspectibus planetarum, quibus applicat, orbi terrarum, vel certis ejus tractibus denunciat.

Atqui hucusque de causis novorum phænomenon, eorumque ex iisdem descriptionibus, prout è ratione ac criteriis imbecillioris nostræ cognitionis indagari hactenus poterant. Sequitur de illorum effectis.

C A P. VIII.

De novorum phænomenon cœlestium, ac imprimis cometarum effectis dijudicandis.

Svb hujus capituli initium ante omnia monendum est, prædictiones de hujusmodi effectis, præatoria decreta minime esse, quandoquidem astrorum effecta in genere pro subjectorum recipientium varia natura, & conditione, infinite quoque varient. Præter alias causas, seu remoras, quæ in astrologia docentur, unde licet sidera naturaliter agunt, non tamen ipsorum effecta in hisce sublunaribus, uniformiter sentiuntur, quod horum naturæ & conditiones uniformes non fuerint, sed infinitis quasi modis differentes: addo, quod quæ causas liberas ac voluntarias includunt, ut sunt mentes humanæ, ab astris quidem inclinati, at minime cogi possint, quia anima hominis, imprimis autem Deum & virtutes jugiter colentis & actiones suas ad divina statuta, rectaque rationis normam exigentis, astris & superior, & præstantior est. Vnde de Socrate narrant, confidente olim, eandem suam naturam fuisse, quæ ab astrologo quadam coram explicabatur, nempe pravam & distortam, verum se eam ad Philosophiæ instituta ac præscripta emendasse. sic igitur Socrates, quod de sapiente dicitur, astris egregie dominatus est: dum naturam cæteroquin distortam acroamatis philosophiæ placidissimam reddidit, adeo ut teste uxore Zantippe vultum nunquam mutarit. His præmissis, quum superius assertum fuerit, nova illa phænomena

nomena quoties præmissu Dei in cœlo fulgent, procul dubio res novas, seu novas in re-publ. mundana mutationes, easque universaliores, quam quas alia sublunaria ostenta, sub-indicare. Quocirca quantum pro imbecillitate ingenii mihi probe cognita, de ipsorum effectis, seu significatis ratiocinari possum, ordine in sequentibus referam: ubi primum causas horum in natura, quæ mihi maxime vindentur ostendere, cur scilicet nova illa cœli phænomena, ac imprimis cometæ, quædam diversa, & supra reliqua eventura, quoties effulgent, significant. Ad has autem causas redendas, ut etiam totam Astrologiam rite exercendam, equidem nihil convenientius invenio hypotyposi universi Tychoniana, quam post Ptolemaicam & Copernicæam frontispicio partis secundæ Astronomiæ Danicæ eo elogio, quo digna fuit, inserueram. Quum enim in eadem, præter centrum universi, nempe terram, in quam omnia astrorum lumina atque operationes, etiam juxta sacras paginas, diriguntur, quippe ad eam fovendam unice destinata, aliud secundarium & mobile centrum sit, quod Sol ipse pro sua sede regali occupat: qui in medio velut ~~στοπόν~~, & hujus œconomiae cœlestis dominus, cæteros planetas, præter Lunam, tamquam familiam trahit, & anno suo motu secum circa tellurem dicit, dum eos intra certos circulorum suorum limites contineat, & interim quosdam, ut tres superiores Saturni, Iovis, & Martis, in tantum à se spatiuum demittat, ut vel tellurem in ejus oppositu ambiant: reliquos vero Veneris, & Mercurii intra breviores circum se gyros coercent, ut dum Sol carpento suo feratur ad regionem cœli perlustrandum, & annuas vicissitudines apud nos in circulo suo declivi reddendum, præsto hi sint, & iussa ejus singuli pro sua natura, motu, ac lithurgia, ut regis cubicularii solent, capeant. Lunæ præterea, ut Solis cœlique reginæ, regio cœlestis inferior, hoc est, telluri propinquior attributa est. Quæ quidem Luna perpetua luminis Solis, tam huic ingeniti quam reliquorum planetarum ministerio acquisiti, communicacione, & quasi imprægnatione lucet ac viget, & ex hoc varias suas faces ac facies telluri ostendit, unde hæc inferiora manifesto moventur & afficiuntur, ut in æstu ac reciprocatione Oceani, item animantibus aliisque corporibus sublunaribus advertere licet. Porro planetariæ regioni (& quidem à centro usq; telluris) in qua, ut dixi, Sol dominus & rex est, Luna vero domina atque regina, cœlestis extrema regio circumstat, stellis, ut vocantur, fixis plurimum referta, cum quibus velut peregrinis populis ac nationibus, licet eadem vel prestantiore lucis specie dotatis, Sol & ejus

Gen. I.

internuncii planetæ, ut & ipsa ipsius regina, Luna, nempe commercia continua luminis ~~zorionis~~ exercent, & hæc planetariæ regioni primum important, deinde qua sponte contendunt eadem auctiora, ac rebus inferioribus per planetarum lithurgian accommodatoria facta, lunari & demum sublunari infundunt, & tandem hanc varie pro stellarum ac planetarum cum sole, luna, atque tellure, dispositione, & subiectæ materiæ conditione afficiunt. Quod ipsum planetarum, imprimis autem solis ortus & occasus, cum fixis istis sideribus evidenter quotannis probant. Atqui hæc mundanæ œconomiae in natura consueta gubernatio est, quæ ad eam fovendam, mutandam, multiplicandam, &c. è divino omnipotentis verbo in hisce causis secundariis olim cum cœlo preparata, jugiter deinceps ad sæculi consummationem eodem verbo sustentatur. De qua re Philosophi, & imprimis Trismegistus olim differuit. Quin & plura ac specialiora ex ejusdem consideratione in Astrologiam sicubi rite aliquando exercendam conjicientur. Nunc autem ad propositum de novis phænomenis. Quod igitur annum est, quodq; ob continuas periodos minus insolitus, id regimen œconomiae mundanæ in natura, etiam adspectuum repugnantia, minus perturbat, quam quod raro fit; quod nos inter alia, superiorum planetarum conjunctiones, quæ non nisi raro contingunt, manifesta effectorum suorum indicatione convincunt. Et cur quæso non etiam multo magis insolita ea phænomena, quæ aut, ut stellæ novæ, se fixis sideribus adsificant, aut, ut cometæ maxime validiores, se in regionem planetariam infundunt, & transversis ut plurimum ac distortis suis motibus, contra planetarum incessum, meatus seu vias horum varie absindunt; cur inquam regimen illorum ad infimam tellurem circum-quaque penetrans, hæc nova cœlestia ostenta non perturbabunt, & prorsus ad insolita inclinabunt atque cogent? Etenim licet cometæ solis ac planetarum sibiles sint; tamen quia sub ipsorum sinistris adspectibus, ut plurimum, generantur, non nisi nothi, seu spurii, degeneres & quasi exterranei in hoc lithurgiæ mundanæ ordine, merito à Dn. Tychone nostro, & quibusdam aliis doctis viris censentur. Proinde dum planetæ plerique inferioribus fovendis, & aeri à noxiis humoribus, qui è tellure & maribus perpetuo exhalant, liberando, operam suam singuli, pro sui natura conferunt; maxime autem omnium Sol velut sidus terrestribus, & imprimis humano generi clementissimum; contra nova phænomena cœlestia & ante omnia cometæ infesta sua generatione, nec dispari irradiatione ac motu; vaporum denique noxiorum

noxiorum attractione, & incoctorum in aere dissipatione terrestria vehementer fatigant, dum hæ ipsorum operationes qualitatibus elementorum infeliciter se immisceant. Vnde tempestates & annorum sterilitates oriuntur, item *συρπασίαι* per reliquas temperamentorum qualitates inundant, ex quibus postea hominum mores, qui has sequi solent, mortales mundanos in varios & illitos appetitus inducunt. Vnde bella, contentiones regnum ac Rerumpubl. eversiones, cum multis aliis sceleribus & inquinamentis; item morbis, & id genus aliis malis ortum ducunt. Hæc ex sola Physica consideratione de novis phænomenis, & imprimis cometis, præter ea quæ de his mystica sunt, & magis divinam in mundo providentiam etiam circa horum generationem concernunt. De quibus partim supra egimus, partim infra data opportunitate fusius acturi sumus. Nunc ad effectorum seu significatorum, quæ ex novis hisce sideribus sumuntur, divisionem transfibimus.

Effecta novorum phænomenon, hoc est, tam novarum stellarum, quam cometarum, quoties divina voluntate in celo apparent, aut vi ac potestate effectorum, seu potius significatorum suorum, aut horum certis quodammodo locis & temporibus exhibitione notantur, & quasi prædictiones de illis habentur. Significata autem novorum phænomenon, vel supernaturalia sunt, vel naturalia. In supernaturali serie divina providentia, vel quod idem est, divinum decretum regnat, quod in prophetarum vaticiniis de rebus usque ad seculi consummationem super orbe terrarum venturis, ad amissim exercitetur; quarum certe rerum & malorum hæc nova phænomena temporalia indicia fine dubio sunt, velut capite proxime præcedente illa fusius tractata sunt, & ideo heic haud repetenda.

Inter alia autem novorum phænomenon significata, primum in genere notatur locus novi sideris quoad longum ac latum penes eclipticam, similiter quoque æquatoris respectu, ut quam mundi plagam quoque sphæricæ superficie punctum stella nova aut cometa in ortu suo, ac per totum decursum suum tenuerit, probe relatione ad eclipticam pariter & æquatorem cognoscatur. Si quidem id imprimis ad significata horum melius apprehendenda ac discutienda pertinet, tum quod per eclipticam seu zodiacum aspectus Solis ac planetarum cum novo phænomeno perspicuntur, unde plurimum ortum trahere existimatur; & insuper ad zodiaci signa regiones ac tractus terrestres ē Ptolemæo & aliis dijudicantur, quæ maxime affici solent, dum novum fidus hujus-

modi signa percurrat; tum æquatoris respectu, dum quotidiana novi sideris revolutio, & in ea punctum verticale, quod cometa singulis diebus attingit, consideratur. Vnde præter hujus motum diurnum in proprio circulo, item gressum per eclipticam, etiam declinatio hujus requiritur, ut in exemplis postea apparebit. Insuper autem cœlestia domicilia in themate ortus novi sideris (modo tempus hujus haberi potest) item ad novilunium, seu plenilunium proxime sequens, Astrologus non frustra contemplari jubetur, ad hortum duorum circulorum dimensiones sub datis poli elevationibus restricta, adeo ut horum omnium cognitione requiratur; præter principum virorum genethliaca, earum regionum ad quas effecta seu significata novi sideris, maxime inclinare animadvertisse, ut quedam horum etiam fusius infra commemorabuntur. Porro natura seu qualitas asterismi illius cœlestis, sive in zodiaco, sive extra, cui nova stella adhæret, aut in quo cometa vel ortum dicit, vel per quem maxime motum suum dirigit, diligenter perscrutanda est, & exemplorum inductione confirmanda. Præterquam enim, quod signa zodiaci in tot trigona, quot primariæ qualitates in natura, sapienter distribuantur,

nempe	Calida	Frigida
ut	♀ ♈ →	♉ ♎ ♈
	Sicca	Humida
ut	♊ ♉ ♌	♋ ♊ ♍

ut ex hisce velut domiciliis & proprietatis, quæ singulis planetis tribuuntur, iudicium astrologicum pertexi queat; etiam asterismorum singulorum natura intuenda est, quorum quoque nomina, licet ab eventu ipsis imposita esse videntur: in effectis tamen producendis ociofa non sunt, sed admodum interdum *συμπάθεια*, ut de his verificetur id quod vulgo dicitur: *Conveniunt rebus nomina sepe suis*. Sed de qualitatibus ac naturis signorum zodiaci, asterismorum & planetarum, à quibus nova sidera afficiuntur, heic prolixius agendum non est: verum de illis Ptolemæus, in quadripartito suo opere, imprimis legendus & consulendus. De aspectibus denique seu configurationibus novorum siderum cum reliquis: astris, imprimis autem planetis, iudicium quoque secundum naturam horum fiat, unde quadrati intuitus cum maleficiis Marte & Saturno, significata novi sideris plerunque infausto eventu insigniunt, benefici utrinque mitigant. Qui quidem aspectus, quandoquidem per rationalem circuli distributionem deprehenduntur, haud frustra per eos-

dem, de influentiis astrorum etiam horum afficitiorum judicium suscipitur: hisce in genere considerandis observatio magnitudinis, atque coloris novi sideris adjungitur, & inde quoque de magnitudine eventuum judicium confirmatur; novæ quidem stellæ cum alia fixa vel erratica, cui sic assimilatur, cometæ vero similiter, cujus color & figura capit eum planetam, ut plurimum, refert, qui ad ortum ejus, seu generationem, maximam vim contulerat.

Sequitur significatorum è novis phænomenis exhibitio. Hæc dupli considerationi subjicitur, nempe vel locorum, seu tractuum terrestrium, quibus potissimum effecta novorum phænomenon applicantur: vel temporum, quibus hujusmodi effecta determinantur. Pro locis autem seu incolis horum generali modo indicandis, signa illa, quibus maxime probati Astrologi, imprimis vero Ptolemæus singulas regiones, seu terrestres distractus subjecerat, notanda sunt, ac bene secundum naturam, qualitates, hominumque sub illis mores, consideranda, dum in signis istis novum sidus vel oriri, vel decurru suo determinari comprehensum fuerit. Porro ad locorum cognitionem cognitio puncti verticalis requiritur, quod in Izygia luminarium ortum novi sideris immediate sequente, istud motu suo ostendit, unde locus in terrestri globo satis exacte elicetur, tali meridiano vel verticali subiectus. Ad quod quidem tempus, ut supra dixi, præstat thema cœleste construere, & signa zodiaci, item situs luminarium ac planetarum reliquorum in singulis cœli domiciliis diligenter considerare. Quod autem Ptolemæus directionem caudæ in cometis, ad quam mundi plagam ista vergeret, observare jubet, & hinc judicium de terræ tractibus, quos sic ostendit, desumere; id sine dubio fallit, siquidem tota illa caudæ norma à sole promanat, ut supra ostensum est. At caudæ magnitudo, & integri cometæ motus observatio in mundi plagas vana non est, quum enim illa materiae copiam arguat, hunc vero cometæ dissipatio paullatim comitetur, influentiæ ratio occulta non deerit, qua terrestria subiecta loca haud parum respectu Meridiani, seu loci verticalis afficiuntur. Atque tantum de locis generaliiter adsignatis, quæ ad sensum influentiarum novi sideris maxime trahuntur. Porro loca specialia, ad quæ influentiæ, seu significativa novi sideris maxime pertingunt, Aſſendentia, item Apheta, & Hylegialia eorum, qui sub talibus nascuntur, imprimis autem, ut supra innuebam, Imperatorum, Regum, & principum in republica mundana. Etenim quum hæ personæ publicæ fuerint, quip-

pe publica officia gerentes, non inani ratione, nec absque authoritate Ptolemaei, imo experientia ipsa talia novorum phænomenon significata iisdem maxime applicantur, adeo ut hæc aneretæ, seu occisoris planetæ decretis, quæ è directionibus proveniunt, involuta vitæ stamina plerumq; praescindant, & mortem aut periculum illustribus hisce personis ocyus accelerent, ut in exemplis infra patebit.

Hucusque de locis terrestribus, quibus novorum siderum significata ex indicis hujusmodi applicari solent. sequuntur tempora, quibus futuros eventus è talibus astris metiuntur Astrologi. Hæc autem vel in genere, vel specie finiuntur; in genere quidem, ut si phænomena nova in oriente cœli plaga primo appareant, mature horum effecta orbi supervenient; si in occidente, tardius. In reliquis vero plagiis modo fuerint, ad talem quoq; considerationem tempora accommodantur: in novis tamen stellis temporum mensuratio ad longe plures annos, quam in cometis se extendit, ut de effectis novæ stellæ anni 1572 ad hunc usque terminum nostrum è certissima D. Tychonis prædictione id verificetur.

Specialia vero tempora, quæ effecta novi sideris determinant, ad directionum decreta, quæ astrologicæ certitudinis præclara documenta sunt, referuntur; ubi directio vel secundum zodiacalem circulum fiat, ut in novis stellis cum conjunctione superiorum planetarum inter se, vel præcedente, vel potius sequente proxime, cum qua novæ stellæ magna cognatio est, ut in eadem stella anni 1572, cum conjunctione Saturni, & Iovis, anno postea 1583, in piscibus facta. Item in stella nova anni 1604 in Sagittari. Similiter, cum conjunctione superiorum Iovis & Martis anno 1600 in Ω signo igneo: de qua Johannes Kepplerus scripsit quidem, sed non sat, ut mihi videtur, operationes talium in vulgus produxit, quandoquidem vix ab eo tempore in Russia, Suecia, Livonia, Polonia, Dania, adeoque postea toto Romano imperio à bellis ac diris contentionibus, maxime sub religionis obtentu, feriatum est.

Atqui talis directio omnino ad motum solis diurnum eo tempore in ecliptica pro singulis annis determinatur. Cometæ vero quia bimestri aut trimestri spatio plerumque durant, igitur eventuum decreta ex hisce partim ad lunæ diurnum circulum devolvuntur; partim mensuram intra proprios suos motus includunt, idque vel juxta motum suum diurnum in proprio circulo consideratum, vel potius collatione motus istius ad zodiacum, vel ut hominum, omniumque quæ vivunt, circumlocutum proprium facta; ubi plerumque aliqua offerri

offerri solent, per quæ diversis statisque temporibus cometæ decreta sua explicabunt, dum non à vanis, sed peritis Astrologis ad censuram cœlestis harmoniæ cum inferioribus hisce rite exiguntur. Atqui in hac multiplici directionum via porro retroque, id quod experientia maxime olim in aliis probavit, sequendum est, & Astrologo, qui naturali inclinatione ad effecta astrorum discernenda, judicanda, & temporibus suis profrena fertur, multa heic relinquenda sunt, sed ita tamen, ut non quovis temerario productionum impetu velut Enthusiasmo, ut quidam artis cæteroquin ignari solent, singularia quædam pro altrorum effectis comminiscetur atque urgeat, & hæc inepta ac immatura sua censura pronunciet; dum sapiens & circumspetus quisque nihil prius dijudicet, quam collectarum causarum seriem universaliter intueatur, & sic quoque intra terminos judicij generalis se maxime contineat. *Sols enim numine afflatis praedicunt particularia.* Interim autem quæ specialiora sunt, quæque supernalia, & cum sacra pagina symphoniam, ut supra dictum est, habent, non tam prædictione ex astris, quam tempestiva admonitione vulgo è verbo Dei, & lege naturæ, si violetur, propoundenda sunt, & nihilominus tamen circumstantiis directionum, de temporibus eorum, quæ in iudicia pro novo fidere incident, quodammodo determinanda. Atqui his priorem partem hujus tractatus pro instituto nostro ingeniique viribus absolvisse sufficiet.

C A P. I X.

De designatione cursus cometæ anni 1607, ex propriis observationibus; deque parallaxis ejusdem exilisbus, unde hunc intra cœlestem regionem longe supra Lunam fuisse concludimus.

Caussis effectisq; novorum phænomenon generali modo per præcedentia capita, seu partem priorem hujus tractatus, adumbratis; sequitur pars altera laboris suscepit, in qua promissa in cometis exempla subjungemus; in cometis inquam duobus ultimis, nempe anni 1607, & 1618. Nam loca novarum stellarum, quæ hactenus in Cassiopea, Cygno & Serpentario, seculo nostro apparuerunt, ab aliis, imprimis Dñi. Tychone nostro, & Iohanne Kepplerio Mathematico Cæsario, satis designata reperiuntur. At cometæ, quos modo attingemus, quia non solum magnitudine, motu ac duratione insigne & stupendi inter eos fuerunt, qui hoc ultimo tempore, & post obitum Atlantis nostri, in cœlo effulserunt, sed etiam contrario fere nisu, & per asterismum Bootis occursu quædam præcæ-

teris, proculdubio significant, quæ quemvis Astronomiæ & Astrologiæ peritum, pro ingeni viribus & interpretandi dono sobrie potius tractare decet, quam occultare, atq; superne negligenter pariter cum vulgo contemnere: quandoquidem ostenta hujusmodi cœstia maxime quoque ea sunt, per quæ Deus hisce ultimis temporibus homines suæ securitatis admonet, simul & severè arguit, ut supra monueram, & infra merito pluribus exagge-rabo. Nunc autem ad priorem, qui anno Dñi 1607, mensē Septembri & Octobri in Aquiloni ortum duxit, & versus Meridiem cursum suum deflexit, è nostris observationibus describendum transibimus.

Anno Salvatoris nostri Iesu Christi 1607, die 18 Septembris vesperi, vix una septimana postquam sextantem nostrum quinq; in radio cubitorum, quippe cujus mentionem in Astronomia feceram, fabrica sua plane absolvifsem, & denique pro ejusdem infallibili certitudine experimenta ad distantias fixarum ab invicem capiendas aliquot fecissem: quintam Iovem juxta situm acronychium eodem instrumento die 14 Septembris obser-vasssem, quas quoque observationes sequenti-bus diebus continuassem, nisi hic in nostro Hauniensi horizonte triduanæ se nubes ac nebulæ interposuissent: serenitate vero die 18 Septemb. vesperi redditâ, primum adverti simul & observavi cometam caudatum in Septentrione, quippe, qui magnitudine sua fere Iovem ipsum quoad visum æmulabatur, sed obscuriore, hoc est colore sublivido ipsum Saturnum. Caudam etiam satis longam den-samque obtinuit, quam directe radii solares in aversam à se regionem depulerunt, idque per totam cometæ durationem. Hoc enim vespero post horam 7, quando cometa vix ad distantiam Lunæ unius infra parvam informem post ursam majorem constitutus esset; id quod non minore diligentia heic, quam Io-han. Kepplerus in Bohemia eodem vespero, notavimus; deprehendi etiam, quod cometa sua cauda binas informes infra caudæ radicem in ursa majore indigitaverit, Sole scilicet 5 gr. Libræ percurrente. Fuit quoque cauda cometæ densa, ut dixi, & fortasse magis quam reliquæ solent compacta, ac ejusdem cum ipso capite coloris, nempe lividi & subsaturnini: sed nunc ad observations nostras venio.

Sequuntur observations.


Ergo vesperi ejusdem diei 18 Septem. h 7^½ deprehensa fuit cometa in dispositione cum parva fixa informi nominata, eo modo, quem prius expressimus, ita ut vix distaret ab eadem per diametrum Lunæ unius, seu 34 mi-nut. infra, & paullulum ad ortum declinans,

Hujus vero stellæ longitudinem 12 grad. 16 min., η , latitudinem autem $40\frac{1}{2}$ grad. B. satis bene à Kepplerio adsumitas esse etiam observationes nostræ sequentes probant. Nam circa idem tempus, nempe h. $7\frac{1}{4}$ distabat cometa à præcedente superiore in quadrato ursæ majoris per sextantem 24 gr. 32 min. observatione in momento iterata; item ab inferiore sequentium quadrati ejusdem ursæ majoris, 14 gr. 14 minut. Cæterum quoniam binæ hæ stellæ nimium ad rectam lineam cum cometa erant dispositæ, adeo ut locus hujus vix absque errore haberi posset, velut id in doctrina sphæræ nostræ admonuimus; quo circa supposita latitudine cometæ 40 grad. 5 min. nempe ad censuram visus, in dispositione, quam cum stellula dicta habebat, cuius latitudo erat 40 gr. 30 min. prodit per triangulorum sphæricorum ratiocinium longitudi cometæ ex utraque distantia à reliquis in quadrato ursæ majoris nominatis in 11 grad. 57 minut. η , satis seorsim convenienter, dum etiam harum longitudines ac latitudines ad hoc tempus è canone stellarum fixarum emendato adhibentur.

Porro die sequente mane ac vesperi, cœlum serenum non fuit. Flante namque aquiloni nubes continuo ascendeant, & cometam occultabant.

Die vero 20 Septemb. mane serenitate utcumque reddita, dum erat altitudo media in cauda ursæ majoris, 34 gr. 36 min. per quadratum Geometricum nostrum observata, cui tempus quam proxime respondet h. $5\frac{1}{2}$ a m. Cometæ vero altitudo in hoc horizonte erat quasi 17 grad. *in plâates* distabat cometa à media in cauda ursæ majoris 20 grad. 46 minut. reiterata ac limitata obseruacione. Quin & eodem tempore cauda cometæ à Sole projecta, ultimam in cauda ursæ majoris satis præcise monstrabat, dum hic in 6 gr. 22 m. ~~versabatur~~ versabatur. Cæterum quoniam plura etiam hoc mane tum ob crepusculum, tum maxime nubes oborientes haberi à nobis non poterant, proinde è datis ad situm cometæ inquirendum, hac methodo procedimus, quam ideo heic integre in studiosorum graviam relinquo atque persequor, quia in sphæra nostra non est expressa.

In sequente figura sit A polus eclipticæ, B media in cauda ursæ majoris, C extrema cauda ejusdem. polo autem A per distantiam quadrantis describatur portio eclipticæ H E, ac posito sole in E puncto eclipticæ, dataque linea in sphæra E C, manifestum est in eadem linea cometam reperiri, cuius locus determinatur in D, nempe per distantiam à media caudæ ursæ majoris B D. quoniam vero ipsum D, punctum seu situm in sphæra respectu eclipticæ habere intendimus,



proinde demissis quadrantibus ab A per quatuor illa puncta B, C, D, E, iisque in ecliptica notis H, G, F, E distinctis, manifestum est latitudinem cometæ penes arcum F D, longitudinem vero per differentiam inter H & F, seu penes angulum B A D reperiri; item penes G F aut F E, nam operatio heic variis modis institui potest.

Primo igitur in triangulo B A C, è notis B A & C A, item angulo B A C, inventur quæsita distantia stellarum in cauda ursæ majoris B C 6 gr. 41 min.

Deinde in triangulo B C A datorum laterum, quæritur angulus B C A, cuius complementum ad duos rectos seu 180 gra. est angulus B C G. inventur autem angulus B C A 68 gr. 29 min. & ideo B C G 111 grad. 31 min.

Tertio in triangulo orthogonio C G E, quippe angulum rectum ad G habente, è data C G, latitudine extremæ caudæ ursæ 54 grad. 25 min. & præterea G E distantia ejusdem caudæ & solis per eclipticam 15 gr. 4 m. datur per supputationem angulus G C E 18 gra. 19 min. cui addito angulo prius acquisito B C G, conflatur totus angulus B C D 129 gr. 50 m.

Quarto igitur in triangulo B C D habemus cognita duo latera B C & B D, una cum angulo ad C; igitur non latebit distantia ab ultima caudæ ursæ, in cometam D C. cæterum analysis propositi trianguli, quia per rectangula commode pro quæsito absolvitur, quare productu arcu D C, infinite ac demissio perpendiculari à B in I, erunt primo in orthogonio C I B ~~distans~~ B C 6 gr. 41 min. angulus B I C, qui est complementum anguli B C D ad duos rectos, nempe 50 gr. 10 min. una cum angulo recto ad I. ergo primo datur perpendicularis B I 5 gr. $7\frac{1}{2}$ min. deinde arcus C I 4 gr. $38\frac{1}{2}$ min. hinc in triangulo toto B D I, è datis B D 20 gr. 46 min. B I 5 gr. $7\frac{1}{2}$ m. cum angulo recto ad I, acquiritur latus totum I D 20 gr. $9\frac{1}{2}$ min. à quo quando I C 4 grad. $38\frac{1}{2}$ min. latus prius inventum abstractatur, relinquitur quæsitus D C 15 gr. 31 min. distantia nempe caudæ ursæ & cometæ.

Quinto, in triangulo A C D, quia datur duo latera A C 35 gr. 35 min. D C 15 grad. 31 min. cum angulo A C D 161 gr. 41 mi.

gr. 41 min. quippe complemento anguli G C E ad duos rectos seu 180 grad. ergo ex hisce tandem prodit latus D A 50 gr. 31 m. complementum latitudinis cometæ ad quadrantem, seu 90 gra. & ideo ipsa latitudo cometæ B C 39 gr. 29 mi. Borea.

Postremo, in triangulo B A D è datis omnibus lateribus distabat angulus B A D 18 gr. 24 mi. quo adjecto ad longitudinem mediæ caudæ ursæ majoris in B, quæ hoc tempore fuit 10 grad. 2 min. m , prodit ipsa longitudo cometæ 28 gr. 26 mi. m .

Atqui sic ad initium seu h. 5 $\frac{1}{2}$ matutinam hujus diei situm cometæ dupli respectu ex observationibus nostris possidemus. Nunc ad diem sequentem transibimus.

Porro die 21 Septem. vesperi h. 7 $\frac{1}{2}$ horologio ad altitudinem lucidae coronæ 34 $\frac{1}{2}$ gr. rectificato, distabat cometa à media in cauda ursæ majoris 30 grad. 59 minut. & circa idem tempus à lucida corona 16 gra. 41 minut. observationibus per sextantem nostrum reiteratis. Heic vero fixarum locis ad hoc tempus suppositis, utputa longitudine mediæ caudæ 10 grad. 2 min. m . Coronæ autem 6 gr. 44 min. m , cum latitudine illius 56 gr. 22 mi. B; hujus autem 44 gr. 23 mi. quemadmodum in canone rectificato reperitur. Ad modum igitur quem in sphæra tradidimus, quando hæc calculo subducta fuerint ad prima duntaxat minuta extenso, prodit ad tempus supra scriptum longitudo cometæ 16 gr. 44 min. m , cum latitudine 37 grad. 14 minut. B.

Cæterum ob cœlum sequentibus diebus nebulosum magis, tum alia quoque impedimenta, quæ incidebant, ut Malmogiam transirem; haud amplius cometam hunc instrumentis, sed Solis filaribus extensionibus ad lineas rectas cum fixis notabam. Proinde tria hæc ejus loca eo modo ad tres priores dies nactus, explorabam primum ex ipsis in globo satis amplio, utputa tres pedes fere in diametro habente, qua tandem sub ductum circuli maximi se cometa reciperet; & mechanica hac tractatione accurate per circumnum incurvatum, & ad quadrantem circuli maximi in globo isto præcisè extensem admirata, inveni in superficie globi punctum, pro polo Septentrionali ductus hujus cometæ, ita ad eclipticam relatum, ut longitudinem obtineret in 17 $\frac{1}{2}$ gr. λ , latitudinem vero 49 $\frac{1}{3}$ gr. B.

Ad talem autem cometæ circulum observationes quæ sequuntur, quam proxime se conformabant. Nam primo die Octob. Malmogiæ vesperi circa h. 6 $\frac{1}{2}$ distabat cometa ab Occidentali in sinistra manu Ophiuchi quoad visum vix $\frac{1}{2}$ grad. versus occidentem & horizontem. Erat autem tunc in recta linea

cum Arcturo, & orientali in eadem Ophiuchi manu, unde rectificatis stellarum fixarum locis, positoque arcturo ad hoc tempus in longitudine 18 grad. 45 minut. Δ , & latitudine 31 grad. 2 minut. Item ea, quæ est occidentalis & borealis in manu Ophiuchi in longitud. 26 gr. 50 mi. m , cum latitudine 17 gr. 19 min. Borea. sequente denique in eadem manu in longitudine 28 gr. 3 mi. m cum latitud. 16 gr. 30 mi. provenit hinc cometæ longitudo 26 gr. 30 min. m , latitud. vero 17 gr. 40 mi. Borea, qui quidem & heic ductum eclipticæ ita observabat, ut vix ab eodem infra & ad occasum sensibiliter, aut ad summum per 4 mi. deflexerit.

Porro die 2 Octobris vesperi circa h. 6, aut paullo ultra, promotus erat cometes, ita ut appareret, quasi in cuspidi obtusi ifoscelis trianguli cum stellis nominatis in manu Ophiuchi, proprius tamen ad earum præcedentem inclinabat, eratq; quoad apparentiam quavis harum major, sed caudæ vestigium subobscrum fuit. Conficiebat autem, quoad filarem extensionem, lineam rectam cum penultima ad ortum in corona, magnitud. quartæ, & boreali in manu dicta Ophiuchi; item lineam rectam cum inferiori capite m , & orientali in eadem manu, quæ quoque rectæ lineæ eandem trianguli ifoscelis formam arguunt, cometamque ad dictum momentum hujus diei reponunt in longitudine 27 gr. 20 m. m , cum latitudine 17 gr. fere Borea.

Die 6 Octobris vesperi h. 6 $\frac{1}{4}$ cœlo medioriter sereno, adhuc mihi Malmogiae versanti visus est cometa conficere triangulum ifoscelis cum orientali in manu Ophiuchi, & clara in proximo genu; deflexit enim à linea inter hasce bene per 1 gr. quoad visum, unde longitudo cometæ 1 $\frac{1}{2}$ grad. \rightarrow , latitudo vero θ $\pi\lambda\alpha\tau\epsilon$ 13 $\frac{1}{2}$ gr. estet Borea.

Die 12 Octob. h. 6 $\frac{1}{2}$ vesperi & paulo ante, postquam Hafniam rediisse, videbatur cometa infra genu Ophiuchi quasi in distantia 2 $\frac{1}{2}$ gr. aut paullo ultra: faciebat autem linam rectam cum inferiore in eductione fauicum Serpentis, & superiore in manu Ophiuchi: item aliam cum inferiore & sequente in humero dextro Ophiuchi, & clara in genu sinistro ejusdem, unde verificatis stellarum locis, & globo impositis, constituitur longitudo cometæ in 1 $\frac{1}{2}$ gr. \rightarrow cum latitudine 9 $\frac{1}{4}$ gr. B; locus certe idem, quem Dñ. Keplerus ei ab aliis stellis observato adsignaverat, quod non absque admiratione adspicio, & parallaxum exilitatem vel potius nullitatem, ut ita dicam, hinc inde aestimo.

Die 13 Octob. vesperi, circa h. 6, visus est cometa parum admodum promotus, ita ut recta linea ab eo per genu Ophiuchi inter duas in dextro humero ejusdem medium quasi teneret.

teneret. Erat autem cometa admodum obscurus, & vix ullum hujus caudæ vestigium apparet, unde longitudo ejus colligitur fuisse quasi 2 gr. \leftrightarrow , cum latitudine 9 $\frac{1}{2}$ gr. B.

Die 14 Octob. vesperi h. 5 $\frac{3}{4}$ cometes valde obscure visus est, in eodem fere loco quo vespere præcedente, ut longitudo ejus censem posset 2 $\frac{1}{2}$ gr. \leftrightarrow , latitudo vero 9 gr. B.

Postea cometa iste à me visus non est. Ceterum quod Dñ. Kepplerus scribit eum circa finem, nempe ex observationibus dierum 9, 12 & 16 Octob. retrogradum fuisse, eclipticæ respectu, & præterea latitudinem adeo insigniter à d. 12 in 16 mutasse, nempe per tres gradus, quia igitur motus ejus inter mediis diebus nobis heic longe tardior visus est, feci periculum circa ultimam Keppleri observationem, qua scribit se d. 16 Oct. h. 6 $\frac{1}{2}$ à meridie inter nubes conspectum cometæ rapuisse, qui tunc humilis admodum in verticali staret, & in eodem circiter dimidia Lunæ diametro esset occidentalior ipso genu Ophiuchi, & tres aut certe plus distantiae duarum in manu infra ipsum genu viderentur. Hæc profecto observatione longitudinem cometæ arguunt non minorem 2 $\frac{1}{2}$ gr. \leftrightarrow , nec latitudinem minorem 8 gr. B. omnibus diligenter per pensis & in globo ampliore comprobatis, sed etiam ipse Kepplerus de hac ultima sua observatione dubitat.

Nunc ad eos dies retro veniemus, qui & Kepplerianis observationibus in hoc cometa mediantibus eum rectius ad suam originem revocant. Certum enim est, ante di. 15 Septemb. hunc non eluxisse, quandoquidem 14 die mensis ejusdem nos ψ attendendo coelum ab ea parte quoque oculis perlustrasse meminimus.

Quoniam autem valde consentaneum est, cometam hunc primum in 8 ψ cum simplici \circ cœpisse, quæ quidem 8 juxta motus restitutos reperitur incidisse in di. 15 Septemb. h. 15 $\frac{5}{7}$ dum ψ in 4 grad. 25 min. Vt versabatur, ex adverso Sole 4 grad. 25 minut. Δ juxta motum suum simplicem percurrente; quo etiam fere tempore fuit 8 ψ atque \circ , item trigonus adspectus \mathfrak{h} & \mathfrak{d} . Quocirca Dñ. Keppleri observationibus, quæ ad diem 16 Septemb. vesperi factæ sunt, diligenter revisis, & per ductum circuli maximi ad hoc tempus retractis, invenio cometam tunc in

10 $\frac{1}{2}$ grad. Ω cum latitudine circiter 34 gr. Borea.

Quod vero motum cometæ diurnum attinet, qui recte in proprio circulo seu ductu considerabitur, fuit ille quidem à principio omnium concitatissimus, ac tandem paullatim de eodem aliquid indies una cum magnitudine remisit, quod hypothesi superiori cometarum congruum est. Etenim die 16 Septemb. h. 9. p. m. ad Keppleri animadversionem in cometa diligenter revisam, erat hic in 18 grad. 30 minut. Ω , cum latitudine vix minore 36 grad. B. quando ductum cometæ pariter adipiciamus. Die autem 18 Septem. h. 7 $\frac{1}{2}$ vespertina è superioribus, fuit cometæ longitudo 11 grad. 57 min. η cum latitudine 40 grad. 5 min. Vnde distantia seu motus in proprio circulo colligitur fuisse 18 gr. 20 min. & ideo motus diurnus 9 $\frac{1}{2}$ grad. in eodem circulo.

Porro die 20 Septemb. mane h. 5, erat cometa in longitudine 28 $\frac{2}{7}$ grad. η , cum latitudine 39 $\frac{1}{2}$ gr. quo loco, ut & superiore proximo præmissis, deprehenditur motus cometæ in proprio ductu per 34 horas fuisse 12 gr. 50 min. unde motus diurnus vix evadit 9 gr.

Tertio quando motus diurnus cometæ ad diem sequentem, nempe 21 Septemb. exploretur, qui ipsa ejus longitudo h. 7 $\frac{1}{2}$ vesperti deprehensa est in 16 gr. 44 min. Δ cum latitudine 37 grad. 14 minut. Bor. Igitur hic locus, quando cum præcedente, respectu proprii ductus cometæ, conferatur, promotus erat in eodem per 38 $\frac{1}{2}$ horas 14 $\frac{1}{2}$ gr. & motus diurnus hinc fit 8 gra. 55 min. proxime, dum hæc omnia lato modo & non nisi in globo nostro majori applicata subducuntur & transfiguntur. Vnde advertere licet, motum hujus cometæ maximum & concitatissimum ab initio in proprio circulo, & sensim remissiore exstissee. Nam ex hoc tempore satis sensibiliter & proportionaliter una cum magnitudine, ut dixi, decrevit. Ut autem non solum motus diurnus hujus cometæ in proprio circulo per totam ejus durationem, ex præmissis observationibus haberi queat, sed insuper quoque longitudo ejus ac declinatio, unde judicium de eodem rectius informari possit, en tabulam sequentem, quæ hos ordine continebit.

MOTVS COMETÆ ANNI M DC VII

diurnus ad 7 horam vespertinam,

R E S P E C T V

Dies.	Proprii circuli.	Eclipticæ	Circuli declinationis.
	G. M.	G. M. S.	G. M.
Sept.	16	9 40	18 0 Ω 49 0 B.
	17	9 30	0 0 $\eta\pi$ 47 0
	18	9 10	11 50 $\eta\pi$ 44 fere
	19	9 0	23 30 $\eta\pi$ 39 15
	20	8 40	5 15 ω 34 20
	21	7 50	16 30 ω 28 30
	22	7 0	27 0 ω 21 20
	23	6 0	4 0 m 16 40
	24	4 30	9 30 m 12 20
	25	3 40	13 30 m 9 30
	26	3 0	17 0 m 6 20
	27	2 30	20 0 m 4 10
	28	2 10	22 30 m 1 50
	29	2 0	24 0 m 0 25
	30	1 50	25 30 m 1 0 Mer.
Okt.	1	1 40	26 40 m 1 50
	2	1 30	27 30 m 2 40
	3	1 25	28 20 m 5 0
	4	1 15	29 10 m 6 45
	5	1 0	0 0 \rightarrow 8 15
	6	0 45	0 50 \rightarrow 9 30
	7	0 40	1 20 \rightarrow 10 30
	8	0 30	1 30 \rightarrow 11 fere
	9	0 25	1 40 \rightarrow 11 10
	10	0 20	1 45 \rightarrow 11 18
	11	0 18	1 50 \rightarrow 11 25
	12	0 15	1 55 \rightarrow 11 32
	13	0 12	2 0 \rightarrow 11 40
	14	0 10	2 5 \rightarrow 11 50
	15	0 8	2 8 \rightarrow 12 0
	16	0 5	2 10 \rightarrow 12 10

Atqui hic motus diurnus fuerat cometæ horum circulorum respectu *in πλατει*. Neque enim majore præcisione heic opus est, ad nostrum instututum peragendum.

Notandum autem est quod dictus cometa æquatorem transfierit die 29 Septemb. paullo post. 236 gr. Quin à via circuli maximæ deflexisse primum evidenter die 1 Octob. deprehensus est, ubi ad stellas in sinistra manu Ophiuchi pene pervenisset. Denique quod ad æstimatim à nobis initium cometæ attinet, in $10\frac{1}{2}$ grad. Ω fuit declinatio puncti isti respondens 49 grad. 50 minut. Borea. Nunc ultimo in hoc capite de cometæ hujus parallaxibus breviter agemus: unde constabit ipsum non sublunarem, sed in ipso cœlo existuisse.

DE PARALLAXIBVS hujus cometæ.

Etsi nobis in hoc cometa non contigerat, talia observata ordine habere, ex quibus parallaxes ejus, modo quas haberet, subtiliter satis enuclearemus, juxta ea scilicet, quæ in doctrina sphærica tradebantur: tamen inter cetera vel unica illa animadversio ad cometæ situm, quæ nobis die 18 Septemb. vesperi h. $7\frac{1}{2}$ communiter quasi cum Dñ. Iohan. Keppler, qui tunc Pragæ in Bohemia fuit, habitata est, ad id quod saltim heic intendimus sufficiet.

Nostra quæ tunc observatio fuerat, superiorius recitata est, nempe cometam eo tempore vix per dimidium Lunæ unius seu 34 minut. infra & ad ortum paululum in illa revolutione, à stellula informi post ursam, visum à nobis fuisse. At hæc Kepplerus scribit.

Die 28 Septemb. (intellige stylum novum & tempus vespertinum) visus est cometam stare infra stellulam informem sociam informis magnæ inter caudas ursæ & leonis: aberatque diametro Lunæ in linea quæ tendit secundum ultimam caudæ ursæ in manum arcturi. Hæc ille. Vnde intelligere est vix differentiam sensibilem inter locum cometæ hoc tempore, ab utroque nostrum observatam esse. Quod etiam supra ex collatione apparet. Nam quando nos ex aliis quoque observationibus nostris ad cometam eadem vespera & hora habitis, ipsius longitudinem perquisivimus in 11 grad. 57 mi. $\eta\pi$, cum latitudine 40 gr. 5 min. Kepplerus heic postea subjungit & colligit per suam observationem, longitudinem cometæ fuisse

fuisse 12 gra. 0 min. $\frac{1}{2}$, latitudinem vero 40 grad. 4 min. Bor. quarum differentia à nostris vix ultra 3 min. in circulo verticali vel maxime se extendit. Porro quum cometæ longitudinem Kepplerus minorem ponat longitudine stellulæ istius informis cui jungebatur per 16 min. Cometa simul quoque in linea recta, quam commemorat, præcessit, nec multum sensibiliter tempus, quo Pragæ hæc habita animadversio est, ab ea, quando apud nos observatio fiebat, differre necessum fuerat. Nam id motus ejus diurnus arguit. His habitis quoniam Praga vix 6 min. temporis ab Hafniensi meridiano ad ortum distat: sed poli elevatio illic est 50 gra. 6 min. heic 55 gr. 43 m. differentia igitur 5 gr. 37 min. erat ad id temporis differentia quasi in circulo altitudinis $5\frac{1}{2}$ gra. & altitudo cometæ tunc Pragæ quasi 20 gra. heic vero $25\frac{1}{2}$ gra. fuit, omnibus lato modo consideratis. Nam licet absque Azimuthalium adsignatione, quæ parallaxium præcisæ enucleationi imprimis conveniat, hæc ita à me impræsentiarum concipientur; præsidii tamen satis ad Aristotelem convincendum habent, si alius cometa infra Lunam in supremo aeris confinio (ut vult Peripatus) extitisset: dum scilicet ad demonstrationem & numeros præmissa exiguntur hoc modo. A centro describatur semicirculus orbis telluris E F, cujus semidia-

D sub communi verticali (quippe à quo insensibiliter absuit) erit igitur I D arcus 20 gr. sed L D $25\frac{1}{2}$ gr. per altitudines cometæ utrobique locorum præmissas. His sic constitutis, agantur ab A centro in B, C, & D lineæ rectæ, similiter connectatur D cum C & cum B; & fiunt triangula plana A D B, & A D C, quorum quidem binorum triangulorum angulus parallaxeos ad D seorsim è datis præmissis eliciendus est, ut differentia ejus ad id quod intendimus argendum habeatur. Primo igitur in triangulo A D B quoniam *absoluta* sunt


A B 860 milliar. G.

A D 873 milliar. G.

D B A angulus 110 gr. 0 min. scilicet aucto angulo recto. I B A per angulum D B I, id est altitudinem Pragensis observat. ad cometam 20 grad. ergo non latebit angulus A D B 67 grad. 46 min. +

Rursus in triangulo A D C, angulo D C A saltim variato, auctoque per $5\frac{1}{2}$ grad. quibus altitudo cometæ hic superior Pragensi fuit, fit angulus D C A $115\frac{1}{2}$ grad. ex hisce igitur datis provenit angulus A D C 62 gr. 46 min. & ideo differentia in angulo B D C est 5 grad. + & certe hac eadem fere distantia in circulo altitudinis ultra diametrum unius lunæ cometa hic à parvula ista informi divulsus fuisset, & Keplero infra stetisset, si cometa meteorum aliquod extitisset. Et contra nobis per eandem differentiam (spatio unius Lunæ excepto) exaltior cometa in circulo verticali, stellula illa fieret. At differentiam quam observationes utrinque habitæ efflagitabant, vix ultra 3 minut. taxare possunt, ut facile hinc constare arbitrer. Aristotelis hypothesin de cometis minime esse legitimam, ut in Scholis & Academiis ad hunc usque diem à Peripateticis quibusdam, hoc est vulgo philosophantium, acriter defensam: adeo quidem, ut nec hos Tycho noster per tot demonstrationes è novis stellis ac cometis petitas, quæ suo tempore obserabantur, in viam veritatis reducere sustinuerit.

Quinetiam idem ex proportionata motus proprii ac latitudinis cometæ hujus mutatione, item constante ejus incessu sub circulo maximo pene ad ultimos dies disputationis colligere possumus, imo plane statuere, cometam hunc cœlestem fuisse; licet in quantum in sublime per æthera scanderat; observationes ad eundem minus præcise & tempestive habitæ vix nobis ratiocinari permittant; ideo nunc tela abrupta ad phænomena cometæ anni 1618 similiter ab observationibus propriis explicanda properabimus, ut tandem ultimo loco de utroque judicia nostra qualiacunque proferamus. Horum siquidem cometæ-



meter E A Mathematicis nota est 860 milliarum German.

Porro eodem A centro distantia A G describatur circulus G H supremam aeris regionem determinans, dum E A augetur altitudine E G 13 mill. Germ. quam quidem vaporum terrestrium (ex quibus cometas constare Aristoteles voluit) extremam sublimationem optici ex observatione crepusculorum recte persequuntur, ut in doctrina nostra sphærica li. 2, cap. 9, id ostendimus. Erit igitur radius A G 873 mill. Germ. Hinc locis observationum factarum in superficie globi terrestris dispositis, sit B urbs Pragensis in Bohemia, C Hafniensis in Dania, quinetiam ductis lineis apparentibus horizontalibus, nempe per Pragam I K, per Hafniam L M, tandem ponatur cometa in

cometarum significata vinculo quodam sine dubio colligata sunt, id quod inter alia transversi horum per æthera ductus arguunt, ac miris modis probant.

C A P. X.

De phenomenis, parallaxibus, distantia à telle, & magnitudine cometæ anni 1618, è propriis observationibus conquisitis, adjuncta relatione cometæ hujus etiam in Persia observati.

Nunc ad stupendum & fatalem cometam convertimur, qui anno 1618, in Novembri & Decembri toti fete orbi terrarum illuxit. Cujus quidem unius phænomena non memini antea, in quoquam alio, à pluribus simul fuisse observata: & certe quamquam ab omnibus illis, nec pari, nec satis exquisita à plerisque diligentia; tamen conatus eorum in universum merito laudandus est, qui adeo evidentem ac perspicuum divinæ clementiæ atque ultiōnis simul internuncium, oculis haud conniventibus cum reliqua plebe, signorum scilicet contemtrice, adspicerunt; sed viam ac vestigia hujus insectati, ortum, cursum, & qua se per æthera recepit diligenter quisvis pro se notarunt, & annalibus seu scriptis suis ad posteritatem inferuerunt. Id quod mihi quoque ut facerem, eo majori curæ fuit, quod Christianissimus magistratus noster hanc mihi sedulo injungi curarat, non quidem ulla, (ut reor) superstitione, à qua vel infinitis parasangis animus moderni regis nostri clementissimi remotus est, sed potius ad hunc finem respiciens, ut tam prælustrum regum omnium potentissimi legatum, & velut signum divinæ iræ, & simul benigne atque paterne ad maturam resipiscientiam invitationis, minime contemneremus, aut oblivioni infelicititer traderemus. Hic autem cometa quo tempore primum oriri coepit, num in coniunctione cum §, quæ triduo in sextili Martis observationes nostras præcessit; vel etiam in oppositione Solis & Saturni, quæ adhuc anterior quasi die sesqualtero fuerat; vel tandem, quod adhuc magis credibile est, ante initium 12 d. Novembris, primum ortum habuerat; quippe in quadratura Iovis, & Solis, quam trigonus adspexit Martis, & Veneris mox exceptit, potissimum conjectura agitur. Nam non solum aliquot diebus ante VI d. Novembris, rumor de cometæ hujus apparitione increbuit, quo die primum illum observavimus; sed etiam eundem in Persia circa 12 Novembbris observatum acceptimus, ut postea suo loco apponetur. Neque enim, si vel intra 12 d. Novemb. aut paulo ante incepisset, ipsum nobis ante 20 d. mensis ejusdem observare licuisset, ob nebu-

losam, pluviosam, atque ventosam interea aeris per nostrum hemisphærium constitutio- nem, & certe die 12 Novemb. circa ipsam quadraturam Iovis & Solis, & sequentibus aliquot diebus (circa quod tempus naves quatuor ex hac Portua Danica in Indiam Orientalem, adjuncta Lyburna solverunt) nec tamen ante 29 Novembr. Hellestante nostro exciderunt, ob ventum adversum, & procellas crebriores: nam tam valida tempestas interea fuit, ut aliæ passim naves ad Syrtes ac littora Balthici nostri disiectæ illiderentur.

Igitur die 21 Novemb. mane inter h. 5 & 6 primum cometam hunc confexi, quod celum per dies 10 præteritos proximos nebulosum nobis, ut antea diximus, fuerat, & nimbis pluviisq; confertum. Fuit autem quoad magnitudinem apparentem tunc cometa aliquanto major spica ॥, & caudam obtinuit ad altitudinem staturæ hominis procerioris, quoad visum, quam quoque satis directe inaversam à Sole partem, qui tunc erat in 9 grad. +, projiciebat. Color capitis ad ruborem declinabat, ut esset quasi medius inter colorem Martis (qui eodem tempore appa-rens à nobis observatus est) & spicæ ॥.

Eodem autem mane in altitudine cometæ 18 gr. cui tempus respondet h. 5 $\frac{1}{2}$, erat per sextantem nostrum distantia cometæ à spica ॥ 24 gr. 56 min. & mox à lucida corona 32 gr. 41 $\frac{1}{2}$ min. Ut vero instrumenti certitudinem in distantiis fiderum exhiben- dis habeas, observavimus paullo post has distantiias fixarum aliquoties iteratas ac limitatas; inter spicam ॥, & Arcturum, cum quo tunc cometa ferè in uno verticali fuit 33 gr. 42 $\frac{1}{2}$ minut. quæ distantia veritati quam proxima est.

Cæterum suppositis fixarum locis spicæ ॥ in longitudine 18 gr. 31 mi. & cum latitud. 1 gr. 59 min. merid. Lucidae coronæ longitudo. 6 gr. 53 min. m. cum latitudine 44 gr. 23 $\frac{1}{2}$ mi. borea, resultat hinc per computatio- nem triangularem ad modum quem in sphæ-rica doctrina tradidimus, cometæ longitudo in 9 gr. 26 $\frac{1}{2}$ min. m., cum latitudine 11 gr. 46 $\frac{1}{2}$ min. bor. idque ut diximus ad diem 21 Novemb. h. 5 $\frac{1}{2}$ matut.

Die 22 Novemb. mane adspectum cometæ aliquoties inter nubes arripuimus quidem; sed eundem non observavimus, quia dictæ nubes intervenientes hanc nobis occasionem sustulerunt.

Die 23 Novemb. mane ab hora 5 usq; ad 7 observavimus diligenter cometam quoad distantiias & altitudines. Videbatur autem in eadem magnitudine qua prius. Similiter quoad colorem, nisi quatenus Lunæ splendor utcunque afficerat. Caudæ quoque longitu- dinem

dinem dimensi sumus, quasi 20 gr. aut paullo amplius, quamvis extremam ejus vibratio nem oculis assequi vix potuimus.

In altitudine autem cometæ per quadratum nostrum Geometricum 20 gr. cui tempus respondet h. 6 $\frac{1}{2}$ proxime, fuerunt hæ ejus distantia à fixis per sextantem nostrum aliquoties acceptæ ac diligenter limitatae.

Distantia cometæ à spica 25 gr. 52 min.

Distantia cometæ à lucida corona 27 grad. 28 min.

Hinc per triangulorum inductionem pro venit cometæ longitudo 6 gr. 24 min. m.

Latitudo . . . 16 gr. 56 min. Bor.

Die 24 Novem. mane inter, h. 4 $\frac{1}{2}$ & 7 cœlo admodum sereno, nisi quod Luna splendebat, observavimus denuo cometam eundem, cuius caput satis rotundum fuit, & cauda hoc mane prolixè extensa, ductum tenens, sub media in sinistro genu Bootis, & adhuc extrema caudæ vibratio sequente ad visum erat por rectior.

Porro magnitudo capitis cometæ adhuc major apparuit ipsa spica 26, quamvis sub altam auroram non tamdiu visibilis.

Quod observationes hoc die attinet, in distantiis à spica & corona sæpius iteratis, observavimus in altitudine cometæ 21 grad. cui respondent h. 6 $\frac{1}{2}$. distantiam ejus à spica 26 gr. 52 min. item à lucida corona 24 gr. 54 min. Ex quibus triangulorum calculo rite adhibito fit cometæ longitudo 4 grad. 53 mi. m, cum latitudine 19 gr. 33 mi. Borea.

Denique ad parallaxin hujus cometæ hoc die quodammodo explorandam, continuavimus postea distantiam ejus ab Arcturo in eodem verticali, quæ fuit in altitudine.

{ 24 $\frac{1}{2}$ gr. . . } 18 gr. 13 $\frac{1}{2}$ m. {
 { 26 $\frac{1}{2}$ gr. . . } 18 gr. 12 m. { distant.
 { aliquanto post. } 18 gr. 10 $\frac{1}{2}$ m. {

Vnde quum videamus heic cometam distan tias sub uno verticali cum arcturo parum ad modum aut nihil præter id quod motui diurno interea tribuendum erit, mutasse, facile hinc concludimus parallaxin cometæ hujus etiam hoc tempore non majorem exstisisse, quin longe supra Lunam in æthere fuisse evenit. Sed de aliis observationibus, unde parallaxes in hoc cometa artificiosus deducuntur, sub finem hujus capitis agemus.

Porro à die 24 usque ad diem 28 mensis hujus fuit cœlum noctu & mane continuo nubilum, adeo ut cometa nobis minus apparet.

Die autem 28 Novemb. horam circa 5 $\frac{1}{2}$ mane videbam cometam in tali situ, quantum in momento, propter intercurrentes nubes, observari potuerat, ut scilicet fecerit triangulum talem cum Arcturo & claro in corpore

Bootis, in quo Arcturus fere angulum rectum occupabat. Fuit præterea distantia cometæ à lucida in genu Bootis quasi 2 grad. quoad visum, lucida genu infra & ad occasum vergente. Caudæ extensio Arcturum paullum declinabat ad ortum, & multo longior fuit distantia inter cometam & Arcturum, eo tempore. Erat autem tunc corpus cum cauda fatis magnum, ac conspicuum. Verum post h. 7 ubi serenitas cœlo eo in loco reddita est, & aurora ascendit, Solus nobis Arcturus visus est, cometa plane invisibili facta. Ex observationibus hisce qualibuscunque globo applicatis provenit. circa h. 6 matutinam diei 28 Novemb. cometæ longitudo 27 gr. 45 min. ≈ cum latitudine 30 grad. Borea proxime.

Die 29 Novemb. circa h. 6 $\frac{1}{2}$ matutinam, cometam inter nubes adspeximus, Euro valide flante. Erat autem à die antecedente ita per circulum maximum promotus, ut Arcturus quasi per semilunam à linea recta, quæ ducitur à cometa in borealissimam & maxime claram, in sinistro genu Bootis, septentrionem versus, distaret. Quinetiam cometa visus est orthogonium constituisse cum arcturo, & stella in dextro brachio Bootis, ipso cometa angulum quasi rectum occupante. Sed hæ observationes momentaneæ fuere inter nubes, unde *η πλάτει* constat cometæ longitud. 26 $\frac{1}{2}$ gr. ≈, cum latitudine 33 gr. fere.

Die 30 Novemb. mane in altitudine lucidæ Hydræ 20 gr. cui tempus proxime respondet h. 5 $\frac{1}{2}$ advertebamus ad situm cometæ, qui erat dispositus in recta linea cum clara in sinistro genu Bootis, ita quidem ut vix linea illa superiore partem arcturi attingeret. Fuit autem distantia semel observata inter nubes, inter cometam & caudam ≈ 40 grad. præter propter. Ex his datur etiam *η πλάτει* longitudo cometæ 24 grad. ≈, cum latitudine 35 gr. Borea.

Nota autem, quod eodem hoc die, paullo ante h. 1 noctis præcedentis, circa ortum cometæ in nostro finitore secuerat cometa hic ductu suo viam alterius, scilicet superioris, anni 1607, sub corpore Bootis, paullo infra circulum tropicum, in quo juxta has observationes quamproxime hæsit. Et certe miror, quod eodem tempore, quo nobis in ortu hoc mane cometa fere cum Luna fuerat, cauda ejus radios inusitatos sparserat, ultra verticem quidem, nempe ad elongationem 104 grad. hoc est usque ad stellas in manu sinistra aurigæ, directe fatis à Sole dum medio inter easdem & informem supra Orionem. Quod proculdubio factum est ob subjecti aeris dispositionem in nostro hemisphærio, quamvis cœlum mediocriter tunc fuit

fuit serenum, & quia luna cum cometa in ortu fere, ut dixi, existit, ideo forte hanc in usitatam porrectionem caudæ non nihil illa promoverat: ut nihil dicam de aliquo occulto sensu, vel *avertente* hujus cometæ cum superiore, dum ejus tramitem secuerit.

Postea vero quando altior cometa factus erat, statim cauda etiam contractior facta est, in Septentrionem ad solis respectum se indentidem convertens, & quasi perstringens claram stellam informem, inter caudam Vrsæ majoris & caudam Ω .

Die 4 Decemb. mane primum aliqua serenitate inter hos dies restituta, videbatur cometæ stare super duas contiguas in medio corpore Bootis, in recta fere linea cum iisdem, licet paullulum, & quidem satis sensibiliter ab eadem ad ortum cometæ deflexit. Fuit autem ab harum superiori cometæ paullo remotior quam dictæ stellæ inter se sunt. Cauda autem cometæ porrigebatur per meridionale latus duarum in quadrato Vrsæ majoris, ita, ut ab eo meridionalior esset, quasi $\frac{1}{2}$ gr. hac animadversione facta circa hor. $5\frac{1}{2}$ deprehendimus cometam in longitudine 16 gr. 20 min. \pm & latitudine 43 gr. 15 min. bor.

Die 5 Decemb. mane h. 2 noctis, vidi cometam quasi in linea recta cum Arcturo, & sinistro humero Bootis, sed satis sensibiliter proximiorem humero. Item, cum ea, quæ in ulna sinistra Bootis, & superiore duarum contiguarum in medio corpore, à qua tamen post horam quintam sensibiliter versus zenith cometæ deflexit, idque ratione motus proprii.

Cauda cometæ dirigebatur recta ad meridionalem stellam in quadrato Vrsæ majoris, & ad eam præcise, quoad visum, pertinebat. Corpus cometæ fuit subobscurum, & radii caudæ exsidentes rari; cometæ minor & rubecundior tunc videbatur stella in humero sinistro Bootis. Perspicillum autem opticum fuit corpus cometicum valde lividum.

Postea interjectis aliquot horis, quum altitudo spicæ $\pi\varphi$ esset in quadrato nostro $17\frac{1}{2}$ gr. cui tempus respondet hor. 5 proxime, distabat cometæ bis à media lucida in meridionali ala $\pi\varphi$ 43 gr. 43 min. item circa idem tempus à spica $\pi\varphi$ distabat 48 gr. 2 min. Ex quibus distantiis velut observationibus hoc mane *ærelegeratos*, dum mediantibus fixarum locis calculus è triangulorum ratione deducitur, provenit cometæ longitudine 14 gr. 40 min. \pm , cum latitud. 45 gr. $51\frac{1}{2}$ min. borea.

Calculus enim hic ex demonstratione juxta adjectam diagrapham procedit, hoc modo.


	Longitudo.	Latitudo.
Spicæ $\pi\varphi$	18 gr. 31 m. \pm	1 gr. 59 m. mer.
Mediae alæ $\pi\varphi$	4 gr. 50 m. \pm	2 gr. 50 m. bor.

Differentia long. 13 gr. 41 min.

In apposita figura sit A polus ecliptice, B media ala $\pi\varphi$, C spica $\pi\varphi$, D cometæ.

Ergo I.

In triangulo BAC pro B C *distantia* sunt,
B A 87 gr. 10 min. compl. latitud. mediæ alæ $\pi\varphi$.
C A 91 gr. 59 m. excessus latitud. spicæ ultra 90 gr. B A C 13 gr. 41 min. differentia longitudinum. ergo datur,
B C 14 gr. $29\frac{1}{2}$ min.



I I.

In triangulo ACB, pro angulo AGB *distantia* sunt,
A C 91 gr. 59 min.
B C 14 gr. $29\frac{1}{2}$ min.
B A 87 gr. 10 min. ergo datur ex hisce
A C B 70 gr. $37\frac{1}{2}$ min.

I I I.

In triangulo DCB, pro angulo DCB dantur,
D C 48 gr. 2 min. distantia cometæ à spica
B C 14 gr. $29\frac{1}{2}$ m. distantia mediæ alæ à spica
B D 43 gr. 43 m. distantia cometæ à media alæ.
ergo datur,
D C B 66 gr. $6\frac{1}{2}$ min. quo sublato ab invento prius A C B, relinquitur angulus A C D 4 gr. 31 min.

I V.

In triangulo ACD, pro latere DA dantur
A C 91 gr. 59 min.
C D 48 gr. 2 min.
A C D 4 gr. 31 min. ergo ex hisce datur
A D 44 gr. 8 min. 24 sec. complementum latitudinis cometæ quæstæ: unde ipsa latitudo cometæ est 45 gr. $51\frac{1}{2}$ min.

V.

In triangulo denique BAD, pro angulo B A D *distantia* sunt,
B 87 gr. 10 min.
D A 44 gr. $8\frac{1}{2}$ min.
B C 43 gr. 43 min. ergo ex hisce datur angulus quæstus
B A D 9 gr. 50 min. qui est arcus ecliptice E F, nempe differentia longitudinis alæ $\pi\varphi$ & cometæ, quæ quando heic addatur longitudini dictæ alæ, definitæ prius in 4 gr. 50 min. \pm , resultat longitudo cometæ 14 gr. 40 min.

40 min. Δ . Præferendæ igitur sunt hæ observationes illis quæ diebus antecedentibus proximis per filares extensiones habebantur duntaxat, & hinc motus diurnus cometæ, prout opus fuerit, corrigendus.

Die 14 Decemb. hor. circiter 10 vesperi, quum per novem antecedentes dies nulla esset in nostro horizonte serenitas, sed cœlum nubilum ac pluvium interea perpetuo fere extitisset; aliqua igitur hac nocte serenitate redita, dum à vento validiore nubes dispelabantur, deprehendimus cometam, quoad visum, & filarem expansionem, in linea recta, cum posteriore ac superiore in quadrato Vrsæ majoris, & media in cauda ejusdem: deinde in recta linea cum inferiore & anteriore in quadrato Vrsæ minoris, ac ultima caudæ Vrsæ majoris; ita tamen heic, ut cometa quasi ab illa linea recta per 4 min. se infra demitteret. Hinc locus cometæ, in globo, longitud. 21 gr. fere η , latitudinis 58 gr. 20 m. borea educebatur.

Erat autem cometa hac nocte, splendente ex adverso Luna, admodum extenuatus, & caudam suam porrexit paullum supra medium in cauda Vrsæ majoris, quamvis illius vestigium rarum fuit, & vix apprehensibile.

Die 16 Decemb. vesperi circa h. 7. observabamus cometam diligenter infra polum, quamvis ob splendorem Lunæ interea lucens obscurius, & corpus, & cauda, se conspi cienda exhibuerant.

In altitudine igitur mediæ caudæ Vrsæ majoris, (que Naddir paullulum erat transvecta;) 23 gr. per quadratum Geometricum, cui tempus respondet hor. 7 $\frac{1}{2}$ proxime, erat cometa quoad visum in verticali sub ipso polo quam proxime. Fuit autem eodem instanti distan tia cometæ à Dubhe 21 gr. 28 m. item ab antepenultima flexuræ serpentis 19 gr. 45 $\frac{1}{2}$ mi. Fixarum loca ad id temporis hæc sunt:

Longitude. Latitudo.
Dubhe in Vrsa maj. 9 g. 49 mi. Ω 49 g. 40 m.
bor.

Flexuræ antep.serp. 8 gr. 10 m. Δ 78. gr. 23
mi.bor.

Ex hisce per similem computationem triangularem, cum superiore datur cometæ

Longitudo 12 gr. 58 m. η
Latitudo 60 gr. 18 $\frac{1}{2}$ m.bo.

Die 17 Decemb. mane in altitudine lucidæ Lyræ 31 $\frac{1}{2}$ gr. cui respondet tempus h. 6 $\frac{1}{2}$ quam proxime, erat iterum distantia cometæ à Dubhe 20 gr. 42 m. item ab eadem flexuræ serpentis, 19 gr. 39 m. iteratis & limitatis, quam optime fieri potuit, observationibus nostris. Hinc provenit cometæ longitude 11 g. 9 $\frac{1}{2}$ m. η , cum latit. 60 gr. 39 $\frac{2}{3}$ borea. Appropinquabat cometa vertici nostro, cujus cauda obscura fuit versus Dubhe vergens.

Die 17 Decemb. vesperi h. 5 $\frac{1}{2}$ fuit cometa in recta linea cum anteriore & inferiore in quadrato Vrsæ minoris, & clara in cauda serpentis, deficientibus ad Septentrionem quasi 6 m. Et manifesto adhuc absuit à recta linea inter claram in cauda Serpentis, & medium in cauda Vrsæ majoris, quasi per 14 m. unde $\epsilon\pi\lambda\alpha\tau\delta$, & in globo nostro, reperiebatur cometa

Longitude 8 gr. 45 m. η
Latitudo 60 gr. 40 m. bor.
Venus hac vespera in occasu, & 22 gr. ∞ , in uitatam magnitudinem, & jubar præ se fe rebat.

Die denique 18 Decemb. qui ultimus fuit eorum, ad quos observationes nostræ in hoc cometa se extenderunt, hora circiter 6 $\frac{1}{4}$ mane, erat enim spica η quasi in meridie, deprehendimus cometam fere verticalem, sed neccum lineam rectam assequutum, quæ est inter medium caudæ Vrsæ majoris & claram in cauda serpentis, deficientibus ad summum. 4 min. Fuit autem cometa vicinior mediæ caudæ Vrsæ, quasi per $\frac{2}{3}$ gr. quo ad visum, aut paullo forte amplius. Caudæ aliqua vestigia, sed rara ac curta; corpus quoq; apparuit subobscurum, tendens ad quandam parvam informem inter claram in cauda Serpentis, & caudam Vrsæ majoris. Distabat autem ab illa in serpente quasi 1 gr. Ex quibus hujus diei animadversionibus provenit cometæ longit. in 7 $\frac{1}{2}$ gr. η , cum latitud. 61 g. bor. $\epsilon\pi\lambda\alpha\tau\delta$. Sequitur synopsis motuum cometæ huius ex omnibus observationibus præmissis, ut in superiori 1 lato modo & prout fieri potuit, & opus fuit, assignatorum.

EPHEMERIS MOTIVVM COMETÆ ANNI
1618, ex observationibus antecedentibus ad
hor. 9 matutinam.

Dies.	Motus di-	Motus	Motus de-
	urnus in	longitud.	clinationis.
	G. M.	G. M. S.	G. M.
Novemb.			
21	3 20	9 25 m	3 20 M
22	3 17	7 55 m	0 35 M
23	3 14	6 25 m	2 20 B
24	3 11	4 55 m	5 30
25	3 9	3 7 m	9 0
26	3 6	1 20 m	12 0
27	3 3	29 30 $\frac{m}{d}$	15 20
28	3 1	27 45 $\frac{m}{d}$	18 10
29	3 0	26 10 $\frac{m}{d}$	20 40
30	2 57	24 10 $\frac{m}{d}$	23 15
1	2 47	22 0 $\frac{m}{d}$	26 10
2	2 38	20 0 $\frac{m}{d}$	29 10
3	2 24	18 0 $\frac{m}{d}$	32 0
4	2 19	16 20 $\frac{m}{d}$	34 20
5	2 16	14 40 $\frac{m}{d}$	36 30
6	2 14	12 30 $\frac{m}{d}$	38 40
7	2 12	10 20 $\frac{m}{d}$	40 50
8	2 10	7 40 $\frac{m}{d}$	43 0
9	2 8	5 0 $\frac{m}{d}$	45 0
10	2 6	2 20 $\frac{m}{d}$	47 0
11	2 3	29 30 $\frac{m}{d}$	49 0
12	1 59	26 40 $\frac{m}{d}$	51 0
13	1 55	23 40 $\frac{m}{d}$	53 0
14	1 50	20 50 $\frac{m}{d}$	55 0
15	1 43	18 0 $\frac{m}{d}$	56 40
16	1 33	14 40 $\frac{m}{d}$	58 10
17	1 18	11 10 $\frac{m}{d}$	59 35
18	1 8	7 45 $\frac{m}{d}$	61 0

Præterea deprehendimus angulum, quem faciebat ductus cometæ cum ecliptica $63\frac{1}{2}$ gr. cuius quidem ductus seu circulus proprius cometæ polum suum Septentrionalem obtinet in $15\frac{1}{2}$ grad. $\frac{m}{d}$, in sphæræ superficie cum latitudine Septentrionali 26 grad. 54 min. Et ideo eclipticam fecat in $15\frac{1}{2}$ gr. $\frac{m}{d}$. A tali autem circulo proprio haud multum sensibiliter declinabat, idque toto temporis spacio, quo à nobis observatus est, nisi forte exiguae parallaxeos ratione quam habuerat, de qua sequitur.

De parallaxibus hujus cometæ.

Nunc restat, ut parallaxes in hoc cometæ, quas habuerat, ex observationibus nostris rite enucleemus, quo hinc distantia cometæ à tellure, ac simul ejus magnitudo in comparatione cum terra magnitude nobis innotescat. Quæ res non modo ad veram cometarum hypothesin rectissime statuendam maxime conducit; sed etiam admirandum Dei opus plurimum commendat.


Observationes autem quia praxi in Astronomia omnium subtilissimæ applicari debabant, proinde easdem non puerilibus instrumentis, aut levibus conjecturis acquifitas esse oportebat; sed potius hujusmodi organis quæ ita fabrefacta, & elaborata sunt, ut singula minuta prima, imo etiam horum partes, quantum fieri potest, absque errore contineant. Nec peritia eorum defutura est, qui ad hujusmodi observationes opportune exantlandas adhiberi debent: quæ omnia divina gratia adhuc in Dania præsto sunt, ac Regia liberalitate rursus quotidianum incrementum capiunt. Quod autem nostras observationes ad hoc negotium eo tempore selectas attinet, in iis præcipue manebimus, quæ die 16 Decembris vesperi hor. $7\frac{1}{2}$, & sequente mane proximie, hor. $6\frac{1}{2}$ superius sunt expositæ, quando vesperi cometæ proxime in ipso verticali, sub polo, mane autem non longe à vertice supra eundem, ob idipsum singulari industria habitæ sunt, quippe instrumentis nostris extra observatorium, quod meridiem potissimum spectat, sub dio liberoque cœlo locatis ac dispositis, adeo ut si lunæ splendor vesperi nihil nobis obfusset, sciamus ac polliceamur, has observationes nostras, nullis sensibilibus erroribus fuisse implicatas, quas tamen etiam

toties iteravimus, ut illa de splendore Lunæ suspicio facile elidi posset. Verum enimvero quandoquidem declinatio cometæ ex observationibus ad utrumque tempus præcise elicienda parallaxium scrutinio heic accommodissima fuerit, ut postea è differentia collata cum ea, quæ ex diurno motu interea provenit, id quod petimus recte patefaciat: ex præmissis igitur longitudinibus & latitudinibus cometæ primo ad diem 16 Decemb. vesperi h. 7 $\frac{1}{2}$ nempe è longitudine 12 gr. 58 m. $\text{v}\frac{1}{2}$, & latitudine 60 gr. 18 $\frac{1}{2}$ min. bor. provenit juxta ea quæ in Sphæricis traduntur, declinatio cometæ 58 gr. 41 $\frac{1}{2}$ mi. bor.

Lib. 2.
Sphær.
cap. 2.

Deinde di. 17 Decemb. mane h. $6\frac{1}{2}$ ex
observata similiter longitudine cometæ 11
gr. $9\frac{1}{2}$ min. mp , cum latitudine 60 gr. $39\frac{1}{2}$
mi. oritur declinatio cometæ 59 gr. $35\frac{1}{2}$ m.
spacio igitur 10 h. 45 min. declinatio come-
tæ visibiliter promota est versus septentrio-
nem $53\frac{1}{2}$ mi. sed quia motus declinationis
diurnus saltim erat 1 gra. 25 min. vel ad sum-
mum 1 gra. 26 mi. id quod per anteceden-
tia & consequentia patet; datur hinc inter-
vallo h. $10\frac{1}{2}$ declinationis diurnæ proportio
 $38\frac{1}{2}$ min. Differentia igitur inter veram vi-
famque declinationem est $15\frac{1}{2}$ mi. quæ pa-
rallaxi cometæ in prima observatione sub po-
lo primum tribuitur, excepta exigua illa quæ
in secunda observatione esset, siquidem tunc
non procul à vertice nostro abfuit cometes.
Nec sensibiliter declinationis mutatio utro-
bique à mutatione altitudinis in eodem azi-
mutho, ubi parallaxes rite deprehendi solent,
variabatur. Siquidem observationes nostræ,
infra supraque polum factæ, quam proxime
erant, ut in sequente schemate declarabi-
tur, ubi & has parallaxes cometæ oculis ex-
ponemus, & per easdem de distantia à tellu-
re ulterius ratiocinabimus, idque in hunc
modum.

Centro A describatur primum semicirculus telluris B, deinde cometæ D M; & tandem cœli stellati seu fixarum C L; postea ducatur A C linea recta ad verticem, & alia ad polum mundi A P, quæ simul transit per punctum N, quod pro polo habetur in circulo cometico: porro ducatur arcus E M, in quo, juxta conversionem diurnam cœli, cometa modo alias immobilis, respectu centri mundi seu terra A, una revolutus fuisset: sed quia proprium quoque motum obtinuit pene Septentrionem versus, ut hic supra ex observationibus expositus est, proinde per proportionem motus diurni declinationis, dum eundem proprium motum, quem habebat cometa ab M infimo loco, infra polum, & pene in F sumnum paullo ante, inveniemus $38\frac{1}{6}$ min. sed ex observatione in



utroque loco mutationem declinationis $53\frac{2}{3}$ min. differentia igitur (ut supra) est $15\frac{2}{3}$ m. his sic positis, ducantur primum ab A centro telluris per loca cometæ constituti infra supraque polum M & E, lineaæ rectæ A H & A F: deinde à B superficie globi terrestris, & loco observatoris per eadem cometæ loca, lineaæ B K & B G. posito igitur centro in P mundi polo, quando ducatur arcus G Q, erit Q H æqualis F G, seu angulo parallaxeos cometæ supra polum in E exsistentis, niempe B E A. & quia HK parallaxin cometæ in infima altitudine ostendit, quandoquidem arcus iste in cœlo fixarum stellarum, etiam æqualis est cometæ A M B; quare addito HQ ad HK, complicatur sic aggregatum parallaxium cometæ in utraque observatione, quod supra deprehendimus $15\frac{2}{3}$ min. nunc quæ visibiles altitudines cometæ utrinque, hoc est tam penes M, quam E fuerint, sic ostenduntur.

Primo infima declinatio cometæ observata in M erat 58 gr. 42 m. fere borea. ergo hujus complementum 31 gr. 18 m. est arcus PK, illo autem ab elevatione poli hujus loci, quæ est 55 gr. 43 min. subducto, remanet arcus 24 gr. 25 min. altitudo scilicet cometæ visibilis in M quæsita.

Porro quia datur latitudo cometæ in supremo loco E 60 gr. 40 min. cum declinatio-
ne 59 g. 35 m. proxime, invenitur hinc ascen-
sio recta cometæ 203 gr. 40 min. & postea
ipsa ejus altitudo ad h. 6 $\frac{1}{2}$ matutinam 80 gr.
6 min. quæ in meridiano supra polum fui-
set 86 gr. 8 min. sed ob exilem admodum
cometæ parallaxin hoc in loco circulum de-
clinationis pro circulo altitudinis absque ul-
lo sensibili errore usurpamus, una cum in-
venta altitudine suprema, scilicet 80 gr. 6 m.
esto igitur, pro discretione parallaxium pe-
nes F G, seu Q H, quod H K, seu angulus
A M B, fuisse 13 m. quippe parallaxis come-
te in infima altitudine; quoniam igitur in eodē
triangulo A B M dantur omnes anguli una
cum latere A B, una scilicet semidiametro
terræ, invenitur ergo ex illis latus A M 240
semid. tetræ, & paullo plus, quæ in milliaria
Germanica per 860 deducuntur, produnt distan-

Vide problema I
cap. IO
lib. 2.
Sphaericorum,
ejusque
casum

tiam cometæ hujus à terra in hisce milliarib.
206400. igitur posito latere AE in eadem
quantitate cum AM, & AB t semidiametrum
terræ; denique angulo EBA 170 gr. 6
min. qui oritur adjectione altitudinis supre-
mæ cometæ prius mensuratae 80 gr. 6 mi. ad
90 gr. seu unum angulum rectum. per hæc i-
gitur *ad dōμενα* emergit angulus parallaxeos
cometæ in suprema altitudine penes F 2 mi.
34 sec. qui ubi additus fuerit priori subsumto
AMB 13 m. conflatur rursus QK 15 min.
34 sec. quod aggregatum parallaxeon insen-
sibiliter ab observatis deflectit. quando et-
iam angulus AMB in hisce aliquot forte se-
cundis scrupulis major fuisse suppositis 13
min. ob aliqualem cometæ in infimo loco re-
fractionem. Atqui sic recte statuimus hujus
cometæ distantiam in semid. terræ fuisse qua-
si 240. Neque enim minor erat, id quod et-
iam observatio cometæ sub initium, nempe
ad diem 24 Novemb. innuit, dum multoties
in uno verticali cum Arcturo ab hoc capie-
batur, nam præter motum cometæ proprium,
parum aut pene nihil sensibiliter distantiae
istæ imminutæ deprehendebantur, ut hoc su-
pra me referre memini. Quinetiam idem
quoque invariabilis cometæ hujus incessu
sub circulo maximo, nobis fere per totam
ipsius durationem fatis probavit. Per hanc
igitur distantiam cometæ à centro telluris
mediocriter, ut speramus, acquisitam, ratio-
cinari possumus, ipsum infra perigæum orbis
Veneris in celo juxta nostram restitutionem
fuisse locatum, quasi 98 semid. terræ, Lunæ
autem maximam à tellure distantiam quasi
quater superasse, nedum ut infra eandem, &
quod adhuc absurdius est, in aeris suprema
regione hæsisset. Facebat igitur etiam in hoc
cometa Aristotelicorum commentum, nisi
forte apud eos, qui veritati contumaciter se-
se opponere malint, quam vel heic Aristote-
li suo quicquam derogare.

Porro ad alterum denique convertimur,
quod est de magnitudine hujus cometæ in
comparatione cum globo telluris, id autem
sequenti praxi alligabitur.


B centro circinetur corpus seu caput co-
metæ CED, ac demittatur à B centro ejus
in A centrum terræ, linea BA, quæ supe-
rius inventa est 240 semid. terræ, & quia cor-
pus cometæ CD in visibili magnitudine sub
initium ipsam spicam $\frac{1}{2}$ satis sensibiliter su-
peravit; hæc vero inter stellas primæ magni-
tudinis censetur, igitur caput cometæ dia-
metrum visibilem 3 mi. quasi obtinuit. hisce
suppositis, queratur primum vera diameter
cometae hoc modo.

In triangulo plano CBA angulum re-
ctum ad B habente, quoniam datur BA
240 S. T. item angulus BAC $1\frac{1}{2}$ minut.

quum sit dimidium vi-
sibilis diametri come-
tæ CBD. quare per
conversionem 4 enun-
ciati trigonometriæ
nostræ, ut sinus totus
ad AB 240 semid. ter-
ræ, sic tangens anguli
BAC, nempe 4364,
ad CB, 6 m. 17 sec. u-
nius semidiametri ter-
ræ. duplicata igitur CB
, emergit tota dia-
meter cometæ vera 12
m. 34 sec. qualium dia-
meter orbis telluris
est 2 p. seu 120 m. est
igitur proportio dia-
metri cometæ ad dia-
metrum terræ, ut nu-
merus 377 ad nume-
rum 3600. quum au-
tē sphæræ sint in tripla
ratione suarum diametrorum per ult. prop.
lib. 12 element. proinde quando singuli ho-
rum numerorum cubice excipiuntur, & mi-
nor cubus majorem divisor erit, constat come-
tam 870 vicibus, & paullo plus toto telluris
globo fuisse minorem, eundem quoque à lu-
nari corpore 20 circiter vicibus superatum;
quandoquidem hæc tellure 42 vicibus, & am-
plius, minor est.

Dénique de vera magnitudine caudæ co-
metæ hujus nihil aut parum attinet heic tra-
ctare, quando hæc sibi admodum dispar erat,
cæterum ut plurimum ad 20 gr. & etiam am-
plius, sub initium à reliquo corpore in pla-
gam mundi semper soli oppositam se expan-
debat. Si autem & hanc investigare aliqui
voluerint, consulant imprimis lib. 2 Progym.
Tychonis Brahe, ubi hujus quoq; pragmateias
paradeigma invenient, quamvis profecto sub
ea limitatione, quam nostra cometica hy-
pothesis superius admittit, quandoquidem
raro cometa sub eo angulo cum sole ac ter-
ra, unde visus noster, cadit, ut plenam caudæ
ejaculationem nobis ostendat. Atqui hacte-
nus de situ, motu, altitudine, & magnitudine
hujus cometæ è propriis observationibus.
Nunc relationem de eodem in Persia obser-
vati adjungam, prout in Belgio excusa ad nos
usque pervenit.

Consignatio duorum cometarum in oppido Spaha-
m, quod regni Persie est nobilissimum, nec longe à Per-
sepoli ad occasum remotum, sub elevatione poli 31°.
E clausula epistole Garcia Silvae Figueroes, Philippi
III Hispaniarum, Indianumque regis legati, scri-
pit 5 Calend. Martii, anni 1619, ad Marchionem
Bedmarum, & translatæ ac editæ Antverpiae, anno
1620, his verbis:



Clausula erit hujus epistolæ, geminorum cometarum narratio, qui per hos dies nobis spectaculo fuere. Alter 10 Novemb. die (intellige stylum novum) duabus ante exortum Solis horis fulgere cœpit, cuius apparition inter orientem & meridiem animadversa fuit. Color similis plane fumo, qui ex pulvere sulphureo recoctissimo incenso evaporatur; caput, ut mihi visum est, in Scorpione. Magnitudo quanta zodiaci sextantem caperet: forma velut acinacis, ut aliqui autumarunt, quod genus Græci xiphias vocant, horribiles eventus portendentes. Mihi visus est hic cometes speciem referre magis surculi palmæ anniculi, qui nondum dilatatus, in cacumine leviter curvetur. Motum autem tenebat in meridiem.

Duo tertiove decimo die post hujus cometæ exortum, alter apparuit jubatus seu crinitus, communis facie, colore Veneris astro similis, pariq; illi magnitudine, aut paulo majore. Ortu autem recte ducebat ab oriente æquinoctiali. & quamvis ab initio longe minor esset priore: incrementa tamen indies longe majora capiebat, sic ut alterum pene æquaret. Movebat se motu proprio cum primo mobili, non procul à linea verticali Septentrionem versus. Porro triduum post hujus exortum, vel quatriduum, alter evanuit. Ambo certe brevem adeo periodum habuere, ut posterior jam supra diem decimum apparere desierit. Observatum est, hunc dum desierit, magis rubuisse. Ut ut sit, si mala cometæ isti portendunt, diurna saltim non erunt, ut alia quæ in orbe terrarum plurima cernuntur. Hæc ille. Ex quibus certe, quamquam duorum cometarum mensa Novemb. anni Domini 1618 in Persia observatorum designationem à dicto Figueroe Hispano factam esse agnoscam, & priorem eodem die illic cœpisse, quo in Silesia notat Kepplerus; non tamen posteriori observando, de quo nos agimus, eam ab ipso legato Hispanico, aut iis qui cum ipso fuere, ~~æter~~ adhibitam esse sentio, quæ ceteroquin Astronomum decebat; adeo ut lector rerum cœlestium intelligens facile percipiat, regium hunc legatum, aliis potius eo tempore, quæ majoris momenti futura existimabat, intentum, à cura illa potiore, simul fortasse, & artis ignorantia excusari; non solum dum motum discretum huic cometæ nullum adsignet, sed etiam dum contra cometarum naturam, & communem in aliis, ut & hoc ipso experientiam, magnitudinem ejus successive à primo exortu augeat, quod ipsum tamen ob vicinitatem solis in sphera ad rectam plurimum accidente, contingere potuit. Nam dum cometa hic Persis oriebatur, vix 7 gradib. Solem in ascensione longa præibat, ut mi-

rum fuisse, quod à radiis hujus non totus occultari, nedum sub initium extenuari potuisse, & tandem in adspectum magis magisque produci, donec se à radiis solis plane exsolveret. Quicquid est, profecto opinionem de cometa hoc sibi minori istuc curæ fuisse, id Figueroes vehementer auget, quod ipsum in ea regione, ubi & major nocturna serenitas dabatur, & vertici, ut dicit, phænomenon hoc propinquius erat, longius 10 diebus observando non sit persequutus: quandoquidem postquam heic fero magis in sphera decliviore, & post continuas pluvias cometa conspicere cœpisset, & apud ipsum, ut scribit, desisset, triplicis temporis longioris spacio satis à nobis pariter, & aliis per intervalla, quæ cœlum serenius largiebatur, & animadversus, & observatus fuerat. Nam impossibile erat tam immanni cometam hunc parallaxi obnoxium fuisse, ut ob hanc causam Persis tam cito evanesceret; quando nos eandem supra fideliter enucleando atque metiendo, non ultra 14 $\frac{1}{2}$ min. in horizontis limite deprehendimus. Et certe quando motu diurno ad finitorem Persarum cometa trahebatur, totam illam parallaxin refractio etiam in illis oris reddebat; nisi forte montes, qui alti in Persia, obstiterant, quo minus cometa hic illis ad majorem temporis flexum in adspectum exsurgeret. Interim autem pulcre è denotatione Figueroes cognoscere licet, & alium quasi cometam, quippe quem cum aliis nonnullis dominus Kepplerus è formæ incompleto describit, nostrum præcessisse, & hunc longe maturius, nempe ante initium 12 diei Novemb. veteri stilo, incepisse, utputa circa prænominatos fatales, & prægnantes planetarum adspectus, qui tunc occurrerant, primum quadratum Solis & Iovis, dehinc trigonum Martis ac Veneris: quod utrumque ad effectorum dijudicationem plurimum facit, cui quod de hoc tractatu restat, pro ingenii nostri imbecillitate deinceps tribuemus.

C A P. XI.

De effectis seu significatis horum duorum cometarum scorsim, ac breviter juxta communia Astrologorum decreta indicatis.

DE significatis cometarum, quorum motus hæc tenus ex observatis nostris designavimus, ac in ordinem redegimus, amplius in specie juxta præmissum cap. 8 acturis, duplex via occurrit, una Astrologiæ magis in hac materia consueta ac trita, etiam dum causas, quas supra, diversum ab Aristotele sentientes, cometarum generationi tribuimus, heic plausibili conjectura, effectis seu significatis

catis horum pro ingenio nostro applicamus. Altera, quæ in indicia magis aðcana nos præcipue ex horum duorum cometarum diverso exortu, ac motuum contrarietate inducunt; quam capite sequente ac ultimo, Deo volente, expediam, sed utramque timide ac suspenso gradu calcabo, prout periculosa hæc tempora monent, præsertim quando Astrologorum (ut recte cum Ptolemæo sentiam) conjecturæ *decreta præatoria* in nostra scientia minime ob plures causas fuerint, quarum etiam quædam superius sunt commemoratae; reliquæ per procemium quadripartiti Ptolemæi à lectore cognoscendæ restant. Quin insuper, quod ingenuæ fateor, natura mea semper haðtenus à prædictionibus eventuum ex astris, & imprimis hisce prodigiosis, abhorruit; ne scilicet nimium cum aliis quibusdam, qui majore licentia hanc segetem metunt, prodigii harum invenirer; adeo quidem ut optasse sequentibus, de judiciis quilibuscunque horum cometarum, supersedisse;



nisi religio fuisset, divina hæc ostenta, & quæ ad certum finem, nempe nostram emendationem emissâ ac directa sunt, non altius quam præmissâ de apparentiis ipsorum contemplatione animis legentium infigere, ac nonnulla, quæ præterierunt plausibiliter ex Astrologica consideratione horum cometarum inferre; alia quoque præ foribus esse: quippe in impiorum, ac impoenitentium ruinam parata, fit deliter admonere.

Igitur ad ortum cometæ anni 1607 primo respicientes, quem satis plausibiliter supra deprehendimus incidisse in 15 di. Septemb. h. 15² nempe in oppositione Δ cum simili ci \circ motu. Ad ilud autem tempus cœlum & sidera in tali statu horizontis nostri respectu reperimus, qualem sequens thema exprimit; cui & aliud adjungimus, quod pariter cœli constitutionem declarat, in oppositione luminarium proxime sequente, ut inter alia, ab utriusque inspectione judicium de hoc cometa conformetur.

THEMA COELI

Exortus cometæ.

Oppositionis \circ & Δ proxime seqq.



Dum magnitudinem, colorem, caudæ quantitatem, motum denique prioris hujus cometæ, sub ipsum sui ortum contemplamur, & in hisce naturam Δ , in cuius Δ cum medio motu \circ cœpit; deinde b quem colore referebat pene in quadrato Δ , item \circ , & Δ constitutum. Porro ipsum Δ dominum horoscopi sub radiis, seu corde \circ latentem; & Δ non longe ab horoscopo distantem, in ipso trigo no cum b . Denique cometæ situm nobis in 11 domo versantis, qui deinceps motum suum celeri concitatione versus meridiem deflexit, & partim in signorum consequentia. Primo non obscure hyemes illas asperiores, & pene contra naturæ ordinem, nobis talium consideratio, & maxime cometæ situs ac motus insinuat: præcipue quæ anno incipiente

1608 apud Aquilonares Islandos, & alios Norvegos solito longe remissior, tolerabili orque fuit: apud nos vero, Belgas, Germanos, Helvetios, imo ipsos Gallos, adeoque Italos ac Hispanos, ita præter consuetudinem inclemensior, ut non solum animalcula, sed & homines perplures in illis locis frigore perierint. Ut enim Sol ratione motus primi oriens, frigoris uredinem è vastissimo Indico mari exhalantem suis radiis promovet, & paullatim ac sensim, ut Cardano placet, orbi continentis occasum versus deseminat; ita credibile est, hunc cometen, frigidam illa materiam circa septentrionem in aere collectam, suo motui obnoxiam fecisse ac in meridiem secum abduxisse, & paullatim super faciem terræ deseminasse. Vnde non solum hyemalia;

sed etiam vernalia tempora (dum simul b proprium domicilium nempe J , unde maxime efficax fuit, occupaverat) multo frigore ac gelu obsita, caras illas apud nos, in Germania reliquisque locis annonas, inter alia sine dubio causabantur, quæ etiam aliquot sequentib. annis duraverunt, quando hyemes istæ immoderatae siccias æstates una importarant, præter morbos varios, acutos pariter & chronicos, imprimis febres inusitatas, quæ se ex eo tempore etiam regionibus nostris infuderunt, ob trigonum J & h ; Quo in numero synochus, & imprimis quartana illa censenda est, quæ tam misere nostrates & Germanos exinde afflixit. Idem pene è themate sequentis plenilunii etiam sequitur. Nam & in hac revolutione cometa eundem pene situm, ut prius occupat; & y Horoscopi dominus, in tertiam cadentem detrusus est; & denique J in nonam cum g & o intromissus; quod religioni multum incommodabat, quantum de hac ex astris, vel cognoscere vel prædicere conveniat; quin & infaustas de ea, ut & aliis recip. negotiis, deliberationes, horum planetarum situs indidem portendit. Porro reliquum reipubl. statum per orbem, quod attinet, qui fere hisce ultimis mundi temporibus, divina justitia, ob varia peccata hominum; & imprimis libidines principum regnandi, in bella, juxta ipsius Christi prædictionem conversus est, ac plurimum à caritate, concordia, & pace divulsus. Bellorum non obscura signa in utroq; themate advertimus, præcipue apud Muschovitas, Tartaros, Indos atque Turcas. Hæc vera esse ex relationibus, quæ ad nos usque pervenerunt, deprehendes, quod scilicet quibus cometa (juxta ea, quæ cap. 8 præcepta sunt) iis temporibus vel verticalis, vel cæteroquin in 10 domo fuerat, bellis & cladibus sint agitati. Legatur historia Rhutenorum super edita, quas turbas interea tres illi Pseudo-Demetrii, quam hominum stragem, ac necem in Russia, Livonia & Polonia dederunt.

Porro circa annum Dñi 1610, in Tartaria, ex quo magnus Chamus paullo antea obierat, ingens bellum exortum est, istis scilicet quibus cometes hic in ortu suo quasi verticalis fuit. Quum enim excluso filio Chami, frater hujus imperium ad se trahere tentaret, bello certatum est, in quo victor Chami filius fertur, & in quo ceciderunt ad 40000 millia hominum. Biennio ante in Turcici imperii locis, quibus cometa hic in themate g proxime luminarium culminabat, Alepiensi nempe & Curmanensi, maxima turba exorta est, Mosilis Alepiensis Bassæ rebellione atque defensione, dum ejus vindicem se Veizir Bassa nomine Turcici Imperatoris præstitit; & vix tribus ingentibus præliis victor exstitit.

Nobis vero quamquam hic, cometa nec in

hifce thematibus, nec extra plane verticalis fuit, (nusquam enim declinationem obtinuit 53 $\frac{1}{2}$ gr. majorem:) tamen quandoquidem à Leone cursum suum atque initium inchoarat, quod signum Germanæ, Daniae, atque Sueciae inter alia è Ptolemæo, pro horum hominum natura trigonicum est, ob id quoque bella se huc extenderunt, maxime ob directionis decreta, quod g b y ac g anno Dñi 1603 sub initium Brumæ in 10 gr. \leftrightarrow , evenerat, altero scilicet significatorum signo trigonico; item ob stellam novam anno sequente, nempe 1604 in 18 gr. \leftrightarrow repertam. Qum enim cometam in ortu, & motum ejus per eclipticam ab hisce locis consideremus, habemus indidem spacium illud ultra citraque trigonum, quo cometa è 10 $\frac{1}{2}$ gra. Ω , nullum quidem sensibile momentum à priore in 10 gra. \leftrightarrow faciat, & posteriore in 18 grad. \leftrightarrow , cuius differentia per istam directionem annos circiter 8 cometa significata sua proroget. At mediis hisce temporibus, & quod ab ignea superiorum conjunctione incitamentum maximum habuit, quibus quidem inundatio per Britanniam, turbæ & bella per Germaniam, adeoque hæc Septentrionalia regna incidunt. Vix enim quadriennio post exortum cometæ, biennale illud bellum inter Danos ac Suecos exortum est; cuius etiam terminum fata Caroli Regis Sueciæ, qui dicto bello occasionem magnam præbuit, exceperunt, quum anno sequente, nempe 1612, cometa Horoscopum hujus in 7 gra. m , motu suo directorio attigisset, qui quoque annus Serenissimæ, & nunquam satis laudatae Reginæ nostræ ANNÆ CATHARINÆ fatalis fuit.

Porro, dum ad rationem cursus Lunæ, hujus cometæ significata producimus, invenimus illum fere 4 signa in eorum consequentia motu suo perfecisse, quæ similiter nobis significatorum durationem per octennium insinuant, intra quod non modo quæ antea enumeravimus mala se exercuerunt, sed vel maxime illa, quorum y significator fuerat, in utroq; themate dejectus atque afflictus. Cui non solum bellum Venetum cum Archiduce Austriae; sed vel maxime initium rebellionis & defectionis Bohemorum & adjacentium provinciarum, potissimum religionis causa, ut autument, se infeliciter adstrinxit, dum scilicet, ut antea Poloni, pari certe eventu, religionis libere exercendæ vindices esse, homines isti, nimium mature se profiterentur. De qua re ut nihil impræsentiarum disputandum ducam, nisi hoc solum, Deum scilicet medium invenire, quo ecclesiæ suæ adsertorem & vindicem se unice fore tempore accepto ostendet; sic firmiter tenendum, vix unquam rebellionem successum habituram, nisi quam tanta tyrannis præcessit, quæ cœlum moveat, & Deum ipsum

*Math.
24, ver.
6, &
seqq.*

CAP. II. DE NOVIS COELI PHÆNOMENIS.

41

ipsum precibus lacrymisque in justam vindictam inde promoveat.

Atqui tantum de cometæ anni 1607 significatis in se, absque collatione consideratis. Sequuntur quæ ab ultimo pariter pro ingenii modulo deduci posse existimamus.


De significatis cometæ anni 1618 seorsim.

Quum & heic occasio nobis data fuerit, phænomena cometæ anni 1618 similiter ad principium ortus sui revocandi, quod procul dubio in quad. ☽ & ☾ contigerat, nempe

die 11 Novem. una hora ante merid. juxta nostram, in utrisque Solis & Iovis cursibus, restitutionem, quandoquidem etiam Persiana observatio uno die saltim ab hoc tempore anteveritur, quando videlicet primum ob Solis vicinitatem cometa videri illis potuisset. Proinde thema cœleste primum ortui cometæ hujus infra accommodabimus, deinde aliud juxta ad tempus & luminarium immediate sequentis, quippe d. 21 Novemb. in nocte sequente adponemus, quo & heic rectius atque expeditius in effectorum dijicatione versemur.


T H E M A

ad Exortum cometæ.



C O E L I .

ad Oppositionem ☽ & ☽ proxime seqq.



Etsi ortum cometæ hujus non nisi ex conjectura habeamus, quod tempus attinet, ut supra eum in quadrato Solis ac Iovis incepisse probabiliter differuimus; tamen è thematis inspectione, quod ad id momentum erectum est, eam congruentiam non solum cum sequente cœli positione ad luminarium & constituta; sed etiam cum iis, quæ haec tenus ab ortu hujus cometæ acciderunt, esse reperio, ut ortum ejus in tempus præscriptum incidisse, minus nunc dubitem. Perlunga mecum quæfô lector benevole, quisquis astrologus es, hujus deputati ortus thema. Nonne ibi malefici ☽ & ☽ ita ☽ qui prope MC, est & negotiorum dispositor ac dispensator, perstringunt, involvunt, & in suas partes trahunt, ut per hanc ☽ item maleficorum atque adeo luminarium constitutionem respub. mundanas non nisi ad quævis infusa in consiliis & actionibus suis inclinent: & quidem eo magis, quod ☽ in loco octavo nempe mortis domicilio heic resideat, & cum ☽ permutato; ☽ vero non longe à cuspidi domus sextæ, quæ morborum est, distat, & hi quoque malefici pene quadr. adspectu se intuen-

tur. Addo quod dominus horoscopi ☽ hic sit, qui etiam Lunam, in suo casu repartam, affligit. De cometæ ipsius situatione in hoc themate, quid dicam, qui vixdum à Solis radiis digressus est, præterea in 10 loco exaltatus ac domicilio ☽ constitutus? quod ipsum significatum ad terrestria mundi lumina, Imperatores nempe, Reges ac Principes in repub. & haec tenus se extenderat, & imposterum se extensurum arbitror, nec minus ad eos qui ecclesiæ antistites ac tutores se probare volunt, si quicquam ex astris de hac divina oeconomicia vaticinari licebit, quandoquidem ☽ ac ☽ hospitio à maleficio ☽ sunt invitati.

Quin & ipse cometa juxta cuspidem domus 11, & tam Soli vicinus, præter alia mala, quæ passim cometæ denunciare solent, etiam consilia proditoria adversus pacta & amicitias multipliciter insinuat.

Certe qui astrologus est, nec plane veterum sapientum decreta deridet, vix dubitabit talia per hunc cometam ominosa fuisse, quæ eodem anno 1618 & proxime sequente Magnatum in rep. discessu contigerant. Prior enim, inter alios, Maximiliano, nec non uxori Imperatoris;

peratoris; posterior ipsi Imperatori Matthiæ, & Annæ reginæ magnæ Britanniæ, heroinæ certe hac tempestate desideratissimæ, fatalis fuit: & quod de Imperatore ulterius commemorem: hic 10 d. Martii anni 1619 discessit, quando ♂ dominus natalitii horoscopi hujus, nunc dum cometa fulgebat, in octavam domum, quæ mortis nominatur, migraverat, medio coeli item cometa paullo post in locum natalis horoscopi transeuntibus. Intuere præterea actiones, quæ Germania ac toti Imperio incubuerunt, maxime ob religionis discordiam, quandoquidem cometa hic ortum suum ad quadr. ♐ & ☽ referebat, nec longe in ortu à Sole distabat, in uno scilicet cum ♀ domicilio, & inquam fraudulenter à maleficis invitato, & domiciliis, ut dixi, permutatis assumto. Quæ igitur consiliis salutaribus regi fortasse potuerunt, pessimis hactenus agebantur, ita quidem ut hæc intra paucos hōc annos, mactationis infinitorum fere hominum cauillæ fuerint. Quod idem thema ad 8 luminarium erectum innuit, ubi Mars in domo 12 horoscopum pene occupat; à quo rursus ♀ in loco cadente, & quasi quadr. adspectu, quippe in ascensione longa afflictus est, ubi etiam denuo luminaria à maleficorum sinistris adspectibus affliguntur, qui & ipsi in locis infastis in hoc themate ponuntur, dum ♃ in domo religionis, Mars in domo carceris invenitur. Quia vero ♃ in effectis producendis & definiendis cunctantior ac diurnior est, certe metuendum, ne prius mala, quæ præfens cometa significat, solvantur ac desinant, quam conjunctiones superiorum planetarum præterierint, quæ anno 1622 in ♈, sequente vero in ♉ signo igneo contingent, unde eventus ominosi ac malii prodire solent, heic tum quo ad aquarum inundationes, tum bellorum motus postea, quæ mala in annum 1624 se extenderet velle videntur, quem quidem annum mundo gravem, si non fatalem futurum equidem cum aliis pluribus, existimo. Nam interea, nisi omnia divina misericordia ac singulari providentia per Imperium Romanum fuerint composita, & pax aliqua erecta ac firmata, horrenda bella & mutationes videbis, quæ etiam Turcam simul permoverebunt, ob cometam hunc per ejus ditiones ac regna in primo ortu suo culminantem.

Vtinam vero ne nos quoque Septentrionales cometæ hujus decreta in hisce deplorandis mutationibus attingant, ac iis, hisce mediis temporibus involvant, quando scilicet cometæ ad principium fere ☽ directione in antecedentia fuerit retractus, & postea circa finem anni 1623, quando juxta finem secundæ decuriæ Η, cometa nobis verticalis factus fuerat. Nam inter alia portenta, quæ hisce temporibus passim inter nos ad securitatem

nostram arguendam fieri inaudiuntur, etiam horrenda eclipsis illa in Sole, quæ 11 die Maji anni 1621 apud nos conspecta est, idq; in majori certe, quam apud meridionaliores, incremento, ob parallaxum crescentiam, hujusmodi mala, aut similia minitatur, quando in ultimis gradibus ♈, quod signum ac domicilium luxuriosæ Veneri attributum est, luminaria in hoc deliquio jungebantur, mox II ingressura, quod signum ad domicilium instabilis ♀ pertinet, qui quidem variarum in Imperio atque repub. mutationum significator est, etiam quoad leges atque disciplinas, quum scribarum atq; doctorum director & antesignanus ♀ vulgo habeatur. Porro ex maleficorum sinistro adspectu, item cometæ per signa zodiaci retrogradatione, præter febiles aliquos morbos, qui adhuc inter nos continuantur, etiam pestifera illa lues homines nostri climatis anno 1619 & sequente invasit; quando terra in occursum cometæ sub ea poli elevatione, ubi maxime ad resolutionem ultimam vergebatur, Mercurialem solum de se exæstuabat, eumque suo motu versus ortum promovebat, unde primum Norvegiæ pars, deinde maxima Daniæ & aliqua Sueciæ, postea Gotlandia, Borussia, Livonia ac Polonia, sub eodem hoc climate, quod mirum fuit, misere hac peste affligeantur; & tamen simul à misericordissimo Deo, ita successive liberabantur, ut pestem hanc non nisi paternam admonitionem, de salutari hominum resipiscientia agnosceres. Quæ utinam in nos ita deinceps caderet, ut sorde ac securitate peccatorum nostrorum per seriam poenitentiam abjecta, digni haberemur, qui hæc mala cæteroquin eventura effugeremus; & cum divina gratia ac favore coram filio hominis staremus.

Quod vero fruges terræ, annonas, tempestates, item morbos, ac hujusmodi alia mala attinet, amplius ex hujus cometæ decretis expectanda, ea certe tunc primum maxime aggravari, & duriora futura videntur, quando cometa in ultimo disparitionis suæ signo, nempe ♉, una cum conjunctione superiorum planetarum in eodem signo, de quo supra, vires suas exeruerit, quæ anno 1623, & maxime 1624 reservari videntur. Etenim licet ultimus hic cometa in ortu coepit, ut inde, juxta Ptolemaeum, indicium esset de maturioribus ejusdem effectis subsequutur; tamen ex magnitudine tam corporis quam caudæ, item motus constantia ac duratione, tum de magnitudine eventuum, tum ipsorum diurniorum ad terminos, quos diximus, duratione, judicium nostrum confirmatur. Atqui hactenus significata horum cometarum qualitercunque seorsim considerata fuere, restat nunc ut in clausulam suscepit tractatus quædam de horum communione rejiciamus.

C A P . X I I .

De communi affectione significatorum, duorum præmissorum cometarum, ex iisdem causis efficientibus, item motuum contrarietate, signorum seu Asterismorum natura quos transmissi sunt; porro de aliis duobus qui cum ultimo fere cooriebantur, ex quibus omnibus detectanda hominum securitas, extremis hisce temporibus, ante omnia arguitur.

PRÆTER ea quæ superiore capite de significatis horum duorum cometarum prolata sunt, successive, ut tempora ferunt, in licenam mundanam prœdeuntia, & alia esse suspicor, quæ cometas hosce circumstant, eorum significata mire sine dubio auctura.

Primum enim præter ipsum optimum Deum, qui hujusmodi cœlestia nova ostenta, ut & reliqua, certo bonoque fine producit, quemadmodū luculentiter c. 4 & 7 dictum est; etiam ortus utriusque horum cometarum, vel si mavis, causa naturalis efficiens duobus inter oberrantia fidera cœlestia clarissimis & potentissimis luminibus & ad sublunaria foventa benignissimis tribuitur, Soli nempe & Iovi. Priorem namque in horum oppositione, posteriorem in earundem quadrato adspectu cœpisse satis plausibiliter ex temporis, aliisq; circumstantiis ratiocinati sumus, unde breviter, ut omnia, in hoc capite concluditur, non admodum diversa esse, ad quæ arguenda ac significanda cometæ hi bini à Creatore Opt. Max. sunt emissi. Præterea dum eadem è genio & natura horum planetarum juxta Astrologos desumantur, evidens est alterum, scilicet 4, inter alia, maxime religionem & justitiam: alterum, nempe Solem, Regna, Imperia, Majestatem & divitias mundanas significare, ad quæ violanda ac invadenda decreta utriusque cometæ pariter se extendunt; ubi id Deus ob peccata hominum permiserit. Secundum, est horum cometarum in motibus suis contrarietas, dum per eadem signa zodiacalia, prior à Septentrione in meridiem ac ortum, motu magis impetuoso & inordinato, licet perpetuo fere sub circulo in sphæra maximo; posterior contra à meridie ac ortu in Septentrionem cursum suum motu lento magis ac composito etiam sub circulo maximo direxit. unde rursus inferri posse videtur, ut quæ sic, sive religionis, sive imperii & dignitatis negotia attingunt, in contrarium nitantur & scindantur, adeo quidem, ut motus illi priores inordinati, qui consilia illa immatura ac infalutaria denotabant, absque ingentibus turbarum fluctibus, quos hoc imperiorum pelagus de se excitat, haud denuo facile com-

poni posse videantur, postquam phyalæ divinae excandescentiae, quas certe hi cometæ referebant, cœlitus in id essent dimissæ.

*Non igitur scelus, regnandi aut dira cupido
Exercenda juvant motus componere fluctus:
Sed prece, sed lacryma flectenda est numinis ira.*

Tertium; dum Asterismos illos in cœlo consideramus, per quos hi duo cometæ sunt transmissi, & præcipue Booten seu Arctophylacem, sub quo maxime itinera sua in contrarium direxerant, adeo ut prior oblique sub hoc Asterismo incederet, à foemore ursæ majoris cursum incipiens, ac in serpentarium definens; posterior vero directe magis, hoc ipsum fidus perarando, non prius illud defebat, quam ab extrema sinistra manu in spaciū istud vacuum, quod inter immanium bestiarum, serpentis scilicet & ursæ majoris, caudas relictum est, demittebatur, à fidere scorpionis ortum ducens, & ita viam prioris sub foemore dextro Bootis prope circulum tropicum æstivæ scilicet conversionis Solis, defecans, id certe hinc colligere licet, quod Deus non frustra in admonitionem nostram tales cœlestes figuræ in ductibus horum ostendendis nunc usurpet, quæ vel ab antiquis Astronomis & cœli cultoribus ad fabularum errores olim sunt traductæ. Ut enim interpretationem horum immanium Asterismorum prætereā, sub quibus vel ortus cometæ nostri duxerunt, vel in quos desiverunt, quū ea apud Manilium, Aratum, aliosq; scriptores, imprimis autem Natalem Comitem, & Henricum Decimatorem peti possit; hoc unum de Bootis fidere affero, quod quum excubiis super ursa, hoc est septentrione, agendis, à priscis illis Astronomis destinatus sit, & nihilominus tardus, & nimium bovinus in hoc suo officio reperiatur, idque ob tardam stellarum in ipso conversionem diurnam, eum igitur nunc ita per hosce cometicos legatos, eorumque celestes motus agitari, ut ad officium rediens, & bovinas suas aures expandens, quid Deus mundo, & imprimis hisce partibus septentrionalibus ob summam suam securitatem vult, quidve justo suo judicio minatur, quodammodo indicet, & quasi manu, per quam ultimus horum cometarum in septentrionem altius paullo ascendendo directe ferebatur, manifesto indigit. Id inquam procul dubio ipsi Deo etiam hoc modo atque per hoc fidus nobis patefacere placuit, postquam voluntatem suam luculenter in verbo suo patefactam debite accurare homines nimium securè neglexerint, ne scilicet quisquam ἀντολόγητος reperiatur, ubi dies ille magnus, ad quem filii lucis jam anhelant, brevi illuxerit. Interim autem impœnitentibus, & in sua securitate perseverantibus, pœnas meritas Deus nec suspendere velle videtur, nedum plane

plane auferre, sed præter alias, quibus peccata juste compensabit, & hominum corda diris contentionibus ac rixis, imprimis ob regnandi cupidinem, ita tradere, ut mediis ac confiliis pacis infelicitate contemtis & sepositis, se invicem delanient, idque in morem bestiarum istarum inter quas cometæ hi commearunt, nempe à quibus exorti & inter quas tandem disparuerunt.

Quarto, & hoc animadversione dignum est, quod eodem hoc anno 1618, paullo ante ultimi cometæ exortum (quod nescio an unquam antea factum fit) duo alii cometæ magis monstroso apparuerint, in iisdem pene carceribus seu cœli plagiis, à quibus duo hi, de quibus hactenus egimus, sunt demissi, quippe alter in Septentrione sub ursa majori, velut magni hujus ultimi legati adfuturi intermuncius vel custos; alter in meridie, tanquam eundem Legatum magnum instruxisset, viresque tribuisse, ante suum in meridiem ab eodem discessum. De utroq; legatur D.Ioh. Kepplerus, cuius etiam censura de hoc ultimo fuerat, imo adversus Senecam pro Ephoro dissertatio; quod unus cometa in duos sit dissectus, seu in duas partes discesserit; omni addito de imperio Turcico delatatori futuro, & quasi in duo dividendo, quorum alterum orbem meridionalem, alterum Septentrionalem effet amplexurum. Quod quidem omnem clementer Deus à nobis avertat, cuius eventum alias à Turcica tyrannide in nos ob peccata nostra derivari juste permitteret; nisi omni mora ad socordiam amplius & inobedientiam, adversus longanimitatem benignissimi Dei, velut serpentem in sinu fovendum, seposita, in mandatis ejus imposterum ambulemus, ac precibus jugiter insistamus, ut in lumen 36. ce ipsius lucem intueamur, & opera tenebrarum ex animo detestemur. Quod si fecerimus, & mature ex intimo corde absque simulatione ad Deum nostrum conversi fuerimus, non dubitabimus, quin ipse ecclesiæ suæ hostes delebit, eique in fano verbo & vero sacramentorum usu recte heic fundatae halcyonia amplius apud nos juxta promissionem suam concedat, ac simul magistratum ac poliariam divinis promissionibus ac protectionibus modo unice incumbentem benigne conservet. Sin vero secus, certe securitatem nostram pœnae gravitate aliquando compensandam quis dubitabit? quandoquidem historiæ omnium ætatum, etiam in aliis gentibus, sed præcipue in populo Dei, id ostendunt, pro quibus, inter alias, libri Regum diligenter in sacris legantur & expendantur. Ut vero ad

talem παράγοντα tractatum hunc de novis phænomenis modo concludendum adstringam, scire nos oportet, omnes errores & peccata inter homines, quos Deus ad imaginem suam, ac vitam perpetuo meliorem ab initio creavit, è duobus fontibus potissimum featuregeminum ducere, nempe infictia seu ignorantia de vero Deo, & incredulitate ipsi secundum verbum revelatum credendi. Quarum prior, ne nos simul cum præcipuis orbis partibus obcaecatos teneat, est cur divina erga nos benevolentia æternas, licet nunquam latit meritas, gratias agamus. At ex incredulitate, quæ promissionibus ac comminationibus Dei in verbo fidem adhibere nescit, sed has potius, dum divina patientia & longanimitas durat, qua paterno affectu erga nos, at salutarem pœnitentiam invitamus, veras esse ambigit, detestanda in populo securitas orta est, quæ se late per omnia vitiorum genera inter homines diffundit, adeo ut vel ob hanc solam bestiam jugulandam, & cum matura ac vere pœnitenti vigilancia permutandam, divina ostenta passim in coelo, in aere, in aquis, in terra, in hominibus, in animalibus, contingant, oculos mortalium expandentia, aures vellicantia, & omnes sensus permoventia, si forte sint, qui ante ultima mundi fata ac rerum omnium ruinas, credere velint, Deum in orbe regnare, & Christum, quem pater super Zione Regem omnium potentissimum collocabat, gentes tumultuantes & immorigeras sceptro ferreo recturum esse; morigeras vero & ad thronum gratiae fugientes, misericordia sua velut umbone obumbratum. Beati igitur omnes, qui mundanis ipsis illecebris, quas Satanus prætendit, quibusque passim homines hoc tempore inescat, mature valedicunt, vel potius, ut suæ suorumque saluti perniciiosissimis, maledicunt; & Regis altissimi filio, qui & ipse secundum naturam, virtutes, ac merita, summus Rex & sacerdos noster est, rite, id est, absque traductione ac scandalo in amplexum ruunt: in adventum ejus brevi sine dubio instantem, jugiter animos intendunt, mentis suæ innovationi acriter insistunt, ut quum hic Rex citius forte opinione orbem judicatum venerit, lampades nostræ ardeant, & digni reperiamur, qui cum hoc sponso nostro in æterna tabernacula recipiamur, ubi fraude ac tristitia mundana omni exclusa, gaudium & pax æviteruntur.

Veni ergo Domine Iesu.
Etiam, venio cito. Amen.

F I N I S.

